


الوعظ التفسيري

كيفاش
تتكلم بكلمة
الله اليوم



ديفيد هيلم

الوعظ التفسيري

كيفاش
تتكلم بكلمة
الله اليوم



ديفيد هيلم

الوعظ التفسيري: كيفاش تتكلم بكلمة الله اليوم
حقوق الطبع والنشر © 2014 محفوظة لمؤسسة تشارلز سيمون
الكتاب نشراتو خدمة
Crossway Books
Good News
1300 Crescent Street
Wheaton, Illinois 60187

كل الحقوق محفوظة. ماخاصش إعادة إنتاج أي جزء من هاد المنشور أولا التخزين ديالو في نظام استرجاع
أولا النقل ديال بأي شكل من الأشكال بأي وسيلة، إلكترونية أولا ميكانيكية أولا بالتصوير أولا التسجيل أولا
غيرهم، بلا إذن مُسبق من الناشر، باستثناء ما ينص عليه قانون حقوق الطبع والنشر في الولايات المتحدة
الأمريكية.

تصميم الغلاف: شركة Dual Identity.
صورة الغلاف: واين بريزينا من .brezinkadesign.com
الطبعة اللولى 2014
الكتاب تُطبع في الولايات المتحدة الأمريكية

اقتباسات العهد الجديد الكتاب المقدس موخودة من الترجمة المغربية القياسية والعهد القديم من الترجمة
ديال مُترجم الكتاب، حقوق الطبع والنشر © 2001 خدمة Crossway Bibles. مستعلمة بادن. كل الحقوق
محفوظة.

9Marks ISBN: 979-8-89218-175-4

Library of Congress Cataloging-in-Publication Data

Helm, David R., 1961–

Expositional preaching : how we speak God's word
today / David Helm.

pages cm.—(9Marks: building healthy churches)

Includes bibliographical references and index.

ISBN 978-1-4335-4313-5 (hc)

1. Expository preaching. I. Title.

BV4211.3.H46 2014

251—dc23

2007051434

LB 24 23 22 21 20 19 18 17 16 15 14
15 14 13 12 11 11 10 9 8 7 6 5 4 3 2 1

الفهرس

5	آراء على الكتاب
7	تمهيد
12	مقدمة العظام اليابسة
16	1 الإنسجام مع ثقافة المستمعين
17	مشكلة التمسك الأعمى
19	الوعظ الإنطباعي
26	الوعظ المشوش
31	الوعظ آلي توحا بيه
40	2 التفسير
40	عطي الأولوية للي مهم كتر
42	نهار بدبت نفهم
46	عطي للسياق الكتابي الحق فالتحكم
48	تصنت للنغمة ديال النص
52	شوف البنية والمضمون "محور التركيز"
61	3 التفكير فالجاناب اللاهوتي ديال النص
62	خاصنا نقرأو الكتاب المقدس بالطريقة ديال يسوع المسيح
65	التحدّي في المنهج التاريخي- النقدي
69	الفايدة ديال اللاهوت الكتابي
84	الدور ديال اللاهوت النضامي
88	4 اليوم الحاضر
90	التركيبة ديال الناس اللي غيسمعو الوعض
98	التنضيم ديال الوعض
104	نلقا الحجة
106	التطبيق ديال الوعض ديالك
115	الخاتمة: العظام اليابسة
117	المُلحق: الأسئلة اللي كيسولوهم المبشّرين
123	تقديم للسلسلة

آراء على الكتاب

الصفحات ديال الكتاب المقدس هما بحال البحر، وكل واعظ كايصافر فيهم كايحتاج لشراع باش يدفعو للتقدم والعمق، ولبوصلة باش تدّيه للاتجاه الصحيح، ودقّة تخليه يتحكم في الطريق ديال الرحلة باش يوصل للهدف لي باغيه. هادشي لي كيقدمو ديفيد هيلم فالكتاب ديالو "الوعظ التفسيري" لكل واحد بغا يتعلّم من قلبو داكشي لي وحا بيه الروح للأنبياء وعطاه للناس يقراوه.

"كانتشوق باش نراجع الكتاب باش مايخلينيش نخرج على النص، وكانصحك باش تاخذو."

- القس الدكتور بيار فرانسيس
راعي الكنيسة المعمدانية في الميّة ميّة. صيدا - لبنان

"المنبر ماشي بلاصة باش الواعظ يشارك الأفكار والفلسفة ديالو، ولكن راه المنبر هو البلاصة فين الله كيفسر الفكر ديالو للشعب ديالو من خلال العقل والصوت ديال الواعظ. المنبر هو منبر الله، كايطلع ليه الواعظ بإحساس ثقيل بالمسؤولية: كلمة الله هي المصدر ديال المعرفة ديالو، وروح الله هي مصدر الضو ديالو. هاكدا كايشفو الشعب، وهاكدا الله كايستنا منو، حيت عطاه المنبر ديالو. هاد الكتاب هو واحد الإندار خطير فزمان قوی فيه الشر."

- القس سهيل مدانات
رئيس طائفة الكنيسة المعمدانية الأردنية

"فهاد الكتاب، ديفيد هيلم كيزيد يفكرنا بالأهمية والمركزية ديال المسيح فالوعظ. العظة آي ماكندورش على المسيح والتضحية ديالو والشخصية ديالو المباركة ماشي عظة مسيحية، ولكن هادا غير كلام زوين! وهادشي للأسف ابتلاء، وهادي الحالة ديال بزاف ديال المنابر فالأيام ديالنا. الوعظ التفسيري عندو علاقة مرتابطة بالنص المقدس بهدف الشرح والتفسير ديالو للمستمع فالبلاصة والوقت آي حنا فيه دابا. أنا كانهمد الله بزاف حيث هاد الكتاب كاين بالعربية، وكنتمنا يتنشر هاد الكتاب باش يبديل بزاف الحياة دالناس."

- القس الدكتور وجيه يوسف باحث في التراث العربي المسيحي

"الكلمة ديال الله كافية ووافية، وما باغينش نخلطو معاها شي كلام لي ينقص من القوة ديالها ويحرف طريقها، لاحقاش الكتاب كايفسر راسو براسو.

هادشي كاخليني كواعظ نعرف بآي أنا غير حفنة ديال التراب مانقدر ندير والو من غير أنني نحني قدام الهيبة والقوة ديال الكلمة ديال الله. الوعظ التفسيري هو أكثر حاجة كاتحتاجها الكنيسة فهاد الأيام آي كتر فيها تحريف لكلمة الله. وهادشي آي كايقدمو ديفيد هيلم فكتابو "الوعظ التفسيري"، آي هو بحال شي نور كايضوي الطريق للوعظ من كلمة الله. كتاب كيستحق أنك تقراه، وكانصح كل واحد يقراه."

- القس سمير حنا راعي كنيسة الاتحاد المسيحي / دهوك كردستان العراق

تمهيد

الهدف من الوعظ التفسيري والفوائد ديالو
Miguel Nunez نونيز

بزاف ديالو الكتوبة هضرو على موضوع الوعظ التفسيري فالعشر سنين اللخرة، الوعظ التفسيري ما كيتعتبرش فكرة مزيانة، أولًا مصطلح جديد، أولًا معلومة عاد كتاشفوها. المسيح عطا وعظ تفسيري فلوفا 24: 17-47، وهاكدا دار حتا بولس فأعمال 17: 22-31. كانتفكر هاد جوج فقرات لاحقاش علّق عليهوم ديفيد الفاصل الثالث بعنوان "التفكير فالجانب اللاهوتي د النص". وبزاف ديالو الوعاظ الكبار فالماضي عاقو بالقوة ديالو الوعظ التفسيري.

إلا كانت الأمور بحال هاكدا، إذن شنو السبب ديالو التركيز لكبير على الموضوع مؤخرًا؟ كاينين بزاف ديالو الأجوبة مختالفة، ولكن- بختصار- سبب بزاف ديالو المشاكل لّي ضربات الكنائس بشكل كبير اليوم، هوما الوعاظ والمعلمين لي ماعلموش بكلمة الله وماوعظوش بيها بطريقة تفسيرية.

الغاية من الوعظ التفسيري

الغاية من الوعظ التفسيري – كيفما غانشفو فالكتاب- هي نفهمو شنو الكاتب الأصلي كيقصد فالنص الكتابي، والشرح ديالو لولاد الجيل الحالي حتى يفهمو النص، ويطبّقوه فحياتهم وعلى الله باش يتشبهو بصورة المسيح. والمنهجية بسيطة، ولكن مايسيطاش بزاف: قرا النص، شرحو، طبقو. عزرا، الكاتب فزمان نحميا تبّع هاد الطريقة وخدم كيمتال مزيان لينا: "وقراو فالسفر الشريعة ديالو الله ببيان وفسرو المعنى وفهموهوم القرارية" (نحميا 8: 8). لاحظ هاد الكلمات الجاية المهمة: "قراو ... ببيان" يعني

بوضوح، "وفسرو المعنى"، يعني فهمو الناس. من بعد ما كايقرا الواعظ النص، إلا كان هو مُفسّر أمين، ماغايّدخلش الرأي ديالو على النص حيث ماشي هو تّي وحا بيه ولا كتبو، هاديك الوظيفة ديال المؤلف، تّي هو الله. وهادشي بوحدو كافي باش يعطي الأهمية العظمى باش تفسر كلمة الله بأمانة وتنادي بيها.

إلا كئنا كناّمنو بلّي الكلمة ديال الله مايمكنش وعمرها غاتكون غالطة، وبلّي هاد الكلمة كاتعبر على الفكر ديال الله، وقلبو، وگاغ داكشي تّي بغا، خاصنا نحضيو راسنا باش مانزيدوش على داكشي تّي خدينا من عند الله ولا نقصو متو. إلا جينا نشوفو فالعهد القديم، كانلقاو بلّي الله هضر مع موسى من العليقة لي مشعولة بالعافية وقال: "ما تقربش لهنّا. زول صباطك من رجلك لاحتقاش البلاصا تّي نتا واقف عليها هي أرض مقدسة" (خروج 3: 5). حنا ماشي هو موسى، والله دابا ماكيهضرش من عليقة مشعولة بالعافية، ولكن تّي كايوعظو عندهم مسؤولية كبيرة باش يهضرو بكلمة الله تّي ماكتقبلش الخطأ. وفكل مرة كانفتحو فيها هاد النص، حتا حنا كانحتاجو باش نعرفو بلّي حنا على شوية ونزطمو فالأرض المقدسة. خاص الموقف ديال الواعظ يكون متميز بالاحترام والهيبه كلما قرب لكلمة الله. هاداك الموقف ديال الواعظ تّي كايبينو من جيّهت كلمة الله فوق المنبر، هو موقف كياعدي، سوا كان مزيان ولا مامزيانش.

كايترابط الوعظ التفسيري بالحق، والسلطان، والقوة. والواعظ مامسيطر على حتا حاجة من هادشي لي سبق، حيث هادوك حاجات كايميزو كلام الله. القوة ديال الواعظ ماكتخرجش من المهارة البشرية أولاً من الطلاقة تّي كيكون مدرب عليها؛ ولكن كترتابط هاد القوة بحقيقة ووجود وحي كلمة الله؛ لاحتقاش خارجة من الشخص نفسو تّي هضر فبداية الخلق، وكان قادر يخلق الكون وملير ديال المجرات من الوالو (تكوين 1، 2). وهاد الكلمات براسهوم هازين الكون اليوما ومحافظين عليه (عبرانيين 1: 3)، وكاتحي هادوك البشر تّي كانوا ميّتين روحياً (بطرس الأولى 1: 23). إذن علاش الناس كايقتصو من رسالة الله؟ حيث هاداك هوما كيضعفو داكشي تّي وحا بيه الله بالقوة ديالو باش يحقق الغاية والمقصود ديالو.

الكلمات ديال جون فريم John Frame مناسبة بزاف لهاد الفكرة: "شنو ما دار الله، كايديرو بالكلمة ديالو؛ وشنو ما كايديرش الله، كاتديرو كلمة الله."¹

فوائد الوعظ التفسيري

الوعظ التفسيري عندو فوائد عظيمة. فالمقام الاول، حنا كانكرومو الله وإسمو. شخصية الله مرتابطة بالاسم والكلمة ديالو. الله شهد على هادشي فالمزمور 138: 2: "لاحقاش عظمتي الكلمة ديالك على اسمك كامل". فترجمة خرا (ترجمة الحياة): "لاحقاش عظمتي الكلمة ديالك فوق كولشي". شحال هادي، كان الشخص كايقتابر مزيان شحال ما كان الاسم ديالو مزيان. داكشي علاش الله حما الاسم ديالو فوحدة من الوصايا العشرة اللولة لي عطاها لشعب اسرائيل. الله رفع الكلمة ديالو؛ إلا طاحت كلمتو، هاكدا كايطيح إسمو والوجود ديالو. الهدف ديال الوعظ التفسيري هو تفسير معنى الرسالة لي عطاها الله، مع العلم بلي الله ماغاديش يكرم شي حاجة من غير الكلمة ديالو المقدسة، لي كاتخرج من شخصيتو المقدسة.

ثاني حاجة، من خلال الوعظ بكلمة الله، الواعظ كايوضح مزيان للج جمهور بلي هو كايقيق فالقوة لي كايينة فكلمة الله وكايترك عليها وماشي على الكلمة ديالو الشخصية أولا الكلمة ديال أي إنسان.² بولس مدح الناس ديال تسالونيكي فاش قال: "على داكشي حتا حنا كانشكرو الله بلا مانوقفو، لاحقاش نتوما تسلمتو من عندنا كلمة خبر من الله، وقبلتوها ماشي ككلمة ديال ناس، قبلتوها ككلمة ديال الله، لي حتا هي كاتخدم فيكوم نتوما المؤمنين" (تسالونيكي اللولة 2: 13). كايتعلمو الناس الثقة فداكشي لي كايقيق بيه الواعظ وكيجتارمو؛ وحتا حاجة ماكتحقق هاد الغاية بحال الوعظ التفسيري بكلمة الله.

¹ جون فريم، العقيدة ديال كلمة الله (فيليبسبورگ، نيو جورسي: دار النشر P&R، 2010)، 55.

² جون ستوت، بين جوج غوالم: تحدي الوعظ اليوم (گرانر رابينس: دار النشر ويليام بي. إيردمانس، 1982)، 132.

ثالثاً، الوعظ التفسيري كابتّبت الواعظ بكلمة الله بعمق فالنص، باش يكون النص هو لي كاي تحكم فالواعظ. وبهاد الطريقة كايكون عندنا أحسن ضمان بلي داكشي لي كانوعظو بيه هو كلمة الربّ فهاد النصّ نيت. وفاش ماكيكونش الواعظ ثابت فالحق الإلهي، ممكن يديه الرّيح ديال الحكمة البشريّة بسهولة.

رابعاً، لاحقاش الواعظ كيوعظ بكلمة الله، الله غادي يتافق مع الرسالة ويدعمها، داكشي علاش حتمال كبير الناس آي كايسمعو للواعظ كايشفوه راجل عندو سلطان، وماشي كيف كان الجمهور كايشفو الكتّبة (متّى 7: 28). التّعليم والوعظ بسطان ماكيغنيش بلي الواعظ خاصو يكون متسلّط. السلطان ديال بصرح ويّ جاي من عند الله كايكشف فالإنسان فاش كيكون شاعل بالحق الإلهي. وفاش كيشوفوه شاعل على ود الله، الناس لخرين كايحسو بالحرارة والإنجذاب لداك الشخص لي هو المركز ديال العظة؛ يسوع.

المركز ديال الوعظ التفسيري هو المسيح من اللّول حتّى للّخر ديالو. العهد الجديد كيذكر ربعة ديال الكلمات أساسية كتعلّق بالوعظ بكلمة الله. الكلمة اللّولة هي [كيريسسو kerysso]. فكاغ المرّات تقريبا لي تستخدمات فيها هاد الكلمة، كان الإنجيل أوّلاً يسوع هو الهدف.³ وكاتمّثل الكلمة الثانية ف [إيفاجليزو euaggelizo]. وهاد الكلمة تستخدمات فسياق المناداة بخبار الخير (آي كاتعلق بيسوع المسيح).⁴ أما الكلمة آي من بعد هي [مارتوريو martureo] لي كاتعني تقديم شهادة (على حق يسوع المسيح).⁵ وأخيراً، كاتجي كلمة [ديداسكو didasko]،⁶ لي كاتعني "كيعلّم" أوّلاً "كيقرّي" وعادةً كتقصد داكشي لي كان يسوع كيعلّم. من خلال هاد

³ والتر أي. البوليل، المُعجم الإنجيلي ديال اللاهوت (غراند رابيدس: بايكر أكاديميكنس، 2001)، "وعض، عن" من تاليف هوبيرت كا. فاريل.

⁴ جوزيف أش. تاير، معجم تاير إنجليزي-يوناني ديال العهد الجديد (بيبادي: دار النشر هيندريكسن، 1996) "إيفاجليزو".

⁵ جوزيف أش. تاير، معجم تاير إنجليزي-يوناني ديال العهد الجديد (بيبادي: دار النشر هيندريكسن، 1996) "مارتوريو".

⁶ جوزيف أش. تاير، معجم تاير إنجليزي-يوناني ديال العهد الجديد (بيبادي: دار النشر هيندريكسن، 1996) "ديداسكو".

الكلمات بربعة، يمكن للشخص يشوف بلي المركز ديال العهد الجديد هو المسيح.⁷ وخاص يكون المسيح المركز ديانا حتى حنا فاش نطلعو للمنبر باش نوعظو.

خامسا، الوعظ التفسيري كيساعدنا باش نتجنبو الخطأ فالتفسير ديال التصّ، فاش ماكنقدروش نفهمو شنو كايقول النصّ، أوّلا كنعطيوه معنى بعيد على المعنى الحقيقي ديالو، أوّلا كنعرفوه كاع.⁸ أي خطأ من هاد الأخطاء يقدر يخلينا نوعظو بالكذب فعوض الحق. لا لي كايدرس كلمة الله بجدية لا لي كيوعظ بيها كيبغيو يغلطو فأي اتجاه من هاد الاتجاهات. وبولس حدّر تيموثاوس بهاد الكلمات: "دِيرْ جَهْدُكَ بَاشْ تُكُونْ مُقْبُولٌ عِنْدَ اللَّهِ بِحَالِ الْخُدَامِ الَّتِي مَا كَيْحَسْمَشْ مِنْ الْخُدْمَةِ دِيَالِهِ، وَكَيْفَسْرُ كَلَامِ الْحَقِّ تَفْسِيرُ ضَحِيحٍ" (رسالة تيموثاوس 2: 15). فاش كتفسّر كلمة بشكل صحيح كتحمي راسك من العار والله كيكون راضي عليك كمعلم.

أخيرا، الوعظ التفسيري كيدرّب المستمع على الاستماع التفسيري، حتى فاش كيسمع أنواع خرين من الوعظ كيكون واجد ميزان باش يميّز الخطأ. وهادي خدمة مزيانة لي خاص الراعي ولي كيسمعو يتعلموها.

دابا، وحنا كنسمعو للهضة ديال ديفيد على "كيفاش" نديرو الوعظ التفسيري، عندي غير سؤال واحد: مع كاع الفوائد لي كيتميّز بيها الوعظ التفسيري، علاش يقدر أي واحد يبغي يوعظ بطريقة مخالفة؟

⁷ مأخوذ من ميغيل نونيز، قوة كلمة الله في تغيير الشعب: دعوة كتابية وتاريخية للرعاة من أمريكا اللاتينية، أطروحة الدكتوراة تقدمات للكلية المعمدانية الجنوبية اللاهوتية، نونبر 11، 2014.
⁸ راميش ريتشارد، تحضير عضات تفسيرية (غراند رابيدس: بايكر بوكس، 2005)، 46.

مقدّمة

العظام اليابسة

داك الرّاجل العظيم مدفون فواحد القبر عائلي تحت الأرض الحجرية ديال كنيسة كلية الملك King's College Chapel فمدينة كامبريدج فإنجلترا، فوسط المدخل الغربي مباشرة. ومكتوب على القبر جوج دالحاجات هوما: "C.S" (يعني الحروف اللّولة من إسم تشارلز سيميون Charles Simeon)، والعام لي مات فيه هاد الرّاجل ولي هو 1836. وهاد جوج علامات تنقشو على الرصيف دالحجر المعمر بالرصاص. إلا تاحتلك الفرصة شي نهار باش توقف تما -بحال لي درت أنا وأنا مخلوع- خاصك تعرف بلي العظام لي كاينين تحت رجلك ديال واحد الراجل لي رد الكتاب المقدس لمركز حياة الكنيسة فإنجلترا.

كان واحد اليوم حزين من أيام شهر نوفمبر 1836 فاش حضر لجنّازة ديال تشارلز سيميون كتر من 1500 راجل لابسين لباس خاص بديك المناسبة. جاو ناس كتار بزاف باش يودّعو ويعبّرو على الاحترام ديالهوم لهاد الرّاعي والواعظ.¹

تشارلز سيميون كان هبة من عند الله للشّعب فالجيل ديالو، كيف ما هو هبة لجيلنا حتى هنا. الجسّ والمبدأ ديالو الخاصّ بالإنجيل صبر قدّام الرّمان. وهادشي نيت اللي خلاه من جديد يخلي أتر على الواعظ فالعصر ديالنا، لاحقاش الوعظ ديال سيميون تميّز بواحد الحاجة لي قليلة فبزاف ديال الوعظ لي عندنا اليوم.

¹ إلا بيغييت تفاصيل كتر على الجنّازة والبلاصة فين تدفن تشارلز سيميون، كل الفضل لويليام كاروس. ويليام كاروس، مُدكّرات حياة الراعي تشارلز سيميون (لندن: هانتشارد أند سون، 1847)، 582-583.

شنو ئي ماعندناش؟ وكيفاش يمكنلنا نستافدو منو؟

الحقيقة ديال أن الأجوبة ديال هاد سؤال بسيطة هي حاجة واعرة بزاف، وكاتقودنا للروح ديال داكشي لي كيتسما الوعظ التفسيري. القناعة ديال داك الرجل العظيم بالكتاب المقدس كانت هي المصدر ديال التأثير ديالو. تشارلز سيميون كيأمن بلي تفسير الكتاب المقدس بطريقة بسيطة وواضحة هو لي كيخلي الكنيسة تكون سليمة وصحيّة. الشرح التفسيري هو لي كيدير الخدمة الكبيرة باش تبنا الكنيسة وتقوا. تشارلز سيميون عمرو تخلّا على هاد الإيمان الثابت. فربعة وخمسين عام، ومن خلال الخدمة ديالو الرعوية فكنيسة هولي ترينيتي فكامريديج فإنجلترا، عطا نفسو لأولوية الوعظ بلا ما يعيا. وسيمانة من بعد سيمانة، وعام من بعد عام، وعشر سنين بعد عشر سنين، كان كيوقف قدام الكنيسة ديالو كيعلن كلمة الله بوضوح، وببساطة، وبقوة. وكان عبّر على القناعة ديالو بالوعظ التفسيري فهادشي لي جاي:

"كاندير جهدي باش نخرج من النص الكتابي داكشي لي موجود فيه بصّح، ماشي داكشي ليكنصن أنه موجود فيه. عندي غيرة قوية على هاد الهدف؛ وما عمري غادي نهضر كتر ولّا قل من داكشي لي كئامن أنه فكر الروح القدس فالنص لي كنشحو وكنفسرو."²

شاف تشارلز سيميون بلي الواجب ديال الواعظ هو يلتزم بالنص ومايخرجش عليه. داكشي علاش إلا كان ملتزم باش يبقا فهاد الطريق، وعمره يزيد فوق النص الكتابي باش يقول كتر من داكشي لي كيغنيه النص، وعمره ينقص من النص ويقلل من القوة والكمال ديالو.

الناس لي كيتعاملو مع كلمة الله اليوم ماعندهومش هاد القناعة؛ بمعنى آخر ضبط النفس بطريقة ناضجة. وبصراحة هادشي كيتعتبر سباب باش ضاع عدد كبير من الكنائس دياولنا من بينهوم الكنائس لي عندهم عقيدة

² هاندلي كار غلين مول، تشارلز سيمون (لندن: ميثيون والشركاء ديالو، 1892)، 97.

سليمة. بزاف ديال المرات كيحسابلنا شي وعظ كتابي سليم كيزكل الهدف بسباب عدم ضبط النفس. خَلْيُونِي نَكُون أَوَّل واحد كييعتارف بَلِّي ماكانش ديما عندو داك الإنضباط؛ ماكنتش مولف أني نخرَج من الكتاب المقدس غير داكشي لي كاين فيه بصح. كنصلي باش الله يستخدم هاد الكتاب الصغير، من حاجات خرين، باش يعاون أي واحد باغي يستكشف الطرق لِّي بيها يمكن لكل معلم وواعظ بالكتاب المقدس يكتاسب هاد القناعة من جديد.

ولكن ماشي غير القناعة ديال سيميون بوحتها لي تستاهل باش تحط فالاعتبار؛ حنا محتاجين باش نرجعو الأهداف ديال سيميون فالوعظ. سيميون نجح أنه يحط إطار للأهداف ديالو من الوعظ التفسيري بهاد الشكل:

باش يخَلِّي الخاطيء يتواضع؛
باش يتمجد المخلص؛
باش يشجع على القداسة.³

مامحتاجينش باش نوضحو كتر من هاكا، إلا كان خاص هاد الأهداف تورينا الطريق الصحيح اليوم. راه العالم ديالنا بحال العالم ديال سيميون فداكشي، كيحتاج بزاف باش يعرف العمق ديال الحفرة لي طاحت فيها البشرية، وقداش العلو لي طلع ليه يسوع المسيح، وشنو كيطلب الله من الشعب دياله. راه أفضل طريقة، الطريقة الوحيدة، باش تعاون هاد العالم هي تتكلم بكلمة الله بقوة الروح القدس. كيفاش غنديرو داكشي؟ وشنو هي هاد الطريقة؟

غانلقاو الأجوبة فالوعظ التفسيري لِّي هو الوعظ بالقوة والسلطان اللِّي كيخلي الواحد يخضع، باستقامة، بالنية ديال العظة ومحور التركيز ديالها للنص الكتابي ومحور التركيز دياله. وكيف ما كيقول سيميون، بهاد الطريقة كيخرج من النص داكشي لي حطه الروح القدس، وماكيحطش فالنص

³ تشارلز سيميون، Horae Homileticae (جراند رابيدز، MI: Zonder- van، 1847)، 21.

داكشي لي كيضن الواعظ بلي كاين فيه. هاد العملية معقدة كتر شوية من شنو تقدر تتحايل. وداكشي لي غانشفوه فالباقي ديال هاد الكتاب.

غنبداو نفكرو فالاخطاء لي كيديروها بزاف منا، دوك الاخطاء لي كنديرو خصوصا فاش كنداو نقادو العظة باش تيجي مزينة مع السياق الثقافي ديال المستمعين. من بعد داكشي غنتأملو فالتحديات والمتطلبات لي غنواجهو وحننا كنفسرو النص ونفهموه فظل الأسفار القانونية لوخرا، ثم الوعظ بيه فسياقنا اليوم.

واخا هاد الكتاب صالح باش يكون مقدّمة للوعظ التفسيري، كنتمنا الشخص لي كيوعظ ولا كيعلّم الكتاب المقدس يلقا فهاد الكتاب مقياس مفيد كيفحص داكشي لي كيدير دابا. غالبا، المقصود من هاد الكتاب هو يخدم معاك بحال سجل ديال المتابعة، وسيلة باش تعطيك فرصة باش تسول راسك: "واخا، واش هادشي لي كنديرو؟ واش بصح ماكنخج من الكتاب المقدس غير داكشي لي كاين فيه؟ واش كنديرو داكشي بطريقة لي تخلي المستمعين يخضعو، وتمجد المخلص، وتشجع على القداسة فحياة الحاضرين؟".

راه الأدوات ديال الوعظ التفسيري والتحديات دياله كثيرة، وأنا نديرو تقدم فالقدرة ديالنا على التعامل مع كلمة الله بأمانة ماغيكونش شي حاجة ساهلة. ولكن أنا عندي يقين بهادشي: إلا الوعظ والقادة ديال الكنيسة اليوم سمحو للبسطة والقناعة ديال سيميون وأهدافه باش يهضرو معنا واخا من بعد الموت دياله، غيكون من الممكن نرجعو الصحة ديال الكنيسة والسعادة ديالها.

يلاه نبداءو.

1

الإنسجام مع ثقافة المستمعين

الإنسجام مع ثقافة المستمعين كيتعتبر شي حاجة ضرورية باش دير شرح تفسيري مزيان. المخطوطات تي عندنا ديال العظات ديال القديس أغسطينوس خلات شي وحدين يقررو بلي هو اعتبرها مزيانة بزاف.

بالتالي فاش أغسطينوس عطا أفكار على المجتمع موخودة مباشرة من الكتابات الوثنية القديمة، ماخصناش يحسابلنا بلي هو كان كيدير داكشي باش يعجب هادوك تي كيعدو الأصنام بالثقافة ديه أولًا كان كيجدبهوم للكنيسة فاش كيجيب الكلام من عند الكتاب المفضلين ديهالهوم. دار داكشي بلا مايفكر بحال تي كنديرو داكشي ليوم فاش كنعقلو بلي الأرض كروية. وقال بزاف ديال الأمور كان عليه يقولهوم، بصفتهم أمور منطقية.¹


كيعجبني داكشي تي كيعلما الموقف ديال أغسطينوس من الإنسجام مع ثقافة المستمعين وعلى علاقته بالوعظ. كانت القدرة ديه عجيبة على الاتصال بالمستمعين ديه نتيجة ديال الإهتمام العام ديه بالحياة؛ والنتيجة ماكانتش محسوبة فاش كتجي من جميع ديال الحاجات من ثقافتهم على أمل يبان كتر بحالهم. هاد الفصل غادي يعالج المشكلات تي كيبانو فاش كتسيطر هاد النوع ديال الإنسجام مع ثقافة المستمعين على الواعظ وهو كيحضر العظة.

خدينا فالمقدمة فكرة صغيرة على كيفاش خاص الوعظ التفسيري يكون. تي هي محاولة باش نخرجو لي هو أصلا موجود فالنص الكتابي، وماندخلوش داكشي لي عمّر الروح القدس ماحظو فالنص، ونديرو هادشي

¹ بيتر براون، من خلال عين الإبرة (برينستون، نيوجيرسي: مطبعة جامعة برينستون، 2012)، 54.

بطرق كتختلي المستمع يتعلم الحق، ونمجدو المخلص، ونشجعو على القداسة فحياة الحاضرين. ووخا مازال ماشرحناش كيفاش يمكن للعظة تحقق هادشي كله، فهادشي كيستحق أننا ناخدو شوية دالوقت هنا باش نتأملو بشي طرق معروفة لي بيها يمكن للوعظ ديالنا يخطئ الهدف.

مشكلة التمسك الأعمى



شنو المقصود بأنك توافق العظة مع الثقافة ديال المستمعين؟² هاد الإنسجام الثقافي لي كييعني ببساطة أننا نخدمو على توصيل رسالة الإنجيل بطرق مفهومة للمستمع أولاً الإنسجام مع السياق الثقافي دياله. هادي طريقة ديال التفكير فالوعظ بواحد الشكل لي كيركز على المستمعين. بعبارة خرا، الإنسجام الثقافي كيهتم بينا حنا ودابا. هادي طريقة باش نوصفو الإلتزام ديال الواعظ باش يكون الوعظ ديالو متعلق بالمستمع وممكن يتطبق اليوم. وداكشي علاش غنقدم المدخل البنائي للفهم ديال الموضوع فالفصل الرابع.

واخا هاكداك، كتمثل وحدة من المشكلات ديال الوعظ اليوم فالإهتمام الكبير بالإنسجام الثقافي لي ماشي فبلاصتو. شي وُعاظ اليوم كيتعاملو مع النص الكتابي بطريقة عشوائية وضعيفة فاش كيطلعو القيمة ديال الإنسجام الثقافي بحال إيلا هو فرع من الفروع المعروفة والمدروسة لي كتركز كتر من القياس على المكاسب العلمية. وهادي هي مشكلة

² هذا الرسم التخطيطي اللي كينطور فالكتاب كلو، هو رأيي الخاص لرسم بياني صاوبو إدmond كلوني هادي مدة في كتابو "التبشير بالمسيح من كل الكتاب المقدس" (ويتون، الينوي: كروسواي، 2003)، ص 32. درت جهد كبير فيه كيما كيديرو المرنمين مع شي ترنيمة قديمة ملي كيكتبو ليها توزيع موسيقي جديدي.

"الشدان العمى". الواعظ ماكيركزش فتوجد ديال العظة إلا على الطرق المبتكرة والفنية باش يقدر يخلي العظة ديالو مناسبة للمستمعين ديالو، ومتعلقة بيهوم، باش يعطيهم داكشي لي بغاو بهدف الرغبة السليمة لي بها الواعظ غيزيد بالإرسالية ديال الكنيسة ديالو للقدّام. وفبلاصت البحت فالنص باجتهاد باش يوصل للمستمعين بطريقة مناسبة، كاتولي العظة متناسقة مع داكشي لي كيطلبو الجمهور. وهادشي كيدي للموقف لي حدر متوبولس تيموثاوس منه: "حَيْثُ غَيِّجِي وَاحِدُ الْوَقْتِ مَا غَيِّسَتْخْمُلُوشُ فِيهِ النَّاسُ التَّغْلِيْمُ الصَّحِيْحُ، وَلَكِنْ غَيِّبْغُو الشَّهَوَاتِ دِيَالَهُمْ، وَغَيِّضُورُو بِيَهُمْ مُعَلِّمِيْنَ غَيِّكُولُو لِيَهُمْ دَاكْسِيَّيْ اللَّيْ بُغَاوُ يُسْمَعُوهُ. وَغَيِّسْدُو وَدْنِيَهُمْ عَلَيَّ الْحَقِّ، وَغَيِّبْغُو الْخُرَافِيفَ." (رِسَالَةُ تِيْمُوْتَاوُسُ التَّانِيَّةِ 4: 3-4).

فكر فهادشي، شي وُعاظ كيدوزو وقت كتر فالقراية والتأمل فالسياق الثقافي ديالنا كتر من الوقت لي كيدوزوه فالتأمل فالكلمة ديال الله. وكنوحلو فالوعظ على العالم أولا المدينة ديالنا وحنا كنجاولو نكونو متاصلين كتر بالمستمعين. نتيجة ديال داكشي، كنعقلو نعطيو آراء سطحية على النص، وكنسوا بلي النص الكتابي هو كلمة الله لي متصلة بالمستمع. داكشي علاش يستاهل منا نديرو كاع لي فجهدنا فالتأمل فيه والشرح دباله.

بعبارة أخرى، الواعظ كيزگل الهدف الخاص بالشرح الكتابي فاش كيخلي السياق الثقافي الخاص بالمستمعين ديالو يتحكم فالكلمة ديال الله لي كيوعظ بيها على المسيح. وكيف ما قلت فالمقدمة، هادا هو سباب الخراب ديال بزاف من الكنائس دياولنا. بزاف منا بلا وعي كيحسابلهوم بلي الفهم المزيان ديالهوم للبيئة الثقافية ديالنا هو المفتاح ديال الوعظ بالقوة، وماشي الكتاب المقدس.

التمسك الأعمى بالإنسجام الثقافي (بمعنى الاستعمال ديال الإنسجام الثقافي بطريقة غالطة) كيبدل الوعظ ديالنا بتلاتة ديال الطرق على الأقل. وحتى واحد منهوم ماكيتمل تغيير لما حسن. أولا، التمسك الأعمى بالإنسجام الثقافي كيخسر النظرة ديالنا على الدراسة، فالتواجد ديال العظة، الواعظ كيتلها مع العالم بلاصت ما يشغل راسو بكلمة الله. وهادشي كيدي

للعظ الإنطباعي. ثانيا، هو كغيره الإستخدام ديالنا للعظة، وكتولي الكلمة ديال الله كتدعم الخطط والأهداف ديالنا لي تلفاتنا على الطريق الصحيح، فبلاصت ما تدعم الخطط والأهداف ديال الله. وهادا هو الوعظ المترنح (مشوش/مرتباك/ مكيقدرش يفرق بين الحاجات). وأخيرا، الإستخدام الغالط ديال الإنسجام الثقافي كيغيّر الفهم ديالنا للسلطة، وكتولي القراءة التعبدية "الطرية" و" الخاضعة للروح" هي لي كتحدد الحقيقة القاطعة. وكنسمي داك الوعظ، "لي توحيابه".

يلاه نشوفو من قريب كل وحدة من هاد الطرق. وكنضن بلي غنلقاو بلي شي شوية من داكشي لي كيسحابلنا وعظ تفسيري بصح ماكيسيبش الهدف.

الوعظ الإنطباعي

فعام 1850م، الأسلوب الفني لي كان غالب والموجود من بين جميع الأساليب هو المدرسة الواقعية Realism. كان الهدف ديال هاد الحركة هو أنها توصف داكشي لي كان بصح كيشوفو الفنان، أقرب وصف ممكن. كان تصوير قريب لتساور ديال الكاميرة. حاول تبع هاد الحركة ديال أنك تصور الحاجات بطريقة كتبين الواقع ديالها بصح. كلود مونييه Claud Monet وبيير أوجست رينوار Pierre Auguste Renoir كانو طلبه شباب تدربو على الواقعية. وكبرات بيناتهم صداقة، وبدوا هوما وأخرين معاهوم فالرسم مجموعين. هاد الجيل الشاب كان كيميل لاستخدام الألوان لي كيلمعو كتر من لي لفو عليهم المعلمين الواقعيين ديالهوم، كانو كيفضلو يرسمو الحياة المعاصرة على المناظر التاريخية أولا الأسطورية، وتخلّوا حتا على الرومانسية ديال الأجيال لي دازو.

بدات نقطة تحول المساعدة ديال هاد الفنانين الشباب وتقديم راسهم كجماعة فنية عام 1863 ف "معرض باريس Salon de Paris" لي هو معرض وفنفس الوقت مسابقة فنية. بزاف ديال الحكام رفضو عدد كبير من القطع الفنية ديالهم، لدرجة من بعد دارو معرض آخر وسماوه "معرض

المرفوضات Salon des Refuses"³ وفالسنوات العشرة لي موراها،
الفنانين الشبان مشاو كيطلبو باش يديرو معارض أخرا مستمرة للأساليب
ديالهم الفنية والجديدة فالرسم، غير هو جاوبوهم بالرفض بطريقة
منهجية.

فعام 1873، مونييه، ورينوار، ويزاف خرين شكلو جمعية تعاونية ديال
الفنانين لي مامعروفينش باش يعرضو الأعمال ديالهم بطريقة مستقلة.
وتقام أول معرض عام لهاد المجموعة الجديدة فأبريل 1874م فباريس.
ولكن الأسلوب ديالهم تبدل كتر. رينوار بدا كيجرب يبدل الواقع ديال
داكشي لي كان كيشوف، وهادا كان ابتعاد باين على الواقعية. أما مونييه بدا
كيرسم بالشّيته بطلاقة. وهادشي عطا شكل في عام على داكشي لي كان
كيشوف فعوض الأداء الدقيق، لي كان مازال كيفضله الجيل لي قدم. مثلاً،
لوحة بحال "الإنطباع وشروق الشمس" كتوصف المنظر ديال ميناء
لوهافر فالوقت ديال شروق الشمس. والإدراك ديال مونييه بلي اللوحة
ماشي منظر واقعي للميناء خلاه يزيد كلمة "إنطباع" لعنوان اللوحة فاش
سولوه على الإسم ديال اللوحة. واحد من النقاد استخدم هاد العنوان من
بعد باش يسخر من الفنانين، وعطاهم الإسم ديال "الإنطباعيون". كانت
هاد الحركة جديدة ومتميزة من ناحية ديال الفن لي قدمات ومن ناحية
الفنانين حتا هوما.

واحد من الابتكارات الأكثر جرأة لهاد الجماعة هو فاش استخدمو
الضو. مثلاً، تصور لوحة رينوار بعنوان "الرقص في مولان دو لاجاليت
Dance at Moulin de la Galette" لي رسمها عام 1876 فحفلة ديال
الرقص فجردة تابعة لمقاطعة مونتمارتري فباريس. وفاللوحة رينوار
استخدم اللون الابيض فالأرض وفوق الغطا الازرق باش يبين شروق
الشمس تما. وتغيير الضو كيبالغ فالتفاصيل، وبصح كيحرف داكشي لي كان
كيشوف الفنان.

³ برنارد دنفيير، موسوعة التيمز وهدسون على الانطباعية (لندن: تامس وهدسون، 1990).

الطريقة الانطباعية كتأخذ داكشي تي كتشوفو العين وكتفسرو، وكتبالغ
فالتصوير ديالو، وكتجاهل أجزاء منه، وفالاخير كتشوهو.

دبا فكر فداكشي تي كدير فاش كتجلس توجد العظة؛ فاش كتفتح
الكتاب المقدس ديالك؛ وماكيتوفرش ليك بزاف ديال الوقت. واقبلا عندك
اجتماع ولا جوج اجتماعات هاد العشية. وواقبلا عندك عائلة أولا موعد
مع شي خدام باش تنصحو. وبلا شك انت مشغول بزاف بعدد كبير ديال
المهمات تي عندهم علاقة بالعمل الرعوي ديالك. ولكن انت خاصك تقول
شي حاجة نهار الاحد. داكشي علاش كتبدا بسرعة تقرا النص الكتابي،
وكتقيد شي ملاحظات على الكمبيوتر بالطريقة لي كيتفاعل بيها الفنان مع
اللوحة ديالو؛ كترسم بالشئبة بسرعة، وكتربط ميزان بالألوان ماين كلمة الله
والعالم كييفا كتعرفو انت.

كتقلّب على شي حاجات انت عارفهم غيخليو إنطباع فوري على
المستمعين ديالوك. وكتبدا تستمتع بتضيق الوقت. المهمة ماشي صعبة؛
ودغيا غاتبان الفكرة الرئيسية. استخدمتي الإنسجام التقافي ميزان حتا لدابا،
وفداكشي بحالك بحال الجماعة ديال المؤمنين فالكنيسة ديالك نهار الحدّ،
انت ماشي شغوف بدرجة كبيرة بالمعلومات والخلفيات التاريخية.
وفالواقع، من الأسباب تي خلّوك تأخذ هاد المنصب هو أنهم تعجبو
بالمهارة ديالك وانت كتعطي عظام كيتيرو الاهتمام باستخدام الواقعية
ديال مشاهد قديمة من الكتاب المقدس تي كتجيهم صعب يفهموها.
ولكن دراسة النص بالتفصيل ماشي أولوية دابا.

العظة هاد السيمانة غاتكون بحال العظة ديال السيمانة لي فاتت،
غاتركّز على الانطباعات تي كتخرجها من النص الكتابي وبنفس الوقت
منساجمة مع ثقافة المستمعين. التطبيقات كييانو بصح بارزين وواضحين
وضوح الشمس قدامك باش تفرقهم على الرعية بألوان قوية وواخرة بزاف.
من بعد كاتدير واحد شوفة خفيفة للساعة ديالك باش تشوف الوقت،
وكتلقا بّي دوزتي ربع ساعة وانت خدام على داكشي. هادا هو الوعظ
الإنطباعي.

كتوقع بزاف. وفالواقع، يقدر يكون هو أكبر مشكل كيواجه الوعاظ اليوم. الوعظ الإنطباعي ماكتحبسوش واقعية النص؛ حيث كيتجاهل الإطار التاريخي، والأدبي، واللاهوتي ديال النص، غير فدقائق قلال كيتجاوز بزاف ديال الأدوات التفسيرية لّي خداه منك وقت ماشي قليل باش تحطهم. وفاش الرسام الواقعي كيشوف فالموضوع ديال اللوحة عشرة دالمرات قبل مايضرب بالشيتة ديالو ضربة وحدة، الرسام الإنطباعي كيشوف فالنص الكتابي مرة وحدة وكيضرب بالشيتة ديالو عشرة دالمرات على لوحة التجربة البشرية. هاكدا كيدير الوعاظ الإنطباعي حتا هو.

ماكينش شك بلّي الوعظ الإنطباعي سهل وسرع؛ حيث هو منطقي كتر بالنسبة للجدول الأعمال ديالك لّي مزير. غير هو انت محتاج تعرف بلّي هادشي فنهاية المطاف كييعني بلّي كتصرف مع النص الكتابي كيف ما بغيتي انت.

خليونا نشوفو هاد المثال، تخيل بلّي خاصك توجد عظة لاجتماع "الآباء الشُّبَّان (الأسر الحديثة)" فالكنيسة. وقررتي باش تهضر على شي حاجة من صموئيل الأول 2: 12-21. خود وقتك باش تقرا هاد النص دابا:

"وكانو ولاد عالي متورطين فالشر، ماكيعرفوش الرب. وماكيعرفوش حق الكهنة من الشعب. كلما دبح شي راجل دبيعة كييجي ولد الكاهن فاش كيطيب اللحم، وفيده منشار مول ثلاثة دالسنان، وكيضرب فاللحم لّي فالكدرة أولا المقلا كاع داكشي لّي طلع بيه المنشار كيديه الكاهن لراسو. هاكدا كانو كيديرو لكل بني إسرائيل لّي جاين لتما فشيلاه. بحال هاكداك قبل ما يحرقو الشحمة كييجي ولد الكاهن وكيقول للراجل لّي دبح: "عطي اللحم باش يتشوا للكاهن، راه ماكياخدش منك لحم طايبة، كياخدها منك خضرة". وكيقوله الزاجل: "خليهم يحرقو الشحمة هي لولة، ومن بعد خود لّي تشهاته نفسك". وكيقوله: لا، دابا تعطي ولا ناخذ بز". وكانت الخطية ديال الولاد عظيمة قدام الله، لاحقاش الناس استاهنو بالأضحية ديال الرب. وكان صموئيل كيخدم قدام الله وهو باقي

صغير لابس أفود (لباس ديال الكهنة) ديال الكتّان. صاوبات ليه
الأم ديالو كسوة صغيرة وكانت كطلعها ليه من عام لعام فاش كطلع
مع راجلها باش يدبح الدبيحة السنوية. وبارك عالي ألقانة ومراته
وقال: "الرب يعطيك نسل من هاد المرا فبالصت الولد لّي عطيتوه
لرّب". ومشاو لفين كيسكنو. والرب كان رحيم مع حنة؛ حملات
وولدات ثلاثة ديال الولاد وجوج بنات. والولد صاموئيل كبر
فالحضور ديال الرب".

فاش كتقرا النص للمرة لولة، كيبانو ثلاثة ديال الحاجات:

1. النص كيبيّن جوج دالمجموعات ديال الآباء والأولاد: عالي
وولاده لّي ماكيفيدو فحتى شي حاجة، وحنة ولدها صموئيل، لّي
كيخدم الله.
2. الفرق لّي بيناتهم كتّير الدهشة ديالك. القصة ديال عالي كتشبه
لشي مثال على سوء التربية، فحين النموذج ديال حنة كيغطي
نتائج حسن.
3. من بعد كتستنتج جوج ديال التطبيقات لهاد النص: الأول، بلّي
الآباء لّي مامزيانينش كيسمحو لولادهم ياكلو كتر من القياس،
فحين الآباء لّي مزيانين ماكيدروس داكشي، الحقيقة ديال أن
ولاد عالي كياكلو الذبائح بهاد الطريقة مثيرة للاشمئزاز! والثاني،
بلّي الآباء لّي مامزيانينش ماكيستافدوش من البيئة ديال الكنيسة
باش يشجعو ولادهم على البرّ، فحين الآباء لّي مزيانين كيكونو
حاضرين ومستاعدّين ديما. شحال كان زوين فاش كانت حنة
كتجيب صموئيل للكنيسة كلما فتحات الكنيسة البيان دياها!

هاكدا ولّا عندك مخطط تمهيدي للعظة، والأهم من داكشي هو أنك
تعرف بلّي كلامك غيكون عندو تأثير على المستمعين لّي هما الآباء الشباب
فالكنيسة ديالك. يمكن ليك دابا تهضر على الظروف الصحية ديال
الأطفال. وما غيكونش صعب عليك تدخّل فالعظة ديالك شي مبادئ
متشابهة لّي كتنتابق على الصحة ديال الحالة الرّوحية دياهم حتا هي.

من بعد كتعطي العظة ديالك، وفجأة كيڨارو برامج جديدة لخدمة الأطفال بسباب هاد العظة. شي حاجة عظيمة أن الناس يهضرو على التربية المسيحية.

هاد النوع ديال الوعظ الإنطباعي كيطور الكنائس. وماتعجبش فالحقيقة ديال أننا ماكنعطيوش بزاف ديال الوقت فالخدمة والاجتهاد وحننا كنوجدو العظوات ديولنا حيث حنا مامحتاجينش داكشي. يمكن لينا نديرو داكشي بسرعة كبيرة وتخدم القضية. هادشي على شوية يكون وعظ ارتجالي (بلا تحضير مسبق).

من بعد كنضيعو الغنى ديال كلمة الله مرة خرا، حيث كنضيعو الفكرة الرئيسة ديال النص. كون قرينا النص شي مرات آخرين، كون عرفنا بلّي النص ديال صموئيل الاول 2: 12-21 ماكيهتمش بالتربية ديال الأطفال كاع، كيهتم بالقداسة ديال الله. هادشي صحيح، النص كيتعلق بالله، وكيفاش القيادة الغالطة لشعب الله كتسبب فالاستهزاء على الله نفسه. المشكلة فالنص هي أن الله ماكيتعبدش بطريقة تي لايقة بيه. وإلاكملنا فالتعمق فوسط السفر غانعرفو بلّي كاينة فكرة الإستبدال فعائلة الله. النص كيجيبنا صموئيل فهاد الوقت المحدد لاحقاش هو البديل لولاد عالي، باش هو يقود عبادة الله بداكشي تي كيتوالم مع كلمة الله. مايمكنش لله أنه يدير خدمته لاحقاش الكلمة دياله منسية ومامعمولش بيها. وواخا هاكداك، واخا الوضعية كتبان بلا رجا، الله غيبعين راجل آخر وكاهن باش يقود الشعب.

واش هادشي كييعني بلّي حنا مانقدروش نعطيو عظة من هاد النص على تربية الأطفال؟ ماشي ضروري. ولكن هادشي كييعني بلّي ماخاصش الفكرة الرئيسة ديال النص الكتابي تغيب علينا. وماخاصش التطبيقات الممكنة تطفي على الفكرة الرئيسة للنص. وواخا يمكن لينا نقولو شي حاجات حقيقية من الكتاب المقدس على التربية ديال الأطفال من النص، خاصنا نديرو داكشي بطريقة كتحترم داكشي تي باغي يأكده النص. وهادا هو الفرق والتحدي. كنقرأو هاد القصص وكنصدقو متلفين المحتوى تي


أكد عليه الروح القدس، وكنقللو من القيمة ديال كلمة الله وكنشوفوها غير شي مبادئ كتقودنا لحياة التقوى. فالمثال لّي كاين فصموئيل الأول، صدقنا غافلين بلّي المسيح بصيفته البديل للكاهن الفاشل. هملنا يسوع على ود المدرسة الإنطباعية. وولا عندنا فبلاصته والدين ملتازمين بمبادئ أخلاقية كتر من الرسالة المسيحية.

هاد النوع ديال الوعظ الإنطباعي كيزدهر فاش كتكون "هموم هاد العالم" (مرقس 4: 19) هي أكثر عملية كتبان فالعالم. وسوا كان داكشي فبيئة مجتمعات الأعمال لّي كتهتم بالنتائج، أولاً بيئة الثقافات لّي كتقدس العمل بحال دول شرق آسيا، أولاً فمجتمعات نامية (بحال هادوك لّي كيخدمهم الفريق ديالي فجنوب آسيا)، كنلقاو بلّي الوعظ الإنطباعي غالباً ما كيكون نتيجة ديال ضغوط براغماتية (نفعية) على المسؤولين على الوعظ. وأنا كنعس بالعطف من جيّتهم.

من المهم أننا مانشوفوش بلّي الوعظ الإنطباعي هو المشكلة. هو نتيجة طبيعية ديال التمسك الأعمى بالإنسجام الثقافي وديال هاد الوقت الطويل لّي كياخذ منا هاد التمسك. حنا محتاجين باش نتفكرو القناة لّي سجنات تشارلز سيميون فالدراسة دياله للكتاب المقدس حتى يخرج من الكتاب داكشي لّي موجود فيه. ساهل أنك تخلي الطريقة الإنطباعية تسيطر على الدراسة ديالك للكتاب والتواجد ديالك للعظات؛ خصوصاً إلا كنتي ضريف بطبيعتك (يعني أنيق أولاً عصري)، أولاً كتحاول تكون هاكداك، هاد الطريقة تقدر تولي بحال الإدمان على الكوكايين لّي كتعاطاه بتخبية. وإلا كنتي لقيتي شي شوية ديال النجاح مع هاد الطريقة، يمكن ليك تبدأ تعتبر راسك مفسر ديال الكتاب. ولكن الشرح ديال الكتاب المقدس شرح تفسيري كيتطلب طريقة مختلفة للدراسة كيف ما غانشوفو بالفصول الجاية.

الوعظ المشوش

أجي نخليو الدراسة ونفكرو فالطريقة تي نستخدمو بيها الكتاب المقدس فالعظات. الشاعر الأُسكتلندي أندرو لانغ Andrew Lang عبّر واحد المرة على الرأي دياله بطريقة ساخرة على السياسيين فالعصر دياله وأتهمهم ببراعة فالأبيات الشعرية دياله بالتلاعب وبالإحصائيات.⁴ وبتغيير صغير فاللغة، يمكن لهاد العبارات الساخرة تقال على بزاف ديال معلمين الكتاب المقدس اليوم: "شي وعاظ كيستخدمو الكتاب المقدس نيشان كيف ما كيستخدم السكيري البوطو ديال الضو. كيستخدموه باش يتكاو عليه كتر من تي كيستخدموه باش يضوي عليهم".



هاد هو الواعظ المشوش أولاً السكران. كنضن بلي أنا مامحتاجش نقولك بلي ماخصكش تولي واحد منهم. فالحقيقة بزاف منا كانوا هاكداك بلا مايعرفو.

خليوني نشرح. فدوك الأيام فاش استخدمنا الكتاب المقدس باش ندعمو داكشي تي بغينا نقولوه فبالاصت ما نقولو داكشي تي الله قصد يقولو فالكتاب المقدس، كنا بحال شي راجل سكران كيتكا بالجسم المشوش

⁴ المصدر ديال قصة أندرو لانغ واقتباسو هو غير مؤكد، وأخا هو اقتباس معروف ومستعمل بزاف في مجموعات ديال الاقتباسات بحال اليزابيث إم. نولز، مُعجم أكسفورد للاقتباسات، الطبعة السابعة (أكسفورد: مطبعة جامعة أكسفورد، 2009)، 478:12.

دياله على البوطو ديال الضو، كيعاون بيه باش يوقف مقاد كتر من تي كيستخدم الضو دياله. أما أحسن وقفة للواعظ هي أنه يوقف تحت الضو ديال النص الكتابي مباشرة. داكشي لاحقاش الكتاب المقدس هو كلام الروح القدس وماشي الوعظ ديالنا (العبرانيين 3: 7؛ يوحنا 6: 36).

واقبلا أوضح الأمثلة على هاد الميول وأكثر واحد كيضر، هو الإنجيل المزور لي كيسميوه إنجيل الرخاء. فالرحلات المتكررة ديالي لكينيا، وكيف ما سمعت بزاف دالمرات على باقي البلدان الإفريقية، الوُعَاظ فجميع أنحاء جنوب القارة الإفريقية كيوقفو وكيشيرو للكتاب المقدس، وكيبالغو فالعود ديالهم بالصحة والثروة فهاد الحياة، وببساطة هي وعود ماتقاتلش فالكتاب المقدس. يقدر داكشي يخدم الأهداف ديال الوُعَاظ، غير هو كيفتافد للحق الكتابي.

من خلال عشرات السنوات ديال الخبرة فالخدمة الرعوية، نقدر نعقل على بزاف ديال المرات تي كنت فيهم واعظ مشوش. كنت كنبجأ للكتاب المقدس باش ندعم داكشي تي كان كيحسابلي كيستحق يتقال. فداكشي ولأ من الأدوات تي كتفعني. الكتاب المقدس عاوني باش ندير داكشي تي كان فالفكر ديالي. ولكن فبزاف ديال المرات غابت عليا الحقيقة ديال أنني خاصني نكون أنا هو الأداة، أنني نكون الشخص تي كيستخدمو الله من أجل القصد الإلهي دياله. الواجب ديالي هو نادي بالنور تي الله باغي ينشره فكأع الإتجاهات من خلال النص الكتابي.

داكشي تي وقعلي فالماضي يمكن يوقع لأي واحد مّا. كنستخدمو الكتاب المقدس بزاف ديال الطرق بحال فاش كيتكا السكران على البوطو ديال الضو. واقبلا عندك آراء قوية بزاف متعلقة بالعقيدة، ولكن تقدر تويي هاد الآراء فكرة لأي عظة كتعطيها، بلا ماتشوف الرسالة تي النص باغي يوصلها. وواقبلا نت كتخرج استنتاجات سياسية أولًا اجتماعية أولًا علاجية بلا ماتشوف الفكر ديال الروح القدس فالنص. فالمضمون ديال هاد الأمر، الميول ديالنا للوعظ المشوش فبلاصت الوعظ التفسيري كينبع من حاجة وحدة؛ كنزيدو على النص الكتابي داكشي لي كيوجبنا، والخطط

والوجهات والنظر ديالونا لِي شاذين فيهوم بعمق. وفاش كنديرو داكشي،
كيولي الكتاب المقدس غير تكاية كنتكيو عليها داكشي لي باغين نقولوه.

خليوني نعطي مثال شخصي على السرعة لِي يقدر يوقع بيها هادشي.
واحد المرة شحال هادي، كنت كنوعظ من رسالة كورنثوس الثانية. وفاش
وصلت للفصل التامن والتاسع، قررت نقز وندوز للفصل العاشر وداكشي
لي بعده. وكان الهدف ديالي من داكشي بسيط، كنت باغي نحتافظ بالفصل
التامن والتاسع لشوي وقت آخر باش نربطهم بالحياة ديال الكنيسة ديالنا.
هاد جوج ديال الفصول كيتعلقو بموضوع المال، أولًا لا؟ وانا نقول
فنفسى: "غايجيو عندي الشيوخ فشي وقت ويطلبو مني نعطي عظة على
الوكالة". وفداك الوقت، الكنيسة ديالنا كانت مزيانة من الناحية المادية.
داكشي علاش نقزت الفصل 8 و9، وهادشي قليل فاش كيوقع بالنسبة ليا
كواعظ ملتازم بصرامة باش يوعظ بالترتيب.

كيفما هو متوقع، جا داك الوقت. ومشيت كانفتح كورنثوس الثانية 8،
و9 باش نوجد عظة كتهدر على الأهمية ديال العطاء بالسخاوة. ودابا، من
المهم باش تعرفو بلِي قبل ما كندخل للدراسة، كانت عندي فكرة واضحة
على داكشي لي غانقول فالعظة ديالي. كنت داير فراسي أنني نركز كاع
التعليقات ديالولي على دوك 3 ديال الآيات لِي كيسلطو الضو على لِي كييعطي
وهو فرحان:

الفكرة كاينة فهادشي لِي جاي:

"وَتَفَكَّرُوا بَلِي اللَّي كَيَزْرَعُ قَلِيلَ كَيُحْصَدُ قَلِيلًا، وَاللِّي كَيَزْرَعُ كَثِيرًا
كَيُحْصَدُ كَثِيرًا. وَخَاصُّ كُلِّ وَاحِدٍ يُعْطِي دَاكَّشِي اللَّي نَوَى قَلْبُهُ
مَا شِي وَهُوَ نَادِمٌ وَلَا يَزُرُّ. جِيث اللَّي كَيُعْطِي وَهُوَ فَرِحَانٌ كَيَبْغِيهِ اللَّهُ.
وَرَاهُ اللَّهُ قَادِرٌ يَزِيدْكُمْ مِنْ كُلِّ نِعْمَةٍ، بَاشْ فُكُلُّ وَقْتٍ يَكُونُ عِنْدَكُمْ
دَاكَّشِي اللَّي غَيْكْفِيكُمْ مِنْ كُلِّ حَاجَةٍ، وَهَكَأ تَقْدَرُوا تَزِيدُوا فُكُلُّ خُدْمَةٍ
مُزْبَانَةٍ. كَمَا مَكْتُوبٌ فُكْتَابَ اللَّهُ: «فَرَّقِي، عَطِي لِلْمُحْتَاجِينَ. وَالْخَيْرُ
دِيَالَهُ غَيْبَقِي عَلَى الدَّوَامِ»." (كورنثوس الثانية 9: 6-9)

أولاً، غانفتح النص فالالاتجاه القلبي لِي باغيه الله لينا نتاخدوه من جيهة الفلوس. الآية 6 كتقول بَلِي العطاء بالسخاوة كييعني الحصاد بالسخاوة. (عجبني أنني نبدا بالاتجاه القلبي لاحقاش داكشي غايربط المقدمة ديالي بالتطبيق "عطيو!") . وفالاخير، الآية 7 كتقول بلي الله كيحب لِي كييعني وهو فرحان. والحاجة لِي كتخليك تعطي (الله غايعطيك فالمقابل) غانكون الفكرة ديالي الجاية. وكتقول الآية 8: "الله قادر يزيدكم كل نعمة". وأخيراً، غانجيب واحد الآية من سفر المزامير، باش نبين الحافز الإلهي ديال السخاوة فالعطاء، الآية 9 كتشير لله نفسه "كيوزع فابور". وغايبكون المخطط ديال العظة فهاد الشكل الجاي:

1. كورنثوس الثانية 9: 6-7: "عطيو لله" (هادا هو الاتجاه القلبي لِي باغيه الله متاً).
2. كورنثوس الثانية 9: 8: "خودو عطايا جديدة من عند الله" (هادا هو الحافز)
3. كورنثوس الثانية 9: 9: "العطاء هو طريقة باش كنتشبهو بالله" (هاكدا كيقولنا العهد القديم).

واخا ماسمعتش بزاف للنص، كنت عارف بَلِي عندي عظة غايبكون ساهل أنك تسمع ليها. وكنت على شوية نعطي ديك العظة العملية والمثيرة للمشاعر. وكنت عارف بَلِي شعب الكنيسة محتاج ليها، وبَلِي الكتاب المقدس كيدعم الفكرة ديالي.

ولكن واحد الحاجة عجيبة تقدر توقع. قبل نهار الحد، وقبل مانخدّم الموطور ديال الوعظ، بدت كندرس الخلفية ديال هاد الأصحاحات. وشحال صدمني داكشي لِي كتاشفته، وزعزع الساس ديال كاع داكشي لِي كنت باغي نقوله! من كورنثوس الأولى 16: 1-4 وأعمال الرسل 11: 27-30، تعلمت بَلِي الآيات لِي كنت ختاريتهم عندهم علاقة مع واحد المجاعة وقعات وخصاص كبير عانات منه شي كنائس. وماكانش التفسير ديال النص لِي استخدمته على العطاء بانتظام لصالح الميزانية ديال الكنيسة المحلية، ولكن كان على جمع إعانة مالية باش نتعاونو مع شي كنائس عامرة

بالمؤمنين اليهود فشي بلايص مختلفين فالعالم. باش تخفف عليهم الآثار السلبية ديال المجاعة.

إلا ماكانش داكشي مامزيانش بما فيه الكفاية، راني لقيت حاجة خرا؛ حيث عرفت من كورنثوس الثانية 11: 5 و12: 11 بلي النقاش الأساسي فالرسالة كان كيهضر على الخدمة ديال بولس الضعيفة بالمقارنة مع الخدمة السامية الخاصة بالرسل، لّي كان عندهوم داك النوع من القوة لي خلا جماعة المؤمنين فكورنثوس يحتراموهم. ماكانش بولس واضح فالكلام ديالو (11: 6)، وجا كيوعظهم (11: 7)، وكان ديما محتاج (11: 9)، وماكانش عندهومين يجيب الفلوس (12: 14، 15). كان هادا هو سياق الأصحاحات لّي مخصصة باش تهضر على التقدمة المالية. ومن تما بانت القضية! هاد التقدمة كانت بحال امتحان! إلا عطاو الناس ديال كورنثوس بسخاوة، فهادا كييين بلي هما اتاحدو مع "الضعف" ديال دوك الناس لّي كانو محتاجين، وكانو مستعدين باش يسدو الاحتياجات ديال هادوك الفقراء. ولكن، إلا عطاو لصندوق الإغاثة ديال المجاعة ببخل، فهادشي كييين بلي ختارو يكونو من جيهد الأغنياء. وعلى غفلة فهمت بلي كنت فخطر حقيقي بأنني نفهم رسالة كورنثوس الثانية كاملة غلط!

من بعد كلشي راب. فاش شفت المزمور لي تذكر فكورينثوس الثانية 9: 9، لي كان كيحسابلي بلي كيعلما بلي فاش كانعطيو بسخاوة كانتشبهو بالله، فبلاصت داكشي لقيت بلي كييين بلي فاش كنديرو داكشي كانكونو بحال "الراجل البار لّي كيتآقي الرب". الفكرة ديال بولس ماكانتش هي أن الناس ديال كورينثوس خاصهوم يعطيو بسخاوة باش يكونو بحال الله. ولكن الفكرة ديالو هي أن العطاء هي صفة كاتكون عند الناس لّي كيتبعو الله.

تأكدت فهاد النقطة بلي أنا فمشكلة. واخا صوبت واحد المخطط من الكتاب المقدس لي يحققي أهدافي فاش هضرت على المشكلة دالميزانية دالكنيسة، ماكنت كاندريد والو من غير أنني نتكا على البوطو ديال الضوء، وماشي نتضوا بيه.

الأستئلة لي بقا خاصني نجاوب عليها هي: "شكون لي خاصو يكون ملك؟ أنا ولّا النص الكتابي؟ واش غانكون ملك على الكلمة هاد السيمانة ولّا هي آي غاتكون ملكة عليا؟ واش كنعتماد على الكتاب المقدس باش نحقق الأهداف والخطط دياولي، ولّا كنوقف من تحت منه باش نتنور بالروح القدس، وكنعطي المجال لهاد النور باش يدوز للناس لي كيسمعو فالكنيسة ديالي؟".

فالتحليل النهائي، القناعة لي خلات تشارلز سيمون يمارس داك الإنضباط بنضج نجاحات معايا. "راه الغيرة الكبيرة لي عندي على هاد الموضوع، كتخليني مانهضرش بقل ولا كتر من داكشي لي كئامن بيه أنه من الأفكار ديال الروح القدس فالنص لي كنفسرو"⁵.

من الخبرة ديالي الشخصية، يمكنلي نقول بلي دوك الصراعات لي عندي مع الوعض المشوش ديما عندها علاقة بالإنسجام مع الثقافة ديال المستمعين. وّلي تعلمت هو أن الحتياجات ديال الناس دكنيستي، على حسب الفهم التقافي ديالي، ماخاصهاش تكون هي القوة لي كاتحرك داشي لي كنقولو فالعظة. حنا ماشي أحرار نديرو لي بغينا بالكتاب المقدس. راه هو لي عندو السيادة، وهو لي خاصو يربح ديما.

الدور ديانا كواعظين ومعلمين ديال الكتاب المقدس فالوقوف تحت النور ديال الكلمات لي حطهم الروح القدس من زمان. راه المهمة ديانا هي نقولو اليوم داكشي لي قال الله شحال هادي وماشي كتر من داكشي. حيث إلا درنا هادشي، الله غيبقا كيتكلم من خلالنا.

الوعظ آي توحاهيه

شفنا جوج ديال النتائج سلبية لي كيسببهم التمسك الأعمى بالإنسجام مع ثقافة المستمعين، وهادشي كيضر الوعظ التفسيري الكتابي. أولّا، كتاشفنا التأثير ديال هاد الطريقة على الواعظ فالدراسة ديالو. هاد الطريقة

⁵ هاندلي كار جيلين مول، تشارلز سيمون (لندن: مينيون والشركاء ديالو، 1892)، 97.

فالتحضير يمكنها تخليها نديرو الوعظ الإنطباعي. ثانيا، شفنا كيفاش يمكن لهاد الإنسجام الأعمى مع الثقافة يآتر على الإستعمال ديال الكتاب المقدس بالنسبة للواعظ. الضغوطات آي تايكونو على الواعظ كل سيمانة باش ينسجم مع الثقافة ديال الناس آي كيوعظ غاتخليه يدير الوعظ المشوش.

دابا بغيت ندي معايا الواعظ بعيد على الدراسة ديالو، وبعيد على الكنيسة ديالو، ونهضر على كيفاش خاصنا نقرأو الكتاب المقدس فاش نكونو بوجدنا. وحتا هنا يمكن للطرق الجديدة ديال القراية آي كيديروها شي ناس فاش كيكونو بوحدهوم تضعف من الدعوة العلنية بالكلمة ديال الله. وفالحقيقة، إلا جمعنا مابين الطرق الشخصية ديال القراية وهاد التمسك الأعمى بالإنسجام مع ثقافة المستمعين، غايكون عندنا داكشي آي كانسميه "الوعظ آي توحا بيه".

خليوني نشرح: حسب المصدر الإلهي لي خرّجو، الكتاب المقدس هو كلمة الله العظيمة آي توحا بيه، وغاتبقا هاكداك. ولاكن الفكرة آي بغيت نوصلها هي أنه محزن بزاف أنك تشوف الوعاظ كينجادبو كتر كل نهار للقراءة الشخصية ديالهم للنص الكتابي وكيعتارو بحال إلا ديك القراءة الشخصية توحا بيه. المعلمين ديال الكتاب المقدس كيتعلمو بلّي أي حاجة كتحرك الروح ديالهم وهوما كيقرأو قراءة شخصية للكتاب، لابد يكون داكشي هو آي بغا روح الله يوعظ بيه فالعلن.

واحد من الأمثلة على هاد النوع ديال خطط القراءة عنده تاريخ طويل. ومعروف باسم القراءة السماوية *Lectio Divina* " ". هاد الممارسة ديال تفسير الكتاب المقدس، لي كاترجع للعصر البندكتي، الغرض منها هو تطوير الشركة مع الله، وبدرجة أقل، فهم الكتاب المقدس. هاد الممارسة كانت كاتفضل تشوف النص الكتابي باعتباره "الكلمة الحية" وماشي كلمة الله المكتوبة بغرض الدراسة. كاتشمل أشكال هاد الممارسة التقليدية ربعة ديال الخطوات باش تقرأ الكتاب المقدس بطريقة خاصة: القراية، والتأمل، والصلاة، والتفكير المزيان؛ فين تقدر تريح قلبك بقراية بسيطة للنص، من بعد كاتأمل، وممكن فكلمة وحدة أولا عبارة من النص. وهاكدا كاتجنب

بلعاني أي حاجة لي تقدر تعتابر طريقة "تحليلية". الهدف هنا، فقلب هادشي، هو تتسنا الضو ديال الروح القدس حتى توصل للمعنى. ومن بعد تتسنا يسوع باش يعطيك فهم للنص. وغير كايعطيك الكلمة، كاتبدا فالصلاة. وفالأخير، الصلاة كاتبقا غير حوار مع الله. الله كيتكلم من خلال الكلمة ديالو، والشخص كيتكلم من خلال الصلاة. وفالأخير، هاد الصلاة كاتولي صلاة تأملية، وكاتعطينا القدرة باش نفهمو الحقائق اللاهوتية العميقة.

كيبان هادشي واعر وكيميز بالتقوى. فالواقع، كيبان بلي كيغطي للناس ضمانة كتابية قوية: "وَتَبَيَّنْهُ لِيْنَا اللَّهُ بَرُوحَهُ، حَيْثُ رُوحُ اللَّهِ كَيْفَ حَصَّ كُنْثِي حَتَّى أَعْمَاقُ اللَّهِ" (كورينثوس الأولى 2: 10) أجي نخليو فجنب غير شوية داكشي لي كان بولس بصح كيقولو فهاد الآية. القراءة السماوية كتدافع على الطريقة الروحية ضد طريقة الدراسة النظامية. راه كاتبدل التحقيق بالحدس والبديهية، وكتفضل العاطفة والحالة النفسية ضد الاستقصاء المنهجي العقلاني. هاد الطريقة كتساوي ما بين روحك والروح القدس.

التمسك الأعمى بإنسجام العظة مع ثقافة المستمعين كي عشق هاد الطريقة! راه أكثر حاجة كيغيوها الناس اليوم هو "كلمة جديدة" من الله، باغيين شي حاجة من روحه باش ينعش حياتهم الروحية الفقيرة ويغذيها.

واخا القراءة السماوية هي شكل تاريخي كاثوليكي ديال التفسير، راه شهدات انتعاش فالسنوات الأخيرة خاصة البروتستانت الإنجيليين. وحتى فاش ماكتمارسش بالسمية، راه مشابهة لدرجة كتبان مع الطريقة ديال توجاد العظاظ لي تعلموهم بزاف من الوعاظ الجداد. فراه قالو لهوم يقرأو الكتاب المقدس بطريقة تعبدية، وفهدوء، كيتسناو الروح القدس باش يتكلم؛ لدرجة كتكون متأكد بلي داكشي لي غايحطو الله فقلبك من خلال النص فالهدوء ديال ديك اللحظة، غادي يخدمو حتى هو فحياة الناس الاخرين. إذا، "وعظ بهادشي أخويا! ضروري غايكون توحى بيه".

ناخذو مثال من وحدة من الآيات الواعرين، المطبوعين فالتقويم السنوي لي معلق فالحيط (فيلبي 4: 13): "كنقدر ندير كلشي في المسيح لي كيقويني".

كيفاش غادي نفهمو هاد النص؟ غادي نقراوه فالبداية بشكل شخصي، بحال إلا كان بولس كتبو لنا مباشرة. من بعد كنقراو عبارة "كلشي" بحال إلا هي "أي حاجة". وكنظن بلي هاد النص كيقصد بالتأكيد أي حاجة. وفاش كيواجهنا أي نوع من العواقب، كيعطينا الله القوة باش نتغلبو عليهم. واش أنا محتاج لديك الترقية فالخدمة؟ الله غادي يعطيني القوة. واش أنا محتاج لديك الرمية الثلاثية قبل مايتسالا الماتش ديال كرة السلة بعشرين ثانية باش نربحو الماتش؟ الله غادي يعطيني القوة. شحال عجيب هاد الوحي! راه هاد الوحي مثالي لكاع دوك اللحظات لي كحتاجو فيها للنجاح. ولاحقاش حنا فهمنا النص بطريقة تعبدية.

المشكلة كتبان فاش كنتعمقو شوية، فكنا نقاوا بلي بولس ما كيتكلمش على "أي حاجة". كون غير قرينا غير شي آيات بعد وقبل، كنا غنعرفو بلي هاد الآية جزء من الكلام ديال بولس على الألم فالسجن. هو كيتكلم على النجاة والبقاء على قيد الحياة. راه مكيتكلمش على لا على الترقية لا على الرميات لي غادي تحسم ليه الماتش، ولكن كيتكلم على احتمال المعانات باش يتقدم الإنجيل للقدام وينتشر (قارن مع فيلبي 1: 12). وهادشي ما كيتحتاجش لوقت طويل باش القراءة ديالنا التعبدية تتحط قدام عينينا، هاد القراءة لي على شوية غانردوها موحى بيها. هادشي كيتحتاج غير أنك تقرا شي جوج ولا ثلاثة ديال الآيات خرين.

هاد النوع من الوعظ "الموحى بيه" كيتعتابر لعبة خطيرة، حيث هو ذاتي كله. وفاش كنوقفو من العمل الشاق باش نفهمو الكلمات لي عطاها لنا الروح القدس، وكنخدمو غير بالفكر "الروحاني"، كنوليو حنا السلطة النهائية لي كتقرر معنى النص. ديك الساعة كنبداو نفرضو "حقائق" و"نصائح" ما عندهاش دليل كتابي وممكنش تمتاحنها من الكتاب المقدس. نقدرود نديرو داكشي لأغراض مزينة، بحال فاش كانحافظو على

الصحة الأخلاقية ديال الشعب أولا الرغبة ديال الشعب فتجديد العالم لي كنعيشو فيه. وواخا هاكداك، حنا كندمو خارج العقيدة السليمة. وكنخلطو ما بين "هاكدا قال الرب" و"هاكدا كقول أنا". وكنطلبو من شعب الكنيسة ديالنا باش يآمنو بينا فبلاصت ما يآمنو بكلمة الله.

دابا، من المحتمل أننا مانتمسكوش ننا وأنا بهاد النظرية فداكشي لي كاتعلق بالكتاب المقدس. ووخا هاكداك، بلا وعي، بزاف دالمرات كنتصرفو بحال إلا كنامنو بيها.

كيفاش كيوقع بحال هاد شي؟ بزاف ديال الوعاظ خاصة الوعاظ الشباب، كيلجأو للنص الكتابي باش يضبطو النفس أولا النمو الروحي الشخصي. هاد الممارسة فالجوهر ديالها ماشي مازويناش، كما أن الوعظ التعبدي ماشي شي حاجة مازويناش فالجوهر ديالها. صورة ديال المسيح موجودة فالنص الكتابي، خاصها تحكم فينا روحيا، وخاصنا نتشبهو بيها. ولكن المشكلة هي أننا كندملو بسهولة حتى كندملو بعيد على طريقة تأثير الروح القدس فينا من خلال النص، خاصنا حنا نقررو الطريقة لي بيها لابد يخدم بيها الروح القدس وسط شعب الكنيسة ديالنا. ونخلي هاد الطريقة د الوعظ بيان كيشبه للوعظ الإنطباعي، ولكن مغلف بالتقوى فبلاصت الناحية العملية.

كنشوفو المثل اخر من هاد النوع لي كييان وعظ كيتميز بالتقوى فجنوب أمريكا الشمالية وفأمريكا الجنوبية، وخاصة فشي دوائر كاريزماتية فأمريكا الجنوبية. الرؤى الروحية مهدات الطريق لواحد النوع من الصوفية كيحتاج لما كتر من الأسفار المقدسة القانونية باش يبقا منساجم. داكشي علاش، خاص الوعاظ التقيين "لي عامرين من الروح القدس". باش فداك الوقت يقدمو "إعلان جديد" على شكل نصائح ومبادئ عقائدية واجتماعية. حتا شي حاجة ما كتفصل ما بين "النصيحة الروحية" من الوعاظ المتعبد، وتقديم إعلان جديد غير خطوة وحدة صغيرة. ولا داكشي فبزاف من هاد الدوائر هو العلامة لي كتميز هادوك لي مدعوبين للوعظ. ولا الوعظ لي روحاني قلّ والنصيحة العقلانية بزاف المبنية على القراءة

الشخصية الروحانية، وحتا هاد الشكل من أشكال الوعظ لّي كييعطي إعلان جديد، ولّا أي واحد من هاد الأشكال كييتحددا كفاية الكتاب المقدس وكييتخبغ فصورة التقوى المسيحية.

باش نتجنبو التشويش والإرتباك، أنا ماكنقولش بلّي الروح القدس ماعدوش دور فالوعظ التفسيري لاحقاش هاداك خطأ كبير. راه بصح فاش الناس كييتهداو للإيمان وكيينضجو من خلال الوعظ التفسيري، خاص الكلمة ديال الإنجيل ترتابط بالخدمة ديال الروح القدس باش تكون مراجعة النفس، والتجديد، والتوبة، والإيمان، والمتابعة المستمرة لمدى الحياة. بعبارة خرا: "وَهَكَأ، رَاه مَا كَيْهَمُ لَا اللَّي كَيْغَرَسْ وَلَا اللَّي كَيْشَقِي، وَلَكِنْ اللَّي مُهْمُ هُوَ اللَّهُ اللَّي كَيْكَبِّرُ الْعَرَسْ" (كورنثوس الأولى 3: 7).

كييفما كييان، هاد التعاون "الجديد" ما بين القرارية التأملية ديال الكتاب المقدّس، والوعظ، وخصوصا اللجوء لإنسجام العظة مع ثقافة المستمعين لغرض الحصول على المعنى ديال النص الروحي، ماشي شي حاجة جديدة كييفما نقدر و نضوّ. بان واحد النوع منه على الساحة وسط شخصيات لاهوتية مصلحة بارزة بحال كارل بارث (Karl Barth) وحركة الأرثوذكسية الحديثة فالجزء الأول من القرن العشرين. فبين "ثبت" النقد الأعلى فألمانيا بلّي نص الكتاب المقدس تعرض للتحريف، أولّا هاكدا كانو كيضمنو. ولاحقاش النص الكتابي تعرض للتحريف، فالناس لّي كيقرأو الكتاب المقدّس مايمكنش ليهوم يعرفو ويتيقنو من المقصود ديال الكاتب الأصلي. بارث والحركة الأرثوذكسية الحديثة كانو كيشوفو فالكتاب المقدس باحترام، غير هو ما قدّمو تنازلات لشي أفكار من النقد الأعلى لّي كتختص بالوحي اللفظي. وهاكدا مابقاتش الفكرة ديال التجاوب مع الكتاب بهاد العبارة "هادي الكلمة ديال الرب" فكرة يمكن الدفاع عليها فالكنيسة الأرثوذكسية الحديثة، راه يمكن لّي كيقرأ يقول شي حاجة بحال: "سمع كلمة الرب". والإفتراض ولّا بحال يلا ما بقا لينا غير الروح القدس، وداكشي علاش كيخصنا نسمعو لشي شخص لي سبقو سمع منه.

داز يالاه جيل واحد حتا ولينا كنشوفو شي وحدين من الإنجيليين
 كيمشيو بعد من بارث فالدفاع على الوعظ الموحى بيه أولاً الوعظ لي
 كيقودو الروح القدس. ولكن واش حنا كنستاحقو الثقة؟ راه الروح القدس،
 بلا شك، كيستاحق الثقة وقادر—بمعجزة—باش يغرس المقصود ديالو فينا
 بطريقة بديهية. ولكن واش هاد الإحتمالية كتعفيننا من الخدمة المعقولة
 لي كتعلق بالتفسير؟ علاش الله كلف نفسه وأوحى بالكتاب المقدس من
 الأول؟ واش ماشي ممكن باش يخدم الروح القدس من خلال البحث
 والتأمل؟ بالممارسة ديالنا لطريقة التفسير الذاتية هادي على أساس أنها
 وعظ "موحى بيه"، واش ماكنخاطروش بالتجاهل ديال داكشي لي قصده
 الله فالكلمة دياله باش نزيدو مع الوعظ بداكشي لي كنفصده حنا؟ واش
 ماشي بهادشي كنتشكلو بروح هاد العصر (لي حنا بالضرورة جزء منه)
 فبالاصه ما أننا نتشكلو على حسب العمق ديال كلمة الله؟

ترتيب الأفكار قبل ماتزيد القدام

راه التمسك الأعمى بالإنسجام مع ثقافة المستمع، قضية واقعية
 بالنسبة للوعاظ، هاد التمسك الأعمى كيغويونا باش نسعاو باش نكونو
 متاصلين بالثقافة بلا تمييز وبلا قيود، وهاد السعي كينتج عليه تفسيرات
 للنص الكتابي كتعتابر الأكثر سطحية. شفنا فهاد الفصل هاد المشكلة من
 ثلاثة ديال الزوايا. أولاً، استكشفنا داكشي لي كيوقع فالدراسة ديال الواعظ
 فاش كيكون السياق الثقافي هو لي كيقود العظة، فبالاصه ما يزيد ليها شي
 معلومات وصافي. كنوليو نخليو الواقعية ديال النص الكتابي واستخدام
 الوعظ الانطباعي على أحسن تقدير. تانيا، التمسك الأعمى بالإنسجام مع
 ثقافة الجمهور، بزاف دالمرات كيتسبب فأننا نخطأو الهدف وهادشي
 كيخلينا مانخدموش الكتاب المقدس بالطريقة الصحيحة. بزاف منا
 كيغانيو من إدمان الناحية العملية والفكرة ديال أننا نقدرود نحددو من قبل
 داكشي لي كيحتاج يسمعه شعب الكنيسة ديالنا. وفاش كنديرو داكشي،
 كنشربو كاس ديال الوعظ المترنح أو المشوش. تالتا، كيتزاد ارتباط التمسك
 الأعمى بالممارسة التعبدية الخاصة بالواعظ. حيث الواعظ كيبيغي فشي
 حاجة "جديدة" و"روحية". من بعد كتقلو المشاعر الروحانية ديالنا أولاً

"الجديدة" بحال إلهي رسالة الله. ونتيجة لداكشي، الوعظ "الموحي به" كيدر بلاصتو فبلاصة ديال الوعظ التفسيري.

عندنا الحق نسولو: "واش ماكينش شي طريقة بسيطة توضح لنا فوقاش غيسالي الميل ديالنا الفطري الخاطئ من جهة إنسجام الوعظ مع سياق المستمعين وثقافتهم؟" كنضن كاينة طريقة.



الجانب لي على ليمن ديال الصورة التوضيحية كيبين مسؤولية الواعظ من جهة محتوى الكلمة ديال الله: يفهمها فهم سليم. هادا جزء ضروري من الخدمة ديالنا. خاصنا نكونو كلنا أمناء. والكتاب المقدس كييعطينا كلمات الإله الحي. أما الجنب لي على يسار الصورة كيوجهنا لمسؤولية خرا: توصيل الكلمة للمستمعين. وهاد الجزء ضروري حتا هو. شكون منا ماباغيش يكون أمين؟ الواعظ كيوقف مابين هاد جوج مهمات كل سيمانة. هاد جوج دالحاجات كيضغطو عليه، وكل وحدة كتصارع باش تربح بوقته وانتباهو. وفأغلب الأحيان، الواعظ كيخاف من أن الإلتزام الكامل بوحدة فيه ماممكنش يتحقق بلا مايتخلا على لخرا.

نتيجة لداكشي، الواعظ كيبدأ بالهضرة على راسه، وكتبان المحادثة على هاد الشكل: "إلا مشيت فهاد الاتجاه، ودوزت وقت التحضير ديال العظة وأنا كنفهم الكلمة فهامة صحيحة، كنخاف ينتهي بيا الأمر نكون مفكر كتر من لازم، وعقلاني كتر من لازم، ونفقد التأثير على الحياة لي كيحققه توصيل الكلمة للمستمعين. فجوهر الأمر، ماممكنلش نتحمل باش نتسما بواعظ الكلمة، إلا كان داكشي كييعني بلي غانفقد الهوية ديالي كواعظ عامر بالروح القدس. واش ماشي عليا مسؤولية نخاطب القلب،

وماشي غير العقل؟ راه الرسائل دياولي محتاجين يكسبو مصداقية فالشارع. عيت من الوعاظ لي كيفكرو غير فالهتداء الروحي. لي كنقصد هو أن المعتقد الصحيح الأصلي "orthodoxy" شي حاجة مهمة، ولكن بلا مايقود الانسجام مع سياق المستمعين الخدمة دياولي، عمري غانوصل للسلك القويم "orthopraxis". عارف بلي كنوعظ من نص كتابي، ولكن أخيراً، أنا هنا باش ندير تأثير ليوم".

كلما بان هاد الجدل فقلب المدعويين للوعظ وعقلهم—هاداك الإحساس بلي الفهامة الصحيحة ديال الكلمة وتوصيل الكلمة للجمهور هو ما جوج مشاركين مايمكنش تجمع بيناتهم—يمكن ليك تأكيد بلي التمسك الأعمى بالانسجام مع الثقافة كيتربص بيك فشي بلاصة قريبة باش يخلي الوعظ الإنطباعي، والمترنج، و"الموحى به" سيد الموقف.

بالطبيعة الحال، الإلتزامات لي كيتمتلو فالفهامة الصحيحة ديال الكلمة وتوصيل الكلمة للناس ما كيتحسبوش شركاء مستحيلين. تشارلز سيميون وكاع الوعاظ والمفسرين الأمناء لي كنعرفهم لقاو طريقة باش تمسك بيهم بجوج. والأمل دياولي باش الفصول الثلاثة الجاينين ينجحو باش يقدمو ليك طريقة باش توجد عظات لي يخليوك تنضم ليهم فالخدمة تفسير ديال الوعظ التفسيري الكتابي الأمين والمثمر.

2

التفسير

(Exegesis)

سألينا الفصل الاول بتوضيح الإمكانية ديال أنك تفهم النص فهامة سليمة، وتوصل هاد النص للناس فنفس الوقت. ماخصناش نختارو وحدة ونخليو لخر، حيث يمكنك تحققهم بجوج بطريقة مزيانة.

ولكن كيفاش؟ كيفاش نوجدو عطات أمينة للنص ونافعة للوقت ديالنا؟ وكيفاش نديرو هادشي وفنفس الوقت نتجنبو الميولات الفطرية ديالنا لي كاتخلينا نديرو التمسك الأعمى بالإنسجام مع ثقافة الجمهور؟

كأينة طريقة كييان بلي المفسرين المزيانين كيتبعوها. هاد الفصول الثلاثة جاينين كيوريو واحد العملية لي كاتم فتلاتة ديال الأجزاء، هي طريقة ديال التفكير للخدمة، تبع هاد المسار: (1) التفسير؛ (2) التفكير فالجانب اللاهوتي ديال النص؛ (3) التطبيقات الخاصة بالوقت لي كنعيشو فيه دابا.


عطي الأولوية للي مهم كتر

كل وعظ خاصو يبدأ بالتفسير. بعبارة خرا، خاص نحطو فالجنب الإنسجام مع الثقافة ديال المستمع، والتأمل اللاهوتي، والحوايح ديال دابا، حيث خاصنا نكونو ملتزمين بالعملية ديال التواجد لي كتعطي الأولوية للي مهم كتر. وكنقصد بداكشي يبدأ الواعظ الأمين العملية ديال التواجد ديال العظة دياله بالانتباه للجمهور الأصلي لي كان كيسمع للنص الكتابي، وأهداف النص بالنسبة لهاد القراء اللّوليل. هاد الوعظ كيغطي لهاد القراء

اللّولين الإهتمام دياله الأول بتلاتة ديال الطرق مختلفة. فهو بطريقة أولا بخرا كيدير هادشي لي جاي:

1. كيغطي للسياق الكتابي (وماشي السياق دياله الخاص) الحق باش يتحكم فالمعنى ديال النص.
2. كيصنّت بانتابه حتا يعرف كيفاش كيوافق النص مع الرسالة العامة للسفر.
3. يلاحظ البنية ديال النص والمضمون لي كيأكد عليه.

واش لاحظتي كيفاش تاحاجة من داکشي لي فالقائمة لي فاتت ماكيعلق بالانسجام مع ثقافة المستمع؟ راه الإنسجام مع الثقافة مهم، كيفما غانشوفو فالفصل الرابع، ولكن المفسرين المزيانيين ديال الكتاب المقدس كيدربو راسهم باش يخليو ديك الخطوة لوقت آخر فالعملية ديال التواجد ديال العظة.



كتعتبر فائدة مامزياناش؛ إلا حطيتها قبل قواعد التفسير فخطوات التواجد للعظة، غيبانو المشكلات بزربة. المشكلة هي بلي بزاف منا كيأجلو

التفسير للخر ديال عملية التواجد ديال العظة، فنفس الوقت كنركزو
الاهتمام ديالنا على الثقافة وعلى القدرة ديالنا على ربط العظة ديانا بيها.

بالنسبة لبزاف منا، غايكون التحدي الكبير هو الإعادة توجيه داكشي
لي كيستحق يكون أول. راه الخطوة اللولة للوعظ التفسيري هي تعامل مع
الانسجام مع الثقافة بحال شريك كاتستقبله وتقوده. والأمر ببساطة
ماغاينجحش الا وقع العكس ديال داكشي. مازال كنتفكر فين كنت گالس
فاش جا على بالي نعاود توجيه طريقة هاد التفكير.

1. نهار بديت نفهم

كانت فعمري تسعود وعشرين عام فاش ستيف بيكلي، راعي ديال
كنيسة وصاحبي، عرفني على ديك لوكاس. لوكاس دابا متقاعد من الخدمة
دياله كراعي ديال كنيسة سانت هيلين فمدينة بيشوبس جيت فلندن. وكان
بيكلي من قبل هضر مع لوكاس باش يدوز معنا نهار كفريق رعاة فكنيسة
كوليدج تحت رئاسة القس كنت هيوز. وكان هادا هو اليوم لي بديت
كنعرف فيه بلي ماكنتش بصح كنفهم داكشي لي كنت كندير.

وفبلاصة، الله استخدم لوكاس باش يتحدى الطريقة ديالنا لي مولفين
كنديروها فاش كنوجدو العظات. وفضرف جوج سوايع قصار، حطنا وسط
العالم ديال واحد النص كتاي ماغريبش بزاف: 1 كورنثوس 13. وفاش
ساليينا من التدريب ديالنا، العملية ديال تيجاد العظات ديالنا لقات اتجاه
جديد. راه حط رجلينا فطريق أحسن، طريق لي مازال لليوم كيوريني فين
نمشي.

أولا، طلب منا لوكاس باش نعطيو الأولوية للحاجة لي مهمة كتر. وكان
هادشي صعب فالتنفيد ديالو كتر من لي توقعنا. كنت ديما كنسمع بلي
الأصحا 13 من رسالة 1 كورنثوس كيقلو لو "إصحاح المحبة". ماكنتش
كنشوف هاد الإصحاح إلا فالمراسم ديال الزواج. وفمناسبات بحال هادو،

الواعظ كيقرا النص باش يدير الإنسجام مع الثقافة ديال المستمعين، وكبحكمه داك الحدث السعيد لي كنا كنعترفو بيه.

حنا مولفين كنعشوفو الحفلات ديال الزواج كيغطاوا عليها مواضيع بحال التشجيع والاحتفال، والعظات لي سمعتهم على هاد النص كانت عامرة بهاد المشاعر. بعبارة خرا، الجمهور لي كان كيستمع للواعظ هو سيد الموقف. وحتى واحد مامسوق للناس لي تكتب ليهم النص فالأصل.

ثانيا، لو كاس قادننا لواحد الفترة ديال الملاحظة. وطلب منا ننتابوهم للحظة ديال الحكم على المعنى ديال النص أولا كيفاش يمكن لينا نطبقيه اليوم، وفبلاصت داكشي طلب منا باش نفكرو فالإصحاح من خلال السياق الأدبي المباشر دياله. وفاش درنا داكشي، شفنا بلي 1 كورنثوس 13 جا ما بين جوج إصحاحات كيهضرو على المواهب الروحية، وبشكل خاص، العلاقة ما بين المواهب والنضج الروحي (12: 1، 4، 9، 28، 30، 31، 14، 1-37).

ثالثا، لو كاس طلب منا باش نقلبو على المصطلحات لي كيدلّو على المواهب والنضج الروحي فالجزء الول فالرسالة. كان باغينا نسمعوا بانتباه باش نعرفو كيفاش هاد النص كيتوافق مع أغلبية الآيات فرسالة هاد السفر. وقادنا هادشي ل 1: 4-7، فين بولس كييعط للناس ديال كورنثوس "بالجماعة الموهوبة". وفالحقيقة، ماكانتش كتنقصهم حتى شي موهبة كاع. ولكن ف 3: 1 بولس كيفجر واحد المفاجأة كبيرة فوجه هاد الجماعة الموهوبة بزاف؛ قال عليهم بلي هوما ماناضجينش روحيا، ومن فوق داكشي قال عليهم أطفال روحيا (أع 1، 2).

كانت هادي أول مرة كيخطر على بالنا بلي الناس ديال كورنثوس خلطو العلاقة ما بين المواهب والنضج الروحي. بدا كيحسابلهوم بلي شي مواهب "اللسان" - فهاد الحالة - عطاتهم تزيكية من جبهة النضج الروحي. دغيا بداوا الأفكار كيتسابقو فالعقول دياولنا. شنو لي كان بولس فالحقيقة كيقل على المحبة فالاصحاح 13؟ واش كان كي قصد يوبخهم على النقص ديال المحبة ديالهم؟ واش كان القصد الجوهر ديال الروح القدس من

"أصباح المحبة" أنه يدير تقييم ويصحح فبلاصت ما يشجع (بالكلام العاطفي)؟

رابعاً، لو كاس وضح لنا كيفاش أن الرابط ديال الأصباح كامل مرتبط بكلمات الإصحاح 13. فكر بلي "المحبة" فالإصحاح 13 "ماتفتاخرش". واش هاد اللغة كتبان من قبل فهاد الرسالة؟ أه كتبان، وماخدمهاش بولس فداكشي لي داز باش يكمل: "مازالين متكبرين" (5: 2).


من بعد، لو كاس وقف وخلصنا باش نستوعبو كاع هادشي. لقينا بلي هاد الأصباح طاح على الراس ديال جماعة دالمؤمنين لي فكورنثوس بحال الصاعقة. كان بولس كيهضر على المحبة بالتحديد لاحقاش كانت الحاجة الاساسية لي كيفتقرو ليها الناس ديال كورنثوس! واقبلا كانو جماعة موهوبة، ولكن هوما كانو مازالين أطفال. بولس بغاهم ينضجو، ويكونو بحاله، "راجل" متميز بالمحبة، وهادا هو معنى النضج بالنسبة ليه.

وصلنا لكورنثوس مع المستمعين اللولين، ولي كيضحك هو أننا لقينا راسنا واجدين باش نوعضو بطريقة حسن، عظة لي مناسبة وعندها علاقة بشعب الكنيسة ديالنا فشيكاغو.

أما بالنسبة ليا، راه يلاه بديت نفهم فهاد اللحظة. ودابا كنقدر نشوف العناصر لي محتاج كواعظ مفسر. الله استخدم داك نهار بقوة باش يعاود يرتب الطريقة كيفاش كنوجد للعظات. وخرجنا كاملين من هاد الخبرة أشخاص مختلفين، بشهية كتجدد لكلمة الله والتزام لي ختارناره لأول مرة من جبهة أننا نديرو أي حاجة باش نوليو وعاظ مفسرين ديال النص المقدس.

فاش القراء الأصليين واللويل كيليو هوما الاهتمام ديالك الأول، غتشوف الحوايج بنظرة مختالفة. خليوني نوضح هادشي بمنظار "التيليسكوب". المنظار كيسمح لنا نشوفو داكشي لي بعيد فالسما. وغاليليو عطا شهرة للمنظار فاش خدمو باش يشوف بيه شي حاجات كيبانو بحال تقايي ديال البراكين فالسطح ديال القمر وزيد عليها الملاين أولاً

واقبلا الملاير ديال النجوم معلقة فمجرة درب اللبانة. والفكرة من مور هاد الاختراع بسيطة. خود جوج عدسات، وحدة كبر من لخرأ، وربط بيناتهم بأسطوانة. العدسة الكبيرة خاصها تكون محدبة وعندها قدرة باش تكبر الصورة. أما العدسة الصغيرة هي عدسة ديال العين كتسمح لهاداك لي كيشوف باش يدير شوفة مقربة لشي حاجات بعاد. شد المنظار بالطريقة الصحيحة، غادي تكتشف حاجات واعرين، ولكن إلا شديتي المنظار بطريقة خاطئة، فجأة غادي يبان ليك داكشي لي كنتي باغي تشوف مشوه، وصغير، ومضرب. وغادي يضيع الجمال ديال ديك الحاجة والشكل ديالها.



يمكن لنا نطبقو هاد المبدأ نفسه على عملية توجاد العظة. راه إلا بغيبي تكون مفسر مزيان ديال الكتاب المقدس، خاصك أول حاجة هي تمرن راسك باش تحط فعينيك اللولين الناس لي سمعو (قراو). هادشي غايحميك من أنك تبدل (تشوه) شكل ديال النص، وغادي يعاونك باش تشوف شنو كيقصد الروح القدس لشعب الكنيسة ديالك.

ولكن الموضوع معقد كتر من لي كتبان فيه. ماكنضنش بلي أنا قادر ندير العمل التفسيري بوحدي. داكشي علاش كنصلي كل مرة قبل مانكس باش ندرس الكتاب المقدس. واخا كاينين وسائل لي الناس مولفين كيدرسو بيهم، أنا محتاج للمساعدة ديال الروح القدس لي ماشي عادية فهاد العملية. وواخا غادي نشارك بشي حاجات مفيدة لي يمكنك تطبيقها فالدراسة ديالك فالصفحات لي جاينين، خاصك تفهم بلي نتا تحت الرحمة ديال الروح القدس من الناحية ديال الفهامة ديال النص.

2. عطي للسياق الكتابي الحق فالتحكم

فاش بديت التطبيق العملي، لقيت بلي مفيد أنك تفكر فالسياق بجوج طرق مختالفين: السياق الأدبي والسياق التاريخي. هاد جوج ديال الأفكار كيتعلقو ببعضياتهم، وبزاف دالمرات كيتداخلو مع بعضياتهم، غير هو مهم نفهمو الفرق بيناتهم. السياق التاريخي كيهتم بالظروف أولا الموقف لي خلا الكاتب يكتب النص. ويقدر يتطلب منك هادشي أنك تفهم الثقافة القديمة. وتقدر تحتاج تقوي المعرفة ديالك بالتاريخ الكتابي. أولا تقدر تدرس سفر كامل ونتا كتحاول باش تعرف الموقف لي كان كيدوزو منه الناس لي تكتب ليهم النص.

أما السياق الأدبي بكل بساطة هو النص القرب من النص الكتابي ديالك لي كنتدرس. وكيهتم بطريقة الكاتب فالكتابة أولا الأسلوب دياله التحريري، وكيسول على سبب لي خلاه يرتب السفر بهاد الطريقة. راه الآيات أولا الإصحاحات لي كتسبق النص ولي كتجي من بعده كتعطي واحد الشكل والانسيابية كتعاوننا باش نفهمو المعنى ديال النص.¹

أجيو نشوفو واحد المتال على كيفاش خاص السياق ديال النص يتحكم – وماشي السياق ديالنا حنا – فالمعنى ديال النص.

فكورنثوس الثانية 6: 14، 15 كنقروا:

"حَتَّى حَاجَةٌ مَا خَاصَّ تُرْبِطُكُمْ بِالنَّاسِ الَّتِي مَاشِي مُؤْمِنِينَ، حَيْثُ أَشْنُ مِنْ عَلاَقَةٍ بَيْنَ التَّقْوَى وَالْإِثْمِ؟ وَأَشْنُ مِنْ شُرْكَةِ بَيْنِ النُّورِ وَالضُّلْمِ؟ وَأَشْنُ مِنْ تَفَاقٍ بَيْنَ الْمَسِيحِ وَبَلِيْعَالٍ؟ وَأَشْنُ مِنْ حَاجَةٍ كَتَجْمَعُ بَيْنَ الْمُؤْمِنِ وَالَّتِي مَاشِي مُؤْمِنٌ؟"

¹ راه كيفية تحقيق التوازن بين السياق التاريخي والأدبي والأسئلة التي كاتطرحها على النص كتعتمد جزئياً على السفر الكتابي التي كتوضع منو. مثلاً في أدب الرسائل الكتابية، خاصك تعرف الوضع التاريخي للكتيبة أولا الشخص التي كتكتبت له الرسالة. ولكنك ماشي ضروري تقرأ الإنجيل بنفس الطريقة. إلا كان المقصود من الأنجيل باش توصل لكل العالم، إذن راه الجمهور التاريخي اللؤل التي كتكتبو له هو يكون أقل أهمية من السياق الأدبي لكيفاش الكاتب جمع المادة ديال الإنجيل ديالو. وبالنسبة للجمهور الأصل التي كتكتبو ليهم الأنجيل، شوف كتاب "الأنجيل لكل المؤمنين" ريتشارد بوكهام، (جراند رابينز، ميشيغان: إيردمانز، 1998).

كنتفكر واحد النهار عطيت عظة من هاد النص، وكان المقصود ديالي هو تعاون الناس ديالي باش يفكرو فالقضايا لي كيتعلقو بالزواج أولا بالاختيار ديال الناس لي كيخدمو معاهم.

المشكلة هي أننا إلا تعمقنا شوية وسط السياق التاريخي، غادي نشوفو بلي الكاتب ماكانش كيهضر مباشرة معنا. كان بولس كيحتج على الناس ديال كورنثوس لي بغاو معلمين متكبرين وعندهم شعبية كيديرو الخدمة ديالهم بطريقة كتخليهم يتفاداو الإضطهاد كيفما كان التمن. راه لي كيدرو راسهم حسن من الرسل تَلْفُو الناس بعيد على الإنجيل وبعيد على بولس. بولس بغا يرجعهم! بغاهم باش ينضمّو ليه تحت نور واحد. داكشي علاش، من الناحية التاريخية، خاص يكون القلق ديال بولس من المشكلة ديال أننا نكونو مع معلمين كدايين هو لي غادي يحكم على التفسير ديالنا لهاد النص. ومن الاول هاد النص ماعدنو حتى علاقة بشكون خاصك تزوج أولا مع شكون خاصك تخدم.

السياق الأدبي ماكيدر والو لهاد الآيات من غير أنه كياكدهم. أما فالآيات لي فاتو، بولس كيقول للناس ديال كورنثوس بلي قلبه مازال مفتوح ليهم حتى إلا كانت قلوبهم مشدودة عليه. كنلقاوه كيقول ليهم: "حلو لنا حتى نتوما قلوبكم!" (6: 13)، وكيعرض عليهم حتى باش يكونو معاه تحت نور واحد. من بعد كيرجع ويقول ليهم فالآيات ديال هاد النص الكتابي الجاي: "قبلونا" كييعني "خليو قلوبكم واسعة لنا" (7: 2).

راه المعرفة ديال السياق التاريخي والسياق الأدبي يمكن يبديل كلشي بالنسبة ليك. المفسرين الكتابيين المزيانين كيخليو السياقات بجوج يتحكمو ويقررو المعنى ديال النص. وهاكدا، أول حاجة خاصك ديرها هي تبدا تقرا الآيات والإصحاحات لي كيصبغو النص ولي كتجي من بعده. سول راسك بزاف ديال الاسئلة مختلفة: "علاش كايين هاد النص فهاد البلاصة؟ كيفاش كينساجم هاد النص مع السياق الكبير؟ شنو الموقف لي كان كيواجهوه المستمعين الأصليين أولا القراء اللولين على حسب النوع الأدبي؟"

3. تصنت للنغمة ديال النص

فالبدية ديال هاد الفصل دكرت ربعة ديال الطرق عملية باش تعطي الأولوية للحاجات لي مهمة كتر. ومن بعد ما شفنا الطريقة اللولة (لي هي أننا نعطي للسياق الكتابي الحق فالتحكم)، أجبو نشوفو الطريقة الثانية لي هي أننا نسمعو للنص بانتباه باش نعرفو كيفاش كيتوافق مع الرسالة الكاملة ديال السفر.

أحسن وعاظ عادة هوما أحسن وحدين كيسمعو. حيث هوما كييداو الدراسة ديالهم والودنين ديالهم واجدين باش يسمعو، إلا كان هادا هو الدور ديالنا، فمن الأحسن ليانا أننا نتعلمو نديرو التفسير بودنينا وعقولنا حتا هوما! أي مفسر مزيان كنعرفه، كيدير التفسير وهو كيتصنت مزيان للحاجات لي ماكينش بحالهم لي كيقولهم الله فالسفر لي باغي المفسر يشرحه ويفسره. سنين هادي، لو كاس شرح هاد المبدأ بهاد الطريقة جاية:



النغمة أولا السطر الموسيقي هي سلسلة قصيرة ديال النوطات الموسيقية لي كتكون مقطع متميز من أغنية. تقدر تكون جزء أساسي من واحد للحن أساسي كيتعاود وكيتنوع. الأسفار ديال الكتاب المقدس كيخدمو بنفس الطريقة. كل سفر عندو النغمة دياله لي كيتميز بيها، يعني عنده الجوهر دياله لي كيوري لي كيقرأ الفكرة ديال السفر. وكل مقطع فالسفر كيخدم هاد النغمة بشي طريقة. يمكن ليك تفكر فيه بحال شي خيط منسوج مع طرف ديال النسيج لي هو السفر كله. أولا يمكن ليك تتصوره على شكل قضيب أفقي ديال الحديد بحال لي كنعلقو عليه الوراق، تماك فين معلقين كاع النصوص الكتابية. داكشي علاش، فالوعظ، يمكن

نسولو" شنو هو الجوهر ديال السفر لي كندرسو؟ وكيفاش كيعاوني هاد النص الكتابي باش نفهم جوهر هاد السفر، وكيفاش كيساهم الجوهر (النعمة أولا الرسالة) ديال هاد السفر بالفهامة ديالي لهاد النص الكتابي؟".

هادا هو الخبر لي كيفرح الواعظ: إلا كنا كنعرفو شنو هو موضوع السفر كامل، يمكن لينا نفسرو كل مقطع تفسير حسن. كيفما كاين فائدة خرا مهمة حتى هي. إلا خدمنا النعمة (أولا الجوهر) ديال السفر فالوعظ ديالنا، المستمعين ديالونا غيتعلمو شوية بشوية الموضوع ديال السفر، حتى إلا مابقاوش عاقلين على كل عظة.

إذن كيفاش يمكن لينا نعرفو النعمة ديال السفر؟

خليوني نقولكم كيفاش درت داكشي فالمدرسة الثانوية. فبزاف ديال المرات كانو كيطلبو مني باش نقرا شي كتاب كبير أولا رواية كبيرة. ومن بعد الأستاذ ديالي كيقولي بلي الامتحان مابقالو والو. وأنا كشخص لي ولف يخدم الطرق المختصرة، كتاشفت كيفاش نوصل للفكرة الرئيسة فالكتاب دغيا. أول حاجة، قلبت على شي فقرة فالمقدمة، شفت بلي كاتعطي معلومة على الفكرة الرئيسية أولا الغرض من هاد الكتاب. من بعد قرئت جوج ديال الفصول الأول واللخر. وفاش سالي، رجعت للصفحة ديال المحتويات. ومن داكشي لي قرئت، مشيت كنربط ما بين النقط وانا كنربط ما بين العناوين ديال الفصول.

ببساطة خدمت خطط مختلفة باش نعرف الجوهر ديال الكتاب، بحال القرابة ديال الكتاب من الغلاف للغلاف، والقرابة ديال البداية والنهية من جديد، والبحث على الكلمات، والمفاهيم، والكلام لي مهم وكيتعاود، ولقيت الجملة لي كتعطي فكرة على الغرض من هاد الكتاب.

هاد الأدوات نفسها يمكن ليهم يعاونوك باش تعرف النعمة ديال السفر. كتاشفت الفائدة من أنك تزيد هاد العنصر للعملية ديال تيجاد العظة سنين هادي. كنت باغي نوعظ من رسالة يهودا القصيرة. وصدقت

عاطي بزاف ديال العظاات من هاد الرسالة، وعجاتني كل دقيقة منها. غير هو باش نلقا النعمة ديال السفر كتطلب مني ندير جهد ديال بصح.

من الغلاف للغلاف

مدة طويلة قبل مانبدا نوجد سلسلة ديال عظاات رسالة يهودا، حظيت هاد الرسالة فالخطة ديال قرايبي، درت داكشي فاش قريتها من اللول حتى للخر ديالها، ماكانش صعب نطبق هادشي على رسالة كتكون من خمسة وعشرين أية وصافي! وكنقتارح عليك أنك دير هادشي لأي سفر غادي توعظ منو. فالحقيقة ديما مزيان أنك تقرا السفر كامل فلكسة وحدة. ودغيا غادي ييدا السفر يولي واضح بالنسبة ليك. راه فاش غاتعرف على السفر بالمصطلحات الخاصة دياله وتصنت ليه غاتكون عندو فوائد عظيمة فاش يجي الوقت لي توعظ فيه.

القراءة ديال البداية والنهاية

شي حاجة عادية ييدا المؤلف الموسيقي القطعة الموسيقية ويساليتها، بشي نعمة، واخا تكون هاد النعمة تعاودات فالقطعة الموسيقية. نفس الحاجة كتنتطبق على الاسفار ديال الكتاب المقدس. فاش عرفت بلي غادي نوعظ من الرسالة ديال يهودا كاملة، دوزت الوقت وأنا كنقرا وكنعاود نقرا غير اللول والآخر ديال الرسالة صافي. وبدا كيتعاود واحد الصوت ماشي عادي: "المحفوظين". فالآية اللولة يهودا كيقول بلي هو كيكتب للي "كيحفضهم ليسوع المسيح". وفالآية 24 كيشير لـ "لي قادر باش يحضيكم باش ماطيحوش". فهاد المرحلة من توجاد العظة، حسيت بلي أنا واجد باش نكفر مؤقتا شنو الموضوع لي كيهضر عليه يهودا، والتفكير دياالي هو أننا محضيين بالله المسيح.

الكلمات، والمفاهيم، والكلام لي كيتعاود

فهاد المرحلة من التفسير، كنت واجد باش نختابر الإستنتاجات دياولي اللولين على فكرة النص، باش ندير هادشي خاصني نقاد ودني باش

تكون منسجمة مع داكشي لي فالرسالة. واش الفكرة ديال محضين بالله المسيح كتلعب دور مهم فشكل ديال جسم الرسالة؟ ولقيت بلي بصر كدير هاد الدور. راه الكلمة "محفوظين" براسها، فالآية 1 (والفعل ديالها "يحفضكم" فالآية 24) تعاودات ربعة ديال المرات: جوج مرات فالآية 6، ومرة فالآية 13 (يعني "محفوظ")²، ومرة فالصيغة ديال الأمر فالآية 21. وقد ما كان هاد الاكتشاف عجيب، راه هاد المعاودة ديال هاد الكلمة وقف كيتحدًا النعمة ديالي اللولة! الكتاب كيوصي هادوك المحفوظين ليسوع فاللول ديال الرسالة واللخر ديالها، وفالباق ديال الرسالة كيوصيهم يحفضو نفوسهم فالمحبة ديال الله. فرق كبير كييان ما بين هادشي والملائكة الساقطين والمعلمين الكدبة اللي ماحفضوش نفوسهم وبالنتالي هوما محفوظين للحساب. كن سولني شي واحد على هاد النقطة ديال شنو كان يهودا كيقصد، كن جاوبت بلي المحفوظين من الله ليسوع عليهم مسؤولية باش يحفضو نفسهم فالمحبة ديال الله.

كيفاش نعرف الغرض من الرسالة؟

أخيرا، قريت الرسالة مرة خرا، وانا عندي رجاء باش نسمع الغرض من الرسالة (أغلب الرسائل كيكون عندهم إعلان كيهضر على الغرض من الرسالة)³. وماخدش مني وقت بزاف باش نلقا واحد. وخدا الانتباه ديالي يهودا 3: "آخوتي العزّار، كُنْتُ كُنْتُمَنِّي نَكْتُبْ لِيَكُم عَلَى الْمَوْضُوعِ ذِيَالِ النَّجَا الَّذِي كُنْتُشَارِكُو فِيهِ كُنَّا، وَلَكِنْ ذَابَا بَانَ لِي بَلِي خَاصَّنِي نَكْتُبْ لِيَكُم بَاشْ نُسَجِّعَكُم تَكَفُّحُو عَلَى وَدِّ الْإِيمَانِ الَّذِي عَظَاهُ اللَّهُ فَمَرَّةً لِلْمُؤْمِنِينَ ذِيَالِهِ الْمُقَدَّسِينَ". هاد العبارة سمحاتلي باش نسمع النعمة ديال رسالة يهودا. وكيف ما كانت هاد النعمة، راه كانت محتاجة باش تتضمن واحد الشعور ديال الحاجة الملحة. هاد الأمر ماكانش عندو أهمية قليلة حيث الصحة ديال الكنيسة والقداسة ديالها معرضين للخطر!

² ولكن في العربية الفهل هو "يحفض".

³ أغلبية الرسائل فيها عبارات على الغرض من كجزء من هيكل الرسالة. لوقا 1: 1-4 ويوحنا 20: 30-31 هما أمثلة مفيدة على عبارات الغرض من الكتابة.

راه الرسالة ديال يهودا بعد من أنها تكون قصيدة غنائية لاهوتية ناشفة، وكتهمم باستكشاف الموضوع ديال الحفظ والمحفوظين من جبهة العلاقة ما بين سيادة الله والمسؤولية ديال الإنسان. لا! هاد الرسالة المختصرة والقوية هي نوبة موسيقية عندها نغمات كيحركو الأحاسيس. وكنت محتاج نحدد النغمة والجوهر ديال هاد الرسالة للمرة الثالثة: حطيت المخاطر لي كانو فداك الوقت بعين الاعتبار، كانت الصحة ديال الكنيسة والقداسة ديالها كيتطلبو من هادوك المحفوظين من الله ليسوع باش يجاهدو على ود الإيمان، ويحفضو نفسهم فالمحبة ديال الله.

دابا وصلت للنغمة ديال الرسالة. وتعلمت جوج دروس حتى هما فهاد الجزء من عملية توجاد العظة، ماشي غير أنني غادي نوعظ كل مقطع كتابي بوحده بطريقة حسن، إلا كنت كنعرف كيفاش نربطو بالسفر كامل، ولكن راه حتى الاستراتيجية ديال السمع لي خدمتها فهاد الجزء من عملية التفسير، كتلعب دور مهم فالفهم الكامل ديالي. راه أداة وحدة باش تكتاشف النغمة ماغاديش تكون كافية.

4. شوف البنية والمضمون "محور التركيز"

المفسرين الكتابيين كيديرو خطوة خرا وسط المرحلة ديال التفسير فعملية التوجاد وزيد عليها كيعطيو التحكم للسياق الكتابي، وكيسمعو للنغمة ديال السفر. المفسرين كيحاولو يفهمو البنية الهيكلية ديال النص لي كيوعظو منه. وكيسولو: كيفاش نظم الكاتب هاد النص؟ شنو لي كييقول لينا هاد التنظيم على المضمون لي قصد الكاتب يركز عليه؟


مورتيمر أدلر Mortimer Adler علق فالكتاب دياله بعنوان "كيفاش تقرا الكتاب؟" وقال:

"أي كتاب عندو هيكل ما بين لغلوفة دياله. والمهمة ديالك كواحد كيقرأ وكيحلل هي تلقا هاد الهيكل. كييجي الكتاب ليك باللحم على العضم دياله، وحوايح على داته، يعني الكتاب كييجي لابس حوايجو

كلهم. وبتا خاصك تقرا الكتاب بعينين كيشبهو للأشعة السينية، لاحقاش أنك تفهم البنية ديال أي كتاب شي حاجة ضرورية بزاف باش تفهم الكتاب".⁴

إلا كان أدلر عندو الحق، إذا ماغاتقدرش تفهم الفكرة ديال النص إلى مافهمتيش البنية ديال هيكل الكتاب. بطريقة خرا، تفسير الكتابي المزيان كيتطلب منك أنك تشوف بنفسك العضام ديال النص والنخاع لي وسط منهم.

عظام



وفداكشي لي كيتعلق بالوعظ، يمكن لينا نقولو كتر:

- كل نص عندو بنية
- البنية كتورينا المضمون أولا المحور ديال التركيز.
- خاص العظة ديالي تخضع للبنية ديال النص والمحور ديال تركيزه.

⁴ مور تيمر أدلر وتشارلز فان دورين، كيفاش نقراو شي كتاب: الدليل الكلاسيكي للقراءة الجكية (نيويورك: تانتستون، 1940)، 75.

هاد الجنب من التفسير كيرجع بينا لتعريف الوعظ التفسيري لي تكلمت عليه فالمقدمة. هو وعظ عندو سلطان كيخلي البنية ديال العظة ومحور التركيز ديالها يخضعو للبنية ديال النص ومحور التركيز دياله.

هادي هي المشكلة لي كيواجهها الأغلبية منا. حنا كنوقفو باش نوعظو بلا مانفهمو البنية الهيكلية ديال النص. ونتيجة لهادشي، ماكنعرفوش المعنى ديال النص بوضوح، وفاش كنزلو من المنبر فاش كنساليو العظة، الشعب ماكيكونش فحالة حسن من ديالنا. كيفاش إذا غادي نعرفو البنية ديال النص؟

نستخدمو طرق ديال القرآنية لي ناجحة فأى بلاصة

فاش كتحاول تعرف البنية ديال النص الكتاتي، غادي تحتاج تباد بأساليب ساهلة وكتتنفع كيف ما كان الجزء لي كتقراه من الكتاب المقدس.

أولاً، ستخدم المساعدة ديال الترجمة الحرفية ديال النص إلى كانت متوفرة ليك. وإلا توفرو ليك بزاف ديال الترجمات باللغة ديالك، ختار أكثر وحدة حرفية. بالمقارنة مع الترجمة التفسيرية، الترجمة الحرفية كتفسر معنى كل كلمة بوحدها بطريقة متناسقة كتر، وهادشي كيخلي العضام كيبانو واضحين كتر. بناء على هادشي، ماكينش شي ترجمة وحدة بوحدها يمكن ليها تحقق داكشي كيف ما هو. يقدر يكون مفيد أنك تستاشر بزاف ديال الترجمات. ودابا، ماتفهمش الفكرة ديالي غلط. حنا ماهضرناش على التحضير الشخصي لي كيركز على أننا نعرفو البنية ديال النص. أما بالنسبة للوعظ، يقدر يكون بزاف ديال الأسباب مزيانين باش نستخدمو الترجمة الحرفية.

ثاني حاجة، إلا جاتك من قبل فرصة باش تدرس اللغات الأصلية، استخدمهم. حيت عاوني بزاف أنني ندير ترجمة خاصة بيا للنص. هاد العملية كتقلّ التقدّم ديالي ولكن غير كانشوف داكشي لي كيدير الكاتب، وكيفاش كيربط كل جزء بالوحدة لي كبر منه.

تالت حاجة، قرا النص وعاود قراه كتر من مرة قراية ثقيلة بصوت عالي. وكل ما دوزتي وقت كتر فالقراية ديال النص، غادي تفهمه بشكل حسن وتفهم البنية دياله.

رابع حاجة، وننا كتقراه، قلب على الكلمات، والعبارات، والأفكار لي كيتعاودو. إلا كان الهدف هو تعرف على البنية ومحور التركيز، فراه الكلام لي كيتعاود عادة غايكون دليل أولا ساروت باش تفهم المضمون.

عرف النوع الأدبي ديال السفر لي كادرسو

واخا شي استراتيجيات كينجحو ميزان فكاع الأجزاء ديال الكتاب المقدس، فالحقيقة، ماشي كاع الأنواع الأدبية كيخدمو بنفس الطريقة. مثلا ماكنصحكش تشد جريدة وتقرأها بنفس الأدوات لي كتقرا بيهم قصبدة شعرية. وماكنصحكش تقرا رواية بالطريقة لي كتقرا بيها وصفة ديال الماكلة. زيد علا هادشي ماخصكش تقرا كل سفر من الكتاب المقدس بنفس الطريقة.

الكتاب المقدس فيه أنواع أدبية مختلفة: الأدب الروائي فالعهد القديم، والنبوي، والأخروي، والحكمة، والشعر، والرسائل، والأناجيل، وسفر أعمال الرسل. ومن بين هاد الأنواع الأدبية المختلفة، عندك ثلاثة ديال الأنواع أساسية ديال النصوص: الخطاب، والرواية، والشعر. كقاعدة عامة، مايمكنش تكتاشف البنية ديال مزبور (الشعر) باستراتيجيات ديال القراية نفسها لي كتستخدم فاش كتقرا الإنجيل (لي فالغالب كيكون رواية ولا خطاب). غادي يعاونك أنك تعرف كيفاش تعامل مع أنواع نصوص مختلفة على أنك تعرف شمن أدوات لي مناسبة ليك باش تفهم النصوص وتفسرهم.

الخطاب عامة هو مادة شفوية، وكيتميز بأنه منطقي، وخطي، وكنلقاوه بطريقة باينة فالرسائل. وكنلقاوه حتى فالأسفار التاريخية فالعهد القديم، وفالخطابات الموجودة فالأسفار النبوية والأخروية، وفالخطابات لي فالأناجيل وسفر أعمال الرسل. وباش تتعرف على البنية فالخطاب، غادي

يكون مفيد بالنسبة لنا أننا نكتبو النص على ورقة بلا مانقسموه على فقرات أولاً أرقام الآيات، يعني بلا دوك الأدوات لي زادوهم المحررين (لي كتبو الكتاب المقدس) من بعد باش يطبعو الكتاب المقدس لي بين يدينا. هادشي لي كانسميوه تخراج النص من الكتاب المقدس. والحاجات المهمين لي خاصنا نبحتو عليهم كيتمتلو بالقواعد ديال اللغة. قلب على الكلمات أولاً الكلام لي كيتعاود، والكلمات الرئيسية، والكلمات الإنتقالية، وتسلسل الأفكار، والعلاقات اللغوية، والجمل المستقلة والجمل لي تابعة، وشوف إلا كان النص مكتوب بضمير المتكلم المفرد (أنا) أولاً ضمير الغائب (هو)، وإلا كان فالنص شي أسئلة أولاً جمل خبرية أولاً جمل أمرية (صيغة ديال الأمر)، وحتى الصفات اللغوية لي كيتشابهو. هادشي لي يمكن لنا نسميوه رسم مخطط الجملة. إلا استخدمتي هاد الأدوات بطريقة صحيحة، عادة غاتلقا البنية ديال النص ومحور التركيز دياله.⁵

الأدب الروائي هو قصة، والقصص غالباً كيتبعو واحد البنية لي يمكن تتميز بوضوح. واخا التركيز على القواعد ديال اللغة يمكن يكون مفيد فتفسير الرسالة، راه المشاهد، والحبكة الدرامية، والشخصيات، كيعاونو الواعظ باش يتعرف على البنية ديال الرواية ومحور التركيز ديالها. راه باش تعرف المشاهد المختلفة، متلا بحال فاش كيتبدل المشهد بتبدل ديال البلاصة فنص الرواية، هاديك غالباً كتكون أحسن نقطة باش تبدأ. وإلا استخدمتي للغة ديالك شي مقاطع روائية طوال، داك التغيير فالمشهد غادي يبين واحد المبدأ تنظيمي. خاصك تقلب فالداخل ديال دوك المشاهد (وشي مرات ونتاكدوز على المشاهد) على دوك الحبكات الروائية لي كتكون عادة من خمسة ديال الأجزاء:

- البيئية: عادة كيكون فيها المكان، والزمان، والموسم، والتقديم ديال الشخصيات.
- الصراع/الحبكة: هو الجزء لي كيقدم واحد التوتر درامي وواحد الشعور بلي كينة واحد المشكلة محتاجة حل. ويقدر يكون

⁵ شوف يوجين موتوس، رسم الجمل: مُرشد في الرسوم البيانية (لويسفيل: باتلر بوكس، 2010).

- واضح بزاف (بحال شي تهديد عنيف -أولا يقدر يكون ماباينش بزاف- بحال شي مشكل عاطفي).
- **الذروة:** هي النقطة لي فيها كيتغير الاتجاه أولا كيقوع التحول، فين كينفجر التوتر الدرامي.
- **الحل:** بيه كنتسالا الذروة، وكيبين كيفاش تحل الصراع.
- **البيئة جديدة:** هي الرجوع للحالة الطبيعية الجديدة لي كتبدا منو الحبكة لي جاية من بعد.

فاش كتحاول التعرف على هاد الأجزاء من الحبكة، راه الأسئلة المهمين لي خاصك تطرحهم هما: شنو هو الصراع لي هنا؟ شنو لي كيخلق توتر درامي؟ شنو هي نقطة التحول؟ كيفاش تحل التوتر؟ كنشوف بلي المضمون لي الرواية باغية تأكده كين فشي تشكيلة مابين الذروة، وشي أجزاء من الصراع والحل.

راه أنك تفهم كيفاش المؤلف كيصور الشخصيات ديال الرواية، بطبيعة الحال شي حاجة مهمة. لاحظ شمن شخصيات كيقدمهم المؤلف وفوقاش. ولاحظ كيفاش كيتبدلو. ونتاجه لكيفاش المؤلف كينتقل مابين هاد الشخصيات. إلا عرفتي مزيان الحبكة والشخصيات، غتعرف مزيان البنية ديال الرواية ومحور التركيز ديالها.

الشعر هو النوع التالت من النصوص. كنلقاو الأكثرية ديال الأجزاء الشعرية فالكتاب المقدس فأسفار الحكمة والأسفار النبوية فالعهد القديم. باش تعرف على البنية، خاصك تتأمل فال معاودة ديال الكلمات، أولا المقطع الشعري كله (متلا مزمور 42 و43 مبيين على المقطع لي كيبدا بـ "علاش نتي حزينة يانفسي؟") غاتحتاج حتا باش تفكر فال تغييرات لي كيقوعو فاللغة المجازية والأساليب اللغوية (بحال التحول فضمير المتكلم أولا فوجهات النظر). ولكن من المحتمل باش تكون الآداة لي كتنتفع كتر باش نتعرفو على البنية ومحور التركيز فالأدب الشعري هي أنك تلاحظ كيفاش التوازي كيخدم فالنص، وبالخصوص الإنتقال مابين أنواع التوازي فالنص.

التوازي هو مصطلح تقني كيتستخدم باش يوصف شي صفات ديال الشعر العبري، فين كنعلقاو بلي الأبيات غالبا كيبانو جوج جوج (وشي مرات ثلاثة ثلاثة) مقرونين أولا مرتابطين مع بعضياتهم بطرق خاصة. ويقدر يكون البيت الثاني كيعاود نفس الفكرة العامة لي فالبيت اللول، ويقدر غير يوسعها شويًا. ويقدر البيت الثاني كيناقض البيت اللول أولا كينفيه، أولا كيكون ضده. ويقدر البيت الثاني يكمل الفكرة ديال البيت اللول. هاد العلاقات المختلفة ما بين البيت اللول والثاني كيشيرو لأنواع مختلفة ديال التوازي. وغادي يعاونك أنك تشوف التحول فأنك التعرف على البنية ديال النص ومحور التركيز دياله.

الخطورة ديال يحسابلك بلي سالي تي


المراجعة ديال كاع هاد الاستراتيجيات العامة والاستراتيجيات المرتبطة بالخصائص المزيانة ديال النوع الأدبي كتعتبر بداية مزيانة باش تعرف على البنية ديال النص ومحور التركيز دياله. وأنك تعرف على سياق السفر والرسالة دياله كيتعتبر جزء من التفسير مهم حتى هو. تفكر بلي نتا محتاج:

1. أنك تعطي السياق الكتابي الحق يتحكم فالمعرفة ديال معنى النص، وماشي السياق ديالك نتا.
2. أنك تتصنت بانتباه باش تعرف كيفاش النص كينساجم مع الرسالة ديال السفر كامل.
3. أنك تلاحظ البنية ديال النص ومحور التركيز دياله.

على حسب داكشي لي قلنا، ماكنضنش بلي نتا واجد للوعظ. راه التفسير بوحدو ماكافيش؛ إلا درناه بلا مانتبغو الخطوات لخرين، هادشي غادي يدينا للوعظ العقلاني كتر من اللازم، ولا غادي يدينا للوعظ لي كيتستخدم أسلوب الأمر.

الوعظ العقلاني كيوقع فاش كتخلي القراء الأصليين (اللولين) ديال الرسالة يكونو هوما الحاجة الوحيدة لي كتهتم بيها. وهادشي لي كيوقع فاش

كتأخذ نص لي عندو علاقة قوية مع المستمعين، وكتردو ما عندو حتى شي علاقة، وكادير هادشي فاش كتكتب عظمات كيتقراو بواحد الشكل كيشبه الكتب الأكاديمية ديال التفسير. وكتوقف فالشرح التفسيري، وكتصدق كتنتج خطابات مملة، وعامرین بزاف بالإقتباسات ولاكن بلا حتى شي تأثير.



كنلقا هاد النوع ديال الوعظ خصوصا ما بين الوعظ الصغار لي كيغلطو فاش كيضنو بلي العظة هي - كيفما كيقول صاحبي مايك بولمور - بحال شي صندوق ديال التخزين لكاع دوك الحاجات لي تعلموهم على النص هاد السيمانة. العظة مادايراش هاكداك. ببساطة نتا كتحتاج تجنب توعظ بدوك العظمات لي عامرين بالعقلانية.


الخطر لآخر ديال أننا نفسرو بلا مانتبغو الخطوات هو أننا نوليو وعاظ كيستخدمو غير الصيغة ديال الأمر. والكتاب المقدس عامر بالأوامر والوصايا لي عندهم علاقة، ولكن يمكن ليك حتى تطبق الأوامر لي بلا سياق كتابي ولاهوتي صحيح، بطرق غالطين بزاف. ويمكن الأشكال ديال الممارسة لي خطر كتر، هو ما فاش كنتجاهلو المرحلة ديال التفكير فالجانب

اللاهوتي ديال النص (وهو داكشي لي غادي ندرسوه بالفصل لي جاي). راه
إلا مافكرناش مزيان فسياق رسالة الإنجيل فالكتاب المقدس ككل، حتى
أفضل الأوامر فالتفسير كيتحولو لمواعظ أخلاقية؛ وهادشي كيعزز الثقافة
ديال التمسك بحرفية الناموس فالكنائس ديالنا.

كاع هادشي كييعني بلي التفكير فالجانب اللاهوتي ديال النص كيستحق
نخطوه بعين الاعتبار، وهادشي كيقودنا للخطوة الثانية من الخطوات ديال
تحضير العظة.

التفكير فالجانب اللاهوتي ديال النص

كيفما شفنا فالنهاية ديال الفصل اللي فات، الوعظ التفسيري لي كيوقف غير على التفسير كيولي غير وعظ عقلاني أولا عامر بالوصايا كتر من القياس. وهاكدا كتولي العظة أكاديمية أولا أخلاقية. وراه مازال قدامنا مرحلة مهمة وضرورية اللي هي مرحلة التفكير في الجانب اللاهوتي ديال الفقرة اللي كندرسوها. مايمكنش نكونو واجدين باش نوعضو بالعضة ديالنا إلا مادرناش هاد المرحلة.



شنو هو التفكير اللاهوتي؟ بلا أي تعقيد وبكل سهولة، راه هو طريقة ديال الدراسة متعمقة وفي نفس الوقت هي عبادة، فيها الإنسان كياخذ وقتو باش يتأمل ويفكر في الآيات اللي قدامو، وفيها كيتأمل في العلاقة ديال دوك الآيات بالخطلة ديال الله باش يفدينا. هو بحال شي تدريب كيخلينا نسولو هاد السؤال: "شنو علاقة هاد الفقرة بالكتاب المقدس كامل، وخصوصاً شنو علاقتها بالخدمة ديال الفداء اللي دار الله من خلال المسيح؟"

خاصنا نقرأو الكتاب المقدس بالطريقة ديال يسوع المسيح

من بعد ما تبعت المسيح من الموت، مشّا لعند جوج من التلامد ديالو وبلا مايقول ليهم شكون هو، كانو غاديين على رجلهم لواحد الدّوار صغير سميتو عمواس. وهما كانو غاديين في الطريق، المسيح بدا كيهدر معاهم على شنو كتب موسى وكل الأنبياء في الكتاب المقدس على المسيح (لوقا 24: 25-27). داك النهار في الليل المسيح تلاقا مع كل التلامد ديالو وعلمهم على نفس الحاجة، المسيح فتح عقلهم باش يشوفو ويفهمو بلّي الكلام ديال الله اللّي علن لينا في التوراة ديال موسى، وفي المزامير وكل الأنبياء كان لازم يتحقّق (لوقا 24: 44-45). وقال للرّسل ديالو بلّي هما غيكونو شهود ديالو وغياخدو ديك الرّسالة وغيوعضو وغيبشرو بيها في اللّول في أورشليم ومن بعد لكل العالم. وهاد الرّسالة هي مسجلة لينا في الأناجيل بربعة وفي أعمال الرسل.

كاين واحد المبدأ مهم في هاد الكلام اللّي قالو المسيح. العهد القديم كّو والعهد الجديد كّو كيهدرو على المسيح والأمور اللّي متعلقين بيه. الآية 46 و 47 في لوقا الفصل 24 كيوضحو لينا هاد الأمور: "هادشّي اللّي مکتوب فکتاب الله بلّي المسيح غادي يتعدّب وفالنّهاز التّالت يتبعث من الموت، وبالإسم ديالّه غادي يترحو النّاس بالتوبة ومغفرة الدنوب للشعوب كلهم، وغادي يبدّاو من أورشليم" (قارن بين "العداب" و "العز" في لوقا 24: 26). وباش نتأكدو من هادشي، راه ساهل نشوفو العمق والقوة ديال هاد الجملة القصيرة. راه الحُكم والسطان ديال الملكوت اللّي كاين في كلمة "المسيح" والمعنى الكبير والواسع اللّي كاين في كلمة "الشعوب كلهم" هما أفكار عميقين وغتبيين لدرجة مانقدروش نتخيلوها. وواخّا هكداك، راه هاد الجملة البسيطة كتوضّح لينا القلب والأساس ديال الإنجيل اللّي المسيح علن وعلم بلّي هاد الأساس كاين في الكتاب المقدس كامل. هاد الأساس هو اللّي كيربط الكتاب المقدس وكبخليّه يكون واحد ومتّاحد، وهاد الأساس هو اللّي خاص ينورنا ويورينا كيفاش خاصنا نتعاملو مع الكتاب المقدس وكيفاش خاصنا نقرأوه ونفهمون.

خاصنا نقرأ الكتاب المقدس بالطريقة ديال الرسول بولس

راه مهم باش نعرفو بلّي هاد الطريقة اللّي تتبع المسيح ملى ستعمل الكتاب المقدس كلو باش يوضح الأمور ديالو هي طريقة ماوقفاتش غير عند يسوع. راه بولس دار نفس الحاجة. متلا في أعمال الرسل، كنشوفو شنو دار الرسول بولس: "ذخل بولس لدار الصلاة كيف عادته، ويدا كيتناقش مع ليهود من كتاب الله مدة ثلاثة ذسبوت، كيشرخ وكيتبين ليهم كيفاش كان خاص المسيح يتعذب ويتبعث من الموت، وكال ليهم: «هادا هو المسيح يسوع اللّي كتحزركم عليه»" (أعمال الرسل 17: 2-3). وأعمال الرسل كتقول بلّي بولس دار نفس الحاجة ملى كان في مدينة أتينا (17: 17)، وفي كورنتوس (18: 4)، وفي أفسس (18: 19، 19: 8).

بولس كان عارف وواعي بشو كان كيدير، كانت عندو خطة، ماكانش غير عشوائى، هادشي علاش راه هادشي خاصو يكون متال لينا حتى حنا على شنو خاصنا نديرو ملى نقرأ الكتاب المقدس. أولاً، الطريقة ديال بولس في الوعض بالمسيح من كل الكتاب المقدس تميزت بالتفكير المنطقي، وبالْحجة والبُرهان، والكلام اللّي كيقنع الإنسان. كل هاد المصطلحات هما غنيتين بالفلسة الهيلينية ديال الأخلاق، وكيورينا بلّي المبشر كان كيتبع طريقة مقصودة ومدروسة مزيان. تانياً، الرسول بولس ستعمل هاد الأدوات وهاد الطريقة في بلايص مختلفة: في المجمع ديال ليهود، في السوق، في الزنقة قدام اليهود والأمم. ماكانش كيتسعمل طريقة مختلفة حسب البلاصة أولاً الناس اللّي كانوا كيسمعو له. تالاً، بولس لقا طُرق باش يمشي ويوعض بنفس الإنجيل وبنفس الحق في بلايص خرين فين كان عارف بلّي الناس ماكانوش كيصرفو الكتاب المقدس غاع. كايين طريقة باش نقدر نوعضو للناس اللّي ما عندهومش معرفة بالكتاب المقدس.

كيما كان الإيمان ديال المسيح بالكتاب المقدس كامل، حتى بولس كان كيامن بلّي الكتاب المقدس كلو كيهدر على الموت والقيامة ديال يسوع

المسيح. وفق كل هادشي، راه هاد الثلاثة ديال الجوانب في الخدمة والوعض ديال الرسول بولس كيوضحو لينا بلي التفكير اللاهوتي هو حاجة مهمة وهو خدمة كبيرة وماشي ساهلة.

خاصنا نقراو الكتاب المقدّس بالطريقة ديال شارلز سبورجن

غيكون مزيان بزّاف نقراو الكتاب المقدّس بطريقة شخصية ومُعاصرة، طريقة كتخليّ المسيح ديما يبقا هو المركز وهو التركيز. تشارلز هادون سبرجن كان وعض معمداني معروف وكبير، وكانو الناس كيسمّيوه الأمير ديال المبشّرِين، هاد المبشّر الكبير قال:

"واش ماعرفتيش بلي في كل مدينة، وفي كل دّوار، وفي كل قنت في النكليز كايّنة طريقة كتوصل للندن؟ بنفس الطريقة راه في كل أية وكل فقرة في الكتابة المقدّس كايّن طريق كياخدنا لعند المسيح. خويا أولا حتي، ملي تكون كتقرا الكتاب المقدّس، راه المُهمّة اللي عندك هي أنّه خاصك تسوّل راسك هاد السّؤال: "فين هو الطريق في هاد الآيات اللي كيوصلوني للمسيح؟" ماعمرني لقيت شي بلاصة في الكتاب المقدّس فين ماكيناش طريقة كتوصل للمسيح، وماعمر كملت شي دراسة لشي أية أولا فقرة بلا مانشم الريحة ديال المسيح".¹

تشارلز سبرجن كان عندو التحفيز والدافع الصحيح والكتابي، ديما كان كيسوّل: شنو علاقة هاد الآيات مع الإنجيل؟ واخا أنا ماشي ديما كنتافق مع سبرجن على كيفاش كيوصل للإنجيل في العِضات ديالو من الكتاب المقدّس، ولكن راه السّؤال ديالو والطريقة اللي بيها كيدرس الكتاب المقدّس هي صحيحة ومزيانة. والطريقة اللي بيها كنجابو على هاد السّؤال هي مهمة بزّاف لدرجة مانقدروش نتخيلوها.

¹ تشارلز هادون سبورجون، "المسيح غالي للمؤمنين" (عضنة، القاعة الموسيقية، حدائق رويال ساري، 13 مارس 1859)، <http://www.spurgeon.org/sermons/0242.htm>

راه باش نتعلمو كيفاش نفكرو بطريقة صحيحة في الآيات أولا الفقرة اللي كندرسوها ونلقاوا العلاقة ديالهم مع المسيح والإنجيل، خاصنا نفهمو مزيان ونعرفو على الأقل ثلاث ديال الطُرق باش ندرسو الكتاب المقدس. راه منقدروش نفسرو الكتاب المقدس بلا هاد الثلاثة ديال الطُرق: المنهج التاريخي- النقدي، اللاهوت الكِتابي، واللاهوت النِضامي.

التحدّي في المنهج التاريخي- النقدي

إلا كنتي بحالي كتدرس الكتاب بشكل أكاديمي، كضن غيكون شعل شي ضو حمر في التفكير ديالك ملي سمعتي كلمة لاهوتي في الجملة اللّولى في هاد الفصل. خاصو يشعل، هادشي عادي. في الأساس، راه اللاهوت كيجبد المشكل ديال التاريخ. يعني أننا غالبًا ماكنعطوش الإحترام المُناسب للجانب التفسيري في الدراسة ديالنا، حنا ماكنتعاملوش بشكل جديّ مع التواريخ والبلايص التاريخية التقليدية. عادةً كنتخلّو على هاد الجانب وكتركزو كتر من اللازم غير في الجانب اللاهوتي البسيط، وهاكدا إمّا كنوعضو بإنجيل سطحي حنا اللي كنزيدوه فوق دوك الآيات اللي كنوعضو منهم، أولا غير كنوعضو بالعقيدة عوض نوعضو من الفقرة ديالنا. ماخصناش نديرو هادشي خصوصًا إلى كُنا كنوعضو كل سيمانة. حيث هاد الطريقة كتفرّق الإيمان المسيحي من التاريخ اللي حتّى هو عندو أهمية في الإيمان ديالنا.

إلا وعضنا بطريقة كتتعامل مع الجانب التاريخي ديال الآيات اللي كنوعضو منهم بصيغتو جانب ما عندوش علاقة بينا وهو غير قنطرة ندوزو منها وماشي مهم، فراه غنكونو كنعلمو بلي الكتاب المقدس في الحقيقة ما كيهتموش التاريخ. وهاكدا كيوليّ التاريخ متعارض مع العقيدة اللاهوتية. وهنا غيكون قريب نكُونو جيل من المؤمنين اللي كيأمنو بلي القيامة هي غير فكرة روحية وصافي وماشي شي حقيقة تاريخية. وغيكون ساهل نلقاوا ناس بداو كيأمنو بلي الكتاب المقدس هو كتاب غير ديال الأساطير والقِصص اللي الهدف ديالو هو يعلمنا الأخلاق وماشي الحق.

يعني غيوليّ ممكن نشوفو جيل جديد من المبشرين الإنجيليين اللي ساهل يهرسو الأساس اللي كيتبنا عليه الوعض المسيحي الكِتَابِي غير تحت الرغبة باش يوعضو ويبشّرو بالمسيح من الكتاب المقدّس كامل.

هاد الاهتمام بالتاريخ هو ماشي جديد. جون أوين (John Owen) حضر على هاد الموضوع ملي نشر الطبعة اللّولى ديال الكتاب ديالو اللي سميتو "اللاهوت الكِتَابِي" باللغة اللاتينية عام 1661م. جون أوين كان راعي ولاهوتي في النكليز في القرن سبعتاش. والتلاتة ديال الفصول اللّولين في الكتاب ديالو كيهدرو على فكرة "اللاهوت" على أنهم حاجة كتفرض على التعليم ديال الكتاب المقدّس والتاريخ ديالو. ومازال هاد الخوف كاين حتّى في هاد العصر اللي حنا عايشين فيه. بعض الكليات ديال اللاهوت المعروفين مازال كيرفضو يعرضو على أي "لاهوتي" للكلية على هاد السبب.

جيمس بار (James Barr) أستاذ ديال العهد القديم، كان هو واحد من أكبر النُقَاد اللي واضحين وقويين وكياكدو على الأهمية باش نقراو الكتاب المقدّس كّو بعينين يسوع. جيمس بار كتب الأغلبية ديال الأعمال ديالو في النص الثاني ديال القرن عشرين. هو كان كيرد البال بزّاف مع الوعض اللي ديما الجوهر ديالو هو المسيح حيث هاد النوع ديال الوعض عادةً ماكيخلّيش العهد القديم يهدر مزيان على راسو. وعادةً اللي كيوقع هو أن المبشّر كيدخلّ المسيحية فيه وكيفرضها عليه كتر من اللازم، وهاكدّا المبشّر كيسكّت العهد القديم.

قال جيمس بار: "إلا بالصّح كانت المسيحية مفروضة على العهد القديم، النتيجة غتكون هي أنّنا غنقلّو من القيمة ديال العهد القديم في المسيحية ومن التأثير ديالو عليها. العهد القديم خاصّو يعطي نتائج مسيحية، ولكن ماخاصناش نرجّعوه مسيحي. واش هادشي ممكن يتدار؟"²

² جيمس بار، مفهوم اللاهوت الكتابي: منضور العهد القديم (لندن: مطبعة إس سي إم، 1999)، 253-254.


جيمس بار كيوضح لنا هاد المشكل من خلال هاد السؤال: "واش هادشي ممكن يتدار؟ واش ممكن نوعضو من فقرات في العهد القديم بصيفتها فقرات مسيحية، وبلا مانقصو من المعنى ديالها الأصلي؟" هاد السؤال مهم بزاف.

كنتخيل مع جيمس بار كيفاش أن بعض المبشرين كيبالغو في الطريقة البسيطة اللي كيستعملو باش يتعاملو مع الرؤية ديال الله في حبقوق 3. في هاد الفصل كيبان الله بواحد التور قوي وصاطع ولابس لباس ديال المحارب المنتاصر. وفاش هو نازل للأرض، جاب نجا عظيم للشعب اللي كان مدة طويلة كييعاني من الطغيان ديال الأعداء ديالو على الأرض. من بعد كييجي المفسر المبتدئ، وكيقول بلي هاد الآيات تحققو في يسوع اللي عطا لينا حنا المذنبين النجا العظيم. ولكن كييجي جيمس بار وكيسؤل: "آ هاد المفسر المسيحي، شكون اللي عطاك الحق باش تعلن بلي الوعد ديال الله لشعب إسرائيل بلي غادي ينجيهم من عديانهم هو في الحقيقة كييتين الغلبة ديال كل الناس اللي كانوا تحت السلطان ديال العدو الروحي؟" واش هاد المبشر تجاهل التاريخ غير باش يخلي التعليم ديالو يبان روجي؟ علاش خوا هاد الفصل وهاد الكلام من الجانب التاريخي ديالو؟

هاد المital من حبقوق 3 كيخلىنا نرجعو ونسؤل عوتاني واش المبشرين يقدرو ييرطو الآيات ديال العهد القديم بالمسيح بلا ماينقصو من المعنى التاريخي الأصلي للناس اللي الله كتب ليهم داك الكلام. واش كينة شي طريقة مزبانة وصحيحة باش نقدر ننبعو داك المبدأ والطريقة ديال المسيح في التعليم اللي شفنا في لوقا 24؟ واش كينة شي طريقة مأسسة على مبدأ أن الكتاب المقدس كامل عندو علاقة مع الرسالة ديال الإنجيل وفي نفس الوقت مازال عندو نفس قيمته التاريخية؟ نقدرو نسولو نفس السؤال على العهد الجديد. ساهل نتجاهلو الجانب التاريخي اليهودي ديال الهيكل الثاني، أولا الخلفية اليونانية-الرومانية، وغالبًا ماكنسؤلوش ريو سنا ونقولو: "كيفاش هاد الآيات بالحق كيرتبطو بالإنجيل؟" راه الصعوبة ديال المنهج التاريخي-النقدي هي متعلقة بالسؤال ديال "كيفاش".

نفكرو بشكل لاهوتي في كل فقرة أولاً أية في الكتاب المقدس بلا مانلغيو أولاً
نتجاهلو الجانب التاريخي الأصلي ديالو؟

أولاً، راه هاد السؤال والتفكير اللاهوتي خاصو الصلاة. يعني راه
مانقدروش نديرو هادة الخدمة أولاً "المهمة" ديال التفكير اللاهوتي بلا
صلاة. كايئة علاقة كبيرة بين الإعلان الكتابي على الهوية ديال المسيح
والصلاة الفردية والشخصية.



لوقا وزانا هاد العلاقة بزاف ديال المرات في الإنجيل اللي كتب. ملي
بطرس جاوب على السؤال ديال المسيح ملي سؤل التلامد وقال: "شكون
أنا فنضّر الناس؟"، وبطرس جاوب وقال: "نت هؤ مسيخ الله!"، ويلاه
قبل هاد الحوار، قال لينا لوقا بلي المسيح كان كيصلي بوحدو (لوقا 9: 18-
20). يعني راه لوقا كان بغانا نعرفو بلي بطرس عرف الهوية ديال يسوع
بسباب الصلاة. وقبل المسيح بان بالعز ديالو فوق الجبل بصفتو هو ولد
الله وهو المختار، كان المسيح خدا معاه بطرس ويعقوب ويوحنا باش
يصلبو (لوقا 9: 28-36). وإلا رجعنا للبدية ديال إنجيل لوقا، غنشوفو لوقا

كيقول بلي سمعان وحنّة هما تقيين وكيبعدو الله وكيصليو، ومن بعد ما الله علن ليهم على هوية المسيح (لوقا 2: 27، 37، وتقدر تقارنهم مع 2: 28، 38). وحتى ملي الله علن على الهوية ديال يسوع ملي تعمّد على يد يوحنا، قال لينا لوقا بلي السما تفتحات والله بنفسو هدر وعلن بلي يسوع هو ولدو. ولوقا قال بلي السما تفتحات في نفس اللحضة اللي فيها كان يسوع كيصلي (لوقا 3: 21، 22).

هاد النقطة راها واضحة وبينة في الكلمة ديال الله: الله علن على الهوية ديال يسوع للناس من خلال الصلاة. وهادشي علاش راه إلى بغينا نفهمو ونشوفو كيفاش أن يسوع هو المركز والأساس ديال الكتاب المقدس كامل، راه قبل نبدأ ونوجدو الوعض ديالنا خاصنا في اللؤل نبدأ بالصلاة. غير من بعد الصلاة غنكونو قادرين ندوزو بشكل صحيح لخطوات اللي جايين ديال اللاهوت الكتابي واللاهوت النضامي.

الفايدة ديال اللاهوت الكتابي

اللاهوت الكتابي بصيفتو فرع من فروع المعرفة اللاهوتية كيطلب بنا نرجعو للورشوي باش نقدرو نشوفو الصورة الكبيرة، هادة الصورة الكبيرة هي اللي كتعلن لينا شنو بالحق كيقول الله وشنو كيدر، وباش نشوفو كيفاش أن كل حاجة في الكلمة ديالو عندها علاقة بالنقطة المركزية ديال الإعلان والوحي ديال الله، اللي هو: الموت ديال ولدو والقيامة ديالو. هاد الفرع بصيفتو هو طريقة باش نقراو الكتاب المقدس نقدرو نقولو بلي هو طريقة كتعاونا نتبعو الإعلان المتسلسل للخطة ديال الله باش يفدي البشر من خلال المسيح.

اللاهوت الكتابي هو جزء مهم وضروري في الوعض، حيث هو اللي كيمنع الوعض باش يكون غير تعليم أخلاقي أولا تعليم عقلي. يعني هو كيجدك وكياخدك من أي أية كتابية وكيقربك بشكل صحيح للجوهر ديال الإنجيل المسيحي، كيما كان دار المسيح في لوقا 24، هو ربط كل الكتاب

المقدّس والتعاليم ديال الأنبياء بيه هو. راه اللاهوت الكِتابي هو اللي كيعاوننا باش نخلّيو الأساس في بلاصة الصحيحة.

إدّا كيفاش كيخدم اللاهوت الكِتابي؟ كيفاش نقدر نستعملوه بطريقة صحيحة في الوعظ التفسيري ديالنا؟ كيفاش نقدر نستعملو اللاهوت الكِتابي ملي نكونو كنعابو الوعظ ديالنا؟ كنضن بلي خاصنا في الأساس نلتزمو بتلاتة ديال النصائح:

1. نتعلمو اللاهوت الكِتابي.
2. نتبعو الإرشاد ديال العهد الجديد.
3. نربطو الكتاب كامل بالإنجيل بشكل صحيح

1. نتعلمو اللاهوت الكِتابي

ماتقدرش تستعمل شي حاجة إلا ماكانتش عندك، هادشي علاش أول خطوة خاصك تدير هي تتعلم اللاهوت الكِتابي. وأحسن طريقة باش نتعلمو اللاهوت الكِتابي هي نقراو الكتاب المقدّس كامل وباستمرار. ماكيناش شي حاجة تقدر توجّدك باش تكتاشف العلاقات بين كل كلام الله في الكتاب المقدّس حسن من تكون عندك معرفة عميقة وداخلية بالكتاب المقدّس كّو. خاصك توفّق تقرا الكتاب المقدّس بانتظام من خلال الصلاة الدائمة. وديما ملي تكون كتقرا أولا كتدرس شي كتاب في كلمة الله، قلب على الأساس أولا النعمة اللي كتعاود في داك الكتاب. وكلما ستمترقي وقتك باش تقلّب على الصورة الكبيرة، كلما الفهم ديالك غيزيد يتعمّق ويتقوى.³

³ كابينين مصادر ثانوية للاهوت الكِتابي. كتاسبت مهارة نلقا ونتعلم اللاهوت الكِتابي من جبر هاردوس فوس. هاد الرجل كان كيفهم الكتاب المقدّس بالارتباط بالحقب الزمنية (الحقبة الموسوية، والنبوية، والعهد الجديد). ومن بعد دزت من فوس لكتاب جونتان إدواردز "تاريخ عمل الفداء". هو قسم القصة الكتابية على ثلاثة ديال الفترات تاريخية: من السقوط للتجسد، ومن التجسد للقيامة، ومن القيامة للنهاية ديال العالم. ومن بعد هادشي قرّيت كتاب غريام غولدزورتي "الإنجيل والملكوت". ولقيت بلي هو كيشوف أن "الملكوت" هو الموضوع الرئيسي اللي كيربط الكتاب المقدّس كامل (كنشجعك تقرا هاد الكتاب). وإلا كنتي بغيتي تبدا بشي حاجة بصيطة، قرا كتاب فون روبرتس "صورة الله الكبيرة".

أكيد راك ونت كتطور وكتقوي المعرفة ديالك باللاهوت الكتابي، راه مازال غيكون خاصك تجتاهد باش تلقا العلاقات والراوبط بين الآيات في الكتاب المقدس كل سيمانة ملي تكون كتوجد الوعض ديالك. ولكن ماتنساش بلي خاصك تدير هادشي بطريقة كتحترم التاريخ والجانب الأدبي ديال الكتاب المقدس. ماشي غير خصنا نسولو: "فين كيبان المسيح في هاد الآيات؟" وصافي، راه بحال أن المسيح ديما كنلقاهو مخبوع مورا شي شجرة أولا حجرة في الفقرة اللي كندرسوها. خاصنا نتعلمو كيفاش نبدأو نسولو أسئلة شوية مختلفين، مثلاً، نقدر و نبدأو مع هاد الأسئلة:

- كيفاش رسالة الإنجيل كتأثر على الفهم ديالي لهاد الآيات؟
- كيفاش هاد الآيات كيهضرو على الإنجيل أولا كيتنبأو بيه؟

ولكن راه الأسئلة الصحاح والمزيانين مايمكنش يديرو الخدمة كلها في بلاصتنا. هما غير أدوات في يدنا باش يعاونونا نفهمو مزيان الكتاب والتعليم اللاهوتي ديالو.

2. نتبعو الإرشاد ديال العهد الجديد.

أول اللاهوتيين اللي جمعو بين العهد القديم والعهد الجديد هما الرسل اللي كتبو العهد الجديد ديال الكتاب المقدس. صعيب تقلب أي صفحة في العهد الجديد بلا ماتلقا شي إشارة واضحة لشي أية أولا تعليم من العهد القديم، هادشي بلا ماندكرو التلميحات أولا الإشارات ملي الكاتب ماكيدكرش المصادر. وهادشي راه كيعاون بزاف الناس اللي باغيين يدرسو ويستعملو اللاهوت الكتابي. وهادشي علاش راه العهد الجديد ولي بحال شي منجم ديال الذهب، عامر بالأدوات وبالبادئ اللي كيعاونونا باش نبنو ونقويو اللاهوت الكتابي. ملي كندرسو شي فقرة في الكتاب باش نوعضو منها، وكنلقاهو في ديك الفقرة شي إشارة لشي أية خرا (في العهد الجديد أولا

في العهد القديم)، فراه تمامًا الكتاب ليكون وراثنا فين خاصنا نبدأو الخدمة والتفكير.⁴

سبق لي هدرت في هاد الفصل على كيفاش أن طريقة الرسول بولس في الوعض في أعمال الرسل كتوزينا بلّي خاصنا ضروري نفكرو ميزان وبشكل عميق باش نلقاو العلاقة الصحيحة بين الكتاب المقدس كلو وبين الموت التاريخي والقيامة ديال يسوع المسيح. وكنضن بلّي إلى فكرنا شوي في الوعض ديالو في مدينة أتينا اللّي كاين في أعمال الرسل 17: 22-31، راه غنلقاو بعض الأفكار اللّي غيعاونونا نشوفو كيفاش نقدرو نلقاو العلاقة بين العهد القديم والعهد الجديد. وآنّا الوعض ديال بولس ماكيفسّرش شي فقرة محددة في الكتاب المقدس، راه كيوضّح لينا الشكل ديال الإنجيل في الكتاب المقدس بشكل عام. والشكل ديال الإنجيل بالخصوص كيبان في الطريقة اللّي بيها بولس كيهضر على بعض المفاهيم والعقائد اللاهوتية.

المقدّمة:

• الرسول بولس خدا بعض الأمور الثقافية اللّي كتميّز الناس ديال المدينة وستعملهم بحال باب باش يهدر على الله (الآيات 22 و23)

العرض:

- الرسول بولس بدا من البداية ديالك كل الكون، ملّي الله خلق السما والأرض (الآية 24 أ)
- ويّين كيفاش أن المشكل ديال كل البشر هو العبادة ديال الأصنام (الآية 24 ب، و25)
- وأكّد على الطبيعة الأبدية ديال الله والرغبة ديالو باش تكون عندو علاقة قريبة معنا (الآيات من 26 ل 28)

⁴ كايّنة طريقة مختصرة وأحسن، كنسعلمها تقريبًا كل أسبوع وهي جدول كيحي مع طبعة Nestle-Aland رقم 28. وأخا ماتكونش كنفهم اليونانية، هاد الجدول غادي يعاونك حيث كييعطي قائمات ديال التلميحات والإشارات الضمنية وإقتباسات من الكتاب ديال العهد الجديد من العهد القديم.

• وعلن الرسول بلي الإنسان مُدنب، وهداشي علاش بغانا نتوبو
(الآية 29 و30).

الخاتمة:

• بولس علن أن المسيح اللي تبعت من الموت هو اللي خاصنا
نعطيوه كل السلطان وخاصنا نتبعوه (الآية 31)
• وفي الأخير ديال كلامو هضر على كيفاش أن الله غادي يحكم
على العالم بالعدل (الآية 31)

غير في تمنية ديال الآيات الرسول بولس هدر من التكوين حتى للرؤيا،
ومن الخلق حتى ل يوم الحساب، هدر على كيفاش أن الله هو الخالق،
وهدر على البشرية اللي طاحت في الدنوب، وعلى المسيح اللي تبعت من
الموت، واللي غادي يرجع في آخر الزمان باش يحكم على العالم في واحد
النهار محدد في السما. وهاكدا كنشوفو كيفاش أن هاد الوعض هو مثال لينا
على كيفاش نوعضو ونبشرو بشكل كتاي وصحيح ملي نكونو كنهضرو على
التاريخ العام ديال الكتاب المقدس في وقت قصير. نقدر و نتعلمو بزاف من
الطريقة اللي كان كيستعملها الرسول بولس في الوعض ديالو، ونقدر
نستعملو هاد الطريقة فين ماكتا في الكتاب المقدس.

هاد الجوج طُرق اللولين ديال اللاهوت الكتاي ملي نكونو كنجودو
الوعض ديالنا كيعاونونا باش نحظو واحد الأساس مهم وقوي في الفهم
ديالنا والوعض ديالنا. وخاصك تكون متمكن من اللاهوت الكتاي، يعني
خاصك تكون فاهم كيفاش تربط العهد الجديد والعهد القديم، وكيفاش
العهد القديم تنبأ بالعهد الجديد. ولكن حاجا خرا مهمة، راك غادي تحتاج
لبعض الأدوات باش تكون قادر تربط بين العهد الجديد والعهد القديم حتى
ملي العهد الجديد ماكيوضحش ليك الطريق.

3. نربطو الكتاب كامل بالإنجيل بشكل صحيح

إلا كانوا الحُجَج الّتي عطيت قبل صحاح، إداً راه الصعوبة غتكون في أنّنا نحددو الروابط والعلاقات بين الفقرة أولاً الأيات الّتي بغينا نوعضو منهم وبين الرسالة ديال الإنجيل. دابا بغيت نشارك معاك ربعة ديال الأنواع ديال الروابط أولاً العلاقات الّتي كنضن غيعاونوك في التفكير اللاهوتي الكِتابي:

- التحقيق ديال النبوءات
- الإِتجاه ديال التاريخ (المسار التاريخي)
- المواضيع الرئيسيّة
- التشبيّهات

مانقدروش نكرو بّلي هاد الأنواع ديال العلاقات والإرتباطات هما قراب لبعضياتهم ومتداخلين بشكل كبير، ماشي ديما كائنين حدود واضحين باش نميزو بيناتهم. التحقيق ديال النبوءة يقدر يكون من خلال موضوع رئيسي أولاً من خلال شي تشبيه رمزي. والتشبيه الرمزي حتّى هو يقدر يبان في الفكرة الرئيسيّة. والفكرة الرئيسيّة ممكن يكون فيها مسار تاريخي. أهم حاجة ماشي هي باش نعطيو تعريف لدوك المفاهيم والعقائد اللاهوتية وتضمّموهم، أهم حاجة هي نلقاو العلاقة الشرعية والصحيحة بين الفقرة الّتي كنوعضو منها وبين الرسالة ديال الإنجيل، هادشي علاش راه هاد المفاهيم والعقائد هما غير نقطة باش نبدأو، ماشي هما الهدف.

قلّب على التحقيق ديال النبوءة

كنضن بّلي أقوى العلاقات والروابط هما الّتي واضحين وباينين. بلا شك راك عارف بّلي في واحد المرحلة في العهد القديم، الله قطع وعد مع الناس بّلي غيصيفط المسياّ الّلي المعنى ديالو هو المسيح، وفي العهد الجديد، الرُّسل ستعملو هاد النبوءات باش يبشرونا بّلي راهم تحقّقو في الهوية ديال يسوع وفي الأعمال الّلي دار.

أسهل مثال على التحقيق ديال النبوءات ديال العهد القديم هو مَلِي الرسول مَتَّى كيستعمل كلمة "كامل" أولا "باش يكمل". في إنجيل مَتَّى كشوفو في عشرة ديال البلايص تقريبًا أَنَّهُ كِيوقَف القصة باش يعلن لينا أَن يسوع كَمَل شي نبوءة من العهد القديم. من نهار الله خَرَج الشعب من العبودية في مصر حتَّى لنهار جا المسيح وبدا كيعلّم بالأمتال (مَتَّى 2: 14-15، 13: 35)، جزء كبير من حياة يسوع كَمَل بَرَأف ديال النبوءات بشكل مُباشِر. في الحقيقة راه يسوع براسو وَضَح لينا هاد الحق قبل مايكَمَل الخدمة الّلي جا على ودها لهاد الأرض.

"وَاش كَتَضَنُّ بَلِّي أَنَا مَا قَادَرَشْ نُعِيْظُ دَابَا عَلَيَّ بَا وَعَعِيْصِيْفُ
لِي كَتَرُ مِنْ طَنَاشُرْ فَرْقَة ذُ الْعَسْكَرْ دِيَالِ الْمَلَائِكَة؟ وَلَكِنْ
كِيْفَاشْ غِيْتَحَقَّقُ الْكَلَامُ الّلي فُكْتَابَ اللهُ وَالّلي كِيَكُونُ بَلِّي
هَادِشِي هَكَأ حَاصُهْ يَكُونُ؟». وَفِيْدِيْكَ السَّاعَة كَالْ يَسُوْعُ
لِلْجَمَاعَاتِ: «مَا لَكُمْ جَائِسِينَ بِالسُّيُوفِ وَالرُّزَاوِطِ بَاشْ تُشَدُّوْني
بِحَالِ شَيْيْ سَفَارْ، يَا كُ كُنْتُ كَلَّ نَهَارْ كِنْتَكْسُ مَعَاكُمْ وَكِنْعَلْمُ
فِيْبِيْتِ اللهُ وَمَا شُدِّيْتُونِيْشْ! وَلَكِنْ هَادِشِي كَلُّهْ جَرَا بَاشْ يَتَحَقَّقُ
دَاكْشِي الّلي جَا فُكْتَبُ الْأَنْبِيَا». وَفِيْدِيْكَ السَّاعَة سَمُّوْ فِيْهْ
التَّلَامُذْ كُلُّهُمْ وَهَرَبُوْ». (مَتَّى 26: 53-56)

الإستراتيجية والطريقة ديال مَتَّى مَلِي كيعطينا الرسوم والخطوط الواضحة ديال تحقيق النبوءات ديال العهد القديم في يسوع، هي إستراتيجية بسيطة وساهلة. حتَّى البشارة ديال يوحنا ولوقا كيستعملو نفس الطريقة. وهاد الأسلوب ولى جزء من التعليم والتبشير ديال الكنيسة اللّولى. متلاً، كتنلقاو واحد الدفاع مهم بَرَأف في الوعظ ديال الرسول بطرس في أعمال الرسل 3: "وَلَكِنْ اللهُ هَكَأ كَمَلْ دَاكْشِي الّلي خَبَرُ بِيْهْ عَلَيَّ لِسَانِ الْأَنْبِيَا دِيَالِهْ كُلُّهُمْ، بَلِّي الْمَسِيْحُ حَاصُهْ يَتَعَدَّبُ" (أعمال الرسل 3: 18، وقارنها مع 13: 27). حتَّى يعقوب عتامد على هاد الطريقة مَلِي هدر على كيفاش أَن اللهُ حسب براهيم متآقي غير بالإيمان ديالو (يعقوب 2: 23).

وأكد راه هاد الطريقة كتخدم حتى إلى ستعلمناها بطريقة عكسية، يعني نقدر ونبداو بالعهد القديم باش نشوفو كيفاش أن الوعود ديال الله تحقّقو في المسيح يسوع بشكل واضح في العهد الجديد. متلاً موسى علن لشعب بني إسرائيل بلّي الله غادي يصيفط نبي آخر بحالو غادي يبشّرهم بالكلام ديال الله، ومن بعد كنشوفو بلّي الرسول بطرس قال بلّي يسوع المسيح هو الّي كمل هاد الوعد (التتنية 18: 15-22، أعمال الرسل 3: 22-26).

قلّب على الإتجاه ديال التاريخ

الطريقة الثانية باش نلقاو القنطرة الّي كتربط بين العهد القديم والعهد الجديد هي أننا نقلبو على الأحداث التاريخية الّي غادية في نفس الإتجاه. كيما درنا مع طريقة التحقيق ديال النبوءات، راه باش نلقاو الإتجاه الوحيد ديال التاريخ الكتّابي خاصنا نرجعو لفكرة أن الله كيعلن لنا على داتو بطريقة متدرجة وتابطة، وهادشي علاش كنقولو بلّي التاريخ ديال الفداء هو غادي في واحد الإتجاه ثابت وكيوصل للقمة ديالو عند الصليب ديال المسيح. ولكن راه مع هاد الإستراتيجية خاصنا نردو البال مع القصص والأحداث الفردية أولاً مع القصة ديال التاريخ ديال الفداء، ومن بعد نحاولو نلقاو النقطة الرئيسية ديال التحوّل أولاً النقطة الّي فيهم كتتغير شي حاجة في التاريخ أولاً كيبان الطريق والإتجاه ديالو.⁵ متلاً، نقدرو نلخصو التاريخ ديال الفداء في هاد المراحل التاريخية: الخلق، السقوط في الدنوب، الفداء، والخلقة الجديد. الفقرة أولاً الآية الّي كندرسو تقدر تشير لمرحلة وحدة من هاد المراحل التاريخية بطريقة كتخلينا قادرين نشوفو بلاصة ديك الفقرة في التاريخ العام ديال الفداء. إلا قدرنا نلقاو بلاصة الفقرة الكتّابية في التاريخ العام ديال الفداء راه كيسهال علينا نربطوها بالرسالة ديال الإنجيل.

⁵ سيدني غريدانوس، الوعض بالمسيح من العهد القديم: أسلوب تأويل تفسيري (جراند رابيدز، ميشيغان: إيردمانز، 1999)، 234-240.

هاد الطريقة هي شوية ساهلة. متلاً باش ترسم واحد القوس في الكمبيوتر، خاضك تبدا بلاتة ديال النقط على الأقل. هي مسألة هندسية. بنفس الطريقة، راه باش نرسمو واحد المسار أولاً الإتجاه ديال التاريخ في الكتاب المقدس وباش نقدرو نشوفو علاقة هاد الخط التاريخي بالإنجيل، كنضن بلّي خاصنا تلاتة ديال النقط رئيسية. اللّي ساهل هو أنّي ناخذ الفقرة دياالي من الكتاب ونرسم نقطة تاريخية عندها علاقة بالموضوع ديالنا اللّي غتكون جات قبل ديك الفقرة ونقطة جات من بعدها في الخط التاريخي ديال الفداء. هاكدا غيكونو تلاتة ديال النقط تاريخية كيحدّدو ليا الإتجاه أولاً الخط التاريخي بشكل واضح وهاكدا كنكون قادر نشوف علاقة الفقرة اللّي كندرسها مع الرسالة ديال الإنجيل.

متلاً، الكلام في الجامعة 12: 1-8 كيركز على الخالق، ونفس الحاجة كنشوفوها في رومية الفصل 1. هاد جوج فصول كيهدرو على نفس النقطة في التاريخ ديال الفداء ومن هاد النقطة كبدا المسار والخط ديال التاريخ ديال الفداء. وتقدر ترجع للقصة الأصلية ديال الخلق اللّي كينة في تكوين الفصل 1 و2، أولاً تقدر تزيد للنقطة اللّي كتجي من بعدها وعندها علاقة معاها اللّي هي موضوع الخليقة الجديدة في كورنتوس الثانية 5: 17، هادو هما جوج أوقات أولاً جوج نقط في التاريخ ديال الفداء اللّي يقدر يربطونا وياخدنا للقلب والقمة ديال الفداء براسو. هاد الطريقة هي مفيدة بزّاف خصوصاً ملّي يكون الموضوع ديال الفقرة الكتابية اللّي كندرسوها كيهدر على موضوع آخر الزمان، حيث راه الخليقة الجديدة بنفسها داخل فيها الرجوع الثاني والأخير ديال المسيح.

قلّب على المواضيع الرئيسية

الطريقة لخراباش نربطو الكتاب المقدس كامل بالرسالة ديال الإنجيل هي نلقاو المواضيع الرئيسية اللاهوتية ديال الكتاب المقدس. الله كيعلن لينا على داتو بشكل تدريجي من خلال مواضيع محددة ومضبوطة، أولاً من خلال بعض الأفكار الرئيسية اللّي كنلقاهاهم في الكتاب المقدس كامل. اللاهوتيين قدرو يحدّدو تقريباً عشرين موضوع، ولكن بعض المواضيع

الرئيسية والكبيرة هما، موضوع المملكة ديال الله، موضوع العهد، الهيكل\الكاهن\الدبيحة، الخروج\السبي\الراحة.

الفهم ديال هاد المواضيع الرئيسية هي حاجة مهمة بزّاف. مثلاً، واخّا منشوفوش بلّي الخروج ديال شعب بني إسرائيل من العبودية في مصر هو حدت تاريخي مكتوب في سفر الخروج، فراه هو كي عطينا واحد الفكرة اللي كتعاود في الكتاب المقدّس كامل: اللي هي أن الله كينجّي الشعب ديالو من العبودية من خلال الصعوبات، وديما كي جييبهم ليه باش يعطيهم البركة. ملّي الأنبيا كيبداو يهدرو على السبي وكيوصفو كيفاش غيكون الرجوع متو، عادة كيوصفوه على أنّه "الخروج الجديد". إذا كنشوفو بلّي الموضوع ديال الخروج كيتحقّق بشكل كامل ونهائي في الموت والقيامة ديال المسيح (قارن لوقا 9: 30-31).

مازال كنعقل واحد النهار كنت كتدرس لوقا 22: 14-30. وكان الموضوع ديال المملكة ديال الله واضح بزّاف. وفي بلاصة أخرى، بانّت ليّا هاد الكلمة ربعة ديال المرات، وهادا هو الموضوع الرئيسي في كل الفصول اللي كيجيو من بعد في إنجيل لوقا. ولكن ملّي زدت كنقرا، جذب الإنتباه دياي واحد الموضوع آخر اللي هو موضوع العهد. قرا هاد الآية في لوقا 22: 20: "وَأَخَذَ الْكَاسَ حَتَّى هُوَ مِنْ بَعْدِ الْعِشَاءِ، وَكَلَّمَ لِيَهُمْ: هَذَا الْكَاسُ هُوَ الْعَهْدُ الْجَدِيدُ بِالدَّمِ دِيَالِي اللَّي كَيْسِيلْ عَلَى قُبُلِكُمْ".

الكلمة ديال "عهد" كتبان غير جوج ديال المرات في لوقا، هنا، وحتى في الفصل 1 الآية 72. تمّا بديت كندرس الموضوع ديال العهود في الكتاب المقدّس. وشفت بلّي من نوح حتى لبراهيم ومن بعد حتى داود، الموضوع ديال العهد هو موضوع رئيسي ومهم وعميق. ولكن هاد الكلام في لوقا على العهد هو خاص كتر من لخرين. ماكانش غير شي عهد آخر وصافي، ولكن كان "عهد جديد" كيما سمّاه المسيح بنفسو. وهاد العهد الجديد هو مرتابط بالعشا الأخير في كورنتوس اللولى 11: 25، ولكن في الحقيقة هاد الجملة ديال "عهد جديد" رجعاتني لأول مرّة تستعملات فيها، اللي هي في إرميا 31: 31-34.

"كيقول الرب بلي غيجي واحد النهار فين غادي نقطع مع بني إسرائيل وبني يهودا واحد العهد جديد. ماشي بحال العهد اللي قطعتمو مع جدوهم نهار شدّيتهم من يديهم وخرّجتهم من أرض مصر نهار هرّسو العهد ديالي ورفضتكم كيقول الرب. ولكن هادا هو العهد اللي غنقطعو مع بني إسرائيل في داك النهار كيقول الرب: غندير الشريعة ديالي في الداخل ديالهم وغادي نكتبها في قلوبهم غنكون ليهم إله وهما غيكونو شعب ديالي. وماغيبقاش كل واحد يعلم صاحبو عليّا أولا يعلم خوه ويقول: "خاصك تعرف الرب" حيث كلهم غيعفروني من الصغير حتى الكبير كيقول الرب. حيث راني غادي نغفر دنوبهم وماغنبقاش نهدر على الخطايا ديالهم"

عاوني بزاف حيث فهمت كيفاش أنّ العهد الجديد هو مرتبط بإرميا 31، حيث هاد الفهم خلاني نشوف ثلاث ديال الروابط خرين اللي عاونوني ميزان في الوعض ديالي. الرابط اللول عندو علاقة مع كيفاش لوقا كياكّد على الأخلاقيات ديال مملكة الله. في إرميا 31: 34، الله هدر على الناس اللي كيقطع معاها العهد الجديد ديالو وقال من "لكبير" لـ "الصغير". وفي لوقا، المسيح هضر على هاد الموضوع الأساسي كتر من مرّة (لوقا 7: 28، و9: 48)، وحتى الكتاب كيستعمل كلمة "لخرين" و "اللولين" أولا كيهدر على التواضع في المملكة كميّار أخلاقي في لوقا 13: 30، 14: 11، و17: 10-7. في نفس الفقرة اللي كنت كندرسها في لوقا 22، المسيح ربط الفوائد ديال العهد الجديد بالأخلاق ديال خدمة التلمذة، هو عتابر أنّ الخادِم هو الصغير والأخبر وماشي الأعضم واللّول في كلشي (الآيات 24-27).

الرابط الثاني اللي عاوني في الوعض ديالي عندو علاقة بالمشاركة. الله هنا ماكانش غير كيقطع عهد وصافي، ولكن كياسس المملكة ديالو من خلال العهد. راه كلمة "عهد" وخصوصًا الفعل "قطع" في إرميا 31: 34-31 عندهم علاقة مع كلمة "غادي نُعطِيكُمْ" اللي كاينة في لوقا 22: 29: "ننّم صبرنو معاي فالْمُحَنَة ديالي، وَأَنَا غَادِي نُعطِيكُمْ مَمْلَكَة كَمَا عَطَانِي بَا مَمْلَكَة،

بَاشْ تَأْكُلُو وَتَشْرَبُو عَلَى الْمِيدَةِ دِيَالِي فَمَمْلَكْتِي، وَتَكَلِّسُو عَلَى الْكِرَاسِي دِيَالِ
الْعَرْشِ بَاشْ تُحَكِّمُو قُبَائِلِ إِسْرَائِيلِ الطُّنَّاشِ" (لوقا 22: 28-30)

الرابط الثالث. كيما التلامد ديال المسيح حتّى حنا ماخصناش نكونو
الأعظم (لوقا 25: 17-29). راه المسيح واعدنا بلّي غادي يعطينا واحد
الجزء من الحكم ديالو ملي يجي في المملك ديالو (لوقا 22: 30). عجيب
كيفاش أن النبوءة في إرميا 31 كتركز على إسرائيل الموحدة، اللّي من خلالها
كل الأسباب ديال بني إسرائيل كياخدو نفس المعاملة بصيقتهم أمة وحدة
اللّي تعطا ليها السلطان باش تحكم على كل الأمم (قرا خصوصًا إرميا 25:
17-29).

راه بسباب هاد الربط والعلاقة بين لوقا 22 وإرميا 31 على أساس
الموضوع الرئيسي ديال العهد، قدرت نوعض بشكل أحسن من لوقا 22:
14-30). الوعض ماكانش غير بحال شي درس على العهد اللّي دارو الله باش
ينجينا، ولكن كنت قادر نعطي وعض كيهدر على العهد اللّي أنا مشارك فيه
وكنعيشو.

قلّب على التشبيهاات

أكبر استراتيجية كيستعملوها الوُعَاض ولكن كيستعملوها بشكل غالط
هي الإستراتيجية ديال التشبيهاات. كنضن بلّي هاد الجزء من اللاهوت
الكِتَابِي من واحد الناحية كيخوّف شوية، حيث كيخصنا نميزو بين التشبيه،
وبين التتميل الرمزي، وبين المجاز والإستعارة وبين مجموعة كبيرة من
المُصطلحات التقنية ديال اللغة. أكيد ديما حسن لينا باش نحاولو نبعدو
من المُصطلحات التقنية، حيث هاد المعنى والتعريف ديال هاد
المُصطلحات كيختلف من شخص لشخص.

وزيد على هادشي راه الإنسان بشكل عام كيميّل باش يبالغ في الأمور،
غير كنعرفو وكنفهمو شي مُصطلح أولا شي رمز، أي حاجة كنعشوفوها أولا
كنتعلموها كنعحاولو ندخلوها في الصندوق ديال داك المصطلح أولا ديك

الوجهة ديال النضر، وهاكدا الوعض ديالنا كامل كيتحط في صندوق مضيق ديال واحد الفكرة خارجية من الكتاب.

التشبيه هو كيقارن بين جوج حاجات من جبهة الأمور اللي كيتشابهو فيها وحتى الأمور اللي كيخالفو فيها دوك الجوج ديال الحاجات. القصة المزيانة من البداية حتى اللخر هي القصة اللي كتكون كتحدّد الشخصيات وكتوصفهم مزيان وكتحدّد الأحداث وكتوضّحهم حيث هاد الوصف هو اللي كيغطي القيمة للقصة. وهادشي اللي كيخلينا نبغيو نقرأو شي كتاب ونعاودو نقرأوه أولا نتفرجو في شي فيلم كتر من مرة. التفاصيل الأولية اللي ماكيكشف عليها الكاتب ديال الكتاب أولا المخرج ديال الفيلم كتولي مهمة غير من بعد الكاتب أولا المخرج كيكشف ليها على القصد ديالو اللي كيخبّعو علينا في اللؤلؤ. كيما كنقرأو في الكتاب المقدّس في الأمثال 25: 2: المجد ديال الله هو يخبع شي أمور، والمجد ديال الملوك هو يكتافشو كلشي". راه الله بالحكمة ديالو اللي ما عندها حدود عطا لبعض الناس ولبعض الأمور والأحداث في التاريخ ديال إسرائيل معنى تشبيهي كيتحقّق في المسيح. راه الفهم ديال هاد التشابه والإنسجام هو ضروري باش نوصلو لتفسير صحيح.

هاد التشابهات وهاد الروابط يقدر و يكونو عندهم تشبيه عام ويقدر يكون عندهم تشبيه محدد وخاص. أمّا ملي شي شخصية في الكتاب المقدّس أولا شي حدث أولا شي مؤسسة في التاريخ الكتّابي كيخلقو تّوقع لشي جانب من جوانب الشخصية ديال يسوع المسيح، فراه كنسمّيو هادشي تمثيل رمزي. التمثيل الرمزي عندو أهمية نبوية متدرّجة.⁶

متلاً، إلا كان الملك داود تمثيل ورمز للمسيح. إذن راه داود (اللي هو الرمز) متطابق ومرتابط بالمسيح يسوع (اللي هو المرموز ليه) في الملك

⁶ جي. كا. بيل، مرشد استعمال العهد الجديد للعهد القديم: الشرح والتفسير (جراند رابيدز، ميشيغان: بيكر أكاديميك، 2012)، 14.

ديالو، وهنا المُلْك كيطلع في الأهمية، حيث كنشوفو بلي يسوع كيشبه لداود، ولكن في نفس الوقت هو أعظم من داود.

خلينا نشوفو كتر في مِثال آخر. في الكنيسة ديالي في منطقة هايد بارك في شيكاغو، قريب من جامعة شيكاغو، كنفدّمو عِضات على طول العام المدرسي. وحيث في الصيف بزّاف ديال الناس كياخدو عطلة، عادةً كنخصصو الصيف باش نوعضو من شي سلسلة خاصة. هادي شي سنين قبل كئنا قَررنا في واحد الصيف نوعضو من صموئيل اللؤل والتاني. وكنت متبارك باش تعطاتي الفرصة باش نوعض من الفصل 28 من صموئيل اللؤل، في داك الوقت كان كيبان كنت كنفكر بلي هاد الفصل هو واحد من الفصول الكِتَابية اللي صعبا وفاسحين كتر من أي فصول خرين.

في اللّخر ديال الفصل، الفكرة ديال التشبيه بانت ليا بشكل واضح.

"وطاح شاول بكل جسده على الأرض وخاف بزّاف من كلام صموئيل، ومابقات عندو قوة، حيث ماكلا حتى حاجة النهار كلّو واللّيل كلّو. ومن بعد جات المرا لعند شاول وشافت بلي كان مخلوع بزّاف، قالت ليه: هاهي الخدّامة ديالك سمعت لصوتك، وحطّيت روجي في يديّ قدامي وسمعت لكلامك اللي قلتي ليا. ودابا حتى نت سمع لصوت الخدّامة ديالك وخليني نخط شدك ديال الخبز قدامك وكول، باش تاخذ قوة باش تمشي في الطريق. مابغاش وقال: ماغناكلش. ولحّو عليه الجوج عبيد ديالو والمرا حتى هي، وسمع ليهم وناض من الأرض وگس على الناموسية. والمرا كان عندها عجل سمين في دارها، مشات دغية ودبحاتو وخذات الدقيق وعجنات خبز فطير بلا خميرة، وحطّاتو قدام شاول وقدام الجوج عبيد ديالو وكلاو. وناضو ومشاو في ديك الليلة" (صموئيل اللؤل 28: 20-25)

الحياة ديال شاول كانت قريبات للنهاية ديالها. ويالّاه كان طلب من الشوّافة باش تفتح ليه الباب قدام الروح ديال صموئيل باش يقدر صموئيل

يعلن الحُكم ديال الله على شاول كيما كان دار في الفصل 15. وهاكدا شاول قَطَع الخبز وكلا مع جوج عبيدو ومع الشوافة. ماكانش بغا في اللؤل، ولكن في اللخر سمع للكلام ديال المرا حيث كان بغا يسمع كلام الله. وتمّا حتافلو وكلاو وليمة بالخبز لفظير بلا خميرة والعجل السمين. والغد ليه، شاول طاح على السيف ديالو ومات.

التشابه هنا هو باين وعجيب. من واحد الناحية كنشوفو وليمة أولا عشا عكس العشا ديال الفصح. هنا شاول والعبيد ديالو شافو وسمعو الحُكم ديال الله بالموت ديال شاول اللّي مايمكنش يتجنبوه. وفي نفس الوقت، كنشوفو فرق عجيب بين هاد العشا والعشا الأخير ديال المسيح مع تلامدو. شاول گلّس على الطابلة باش يتعشّى مع جوج من العبيد ديالو قبل مايموت، والمسيح بنفس الطريقة گلّس وتعشّا مع تلامدو قبل ما تّصلب. بجوج قطعوا الخبز وكلاو مع بعض. وهنا الفكرة ديال التشابه ولّات واضحة. شاول هو مثال على المسيح، أولا في الحقيقة هو مثال عكسي للمسيح، يعني مثال على ضد المسيح. هاد الليلة الأخيرة ديال شاول عطاتنا توقع ورمز على الليلة اللّي فيها المسيح قَطَع الخبز وعطا لتلامدو ياكلو، الليلة اللّي سبقات النهار اللّي فيه المسيح تقتل كفدية وتضحية "لبرّاف ديال الناس". بعض الناس كيقولو بلّي كاين واحد الرابط رمزي بين شاول والمسيح. وناس خرين ماكيثافقوش مع هاد الفكرة وكيقولو بلّي كاين موضوع أساسي خاص هنا أولا هادا رمز للفصح. كيفما حدّدا هاد التشابهات اللّي كاينين هنا راه كيما درنا كنشوفو بلّي كاين واحد الرابط كيخلي الفهم ديالنا لصموئيل اللؤل 28 يتعمّق وكنفهو كتر كيفاش هادشي بان في الدبيحة اللّي قدّمها المسيح.

مع هاد الأدوات في يدينا، كنتمنا باش تقدر تشوف التأثير والقوة ديال اللاهوت الكتابي في الوعظ بالمسيح في كل الكتاب المقدّس. ماتنساش بلّي كاينين ثلاثة ديال الحوايج مهمّين خاصك تديرهم باش تستعمل اللاهوت الكتابي بشكل صحيح ومفيد. أولاً، تعلّم تمارس التفكير والتأمّل اللاهوتي باش تقدر تستعملو كأساس. تانيًا، إلا ممكن ديما خلي العهد الجديد يكون هو اللّي كيرشدك ملّي تكون كتفسّر الآيات والفصول ديال العهد القديم.

وتالّئاً، ستعمل هاد الأدوات باش تكتشف العلاقات والروابط ديال أي أية
أولا فصل في الكتاب المقدّس بالرسالة العامة ديال الإنجيل.

الدور ديال اللاهوت النضامي

اللاهوت الكتابي كيتعتبر هو نقطة بداية مزيانة للتفكير اللاهوتي. وإلا
طوّرتي المهارات ديك ديال اللاهوت الكتابي في الوعض مع الوقت
والتدريب، راك غتكون قطعتي مسافة كبير في هاد المرحلة في الخدمة
ديالك باش توجّد الوعض ديك. وفي نفس الوقت، راه كاين جزء آخر في
التفكير اللاهوتي حتّى هو كيلعب دّور مهم بزّاف في هاد العملية، وهو
اللاهوت النضامي.

إلا عاونك اللاهوت الكتابي باش تفهم الإعلان ديال خطّة الله
المتدرجة باش يفدي بالمسيح، فراه اللاهوت النضامي غيعاونك باش تاخذ
كل حاجة كيلعلمها الكتاب المقدّس وتنضمّهما على شكل عقائد ديال
الإيمان. هاد اللاهوت النضامي كينضمّ الكتاب المقدّس على حسب
المنطق والتسلسل، وماشي على أساس التاريخ (كيما هو الحال مع
اللاهوت الكتابي). دونالد أرتز كارسون (D. A. Carson) كيعرّف اللاهوت
النضامي على أساس أنّه "فرع من فروع علم اللاهوت اللّي كيحاول يدرس
الكتاب المقدّس كامل وكيحاول يدرس كل جزء متّو بوحده بشكل عميق،
وكيبينّ الروابط المنطقية بين كل هاد الأجزاء (وماشي غير التاريخية)".⁷

وفي نفس الوقت، كنضن بلّي خاصنا نردو البال مع واحد الحاجة، وإحّا
أنا كندافع على الدور النضامي في الوعض، راه كاين فرق بينو وبين الأنظمة
ديال التعليم. سيميون (Simeon) هدر على هاد الفكرة وقال: "الله
ماعلنش على الحق ديالو على شكل شي نضام، راه الكتاب المقدّس براسو
ماعدوش شي نضام محدّد، هادشي علاش خاصنا نخطو على جنب أي
نضام إنساني ونمشي لعند الكتاب المقدّس، خاصك تقبل كلامو بخضوع

⁷ د. أ. كارسون، "الوحدة والتنوع في العهد الجديد: إمكانية اللاهوت النظامي"، في الكتاب وفي الحق، تحرير
د. أ. كارسون وجون د. وودبريدج (جراند رابيدز، ميشيغان: بيكر، 1983)، 69-70.

وتواضع، وبلا ماتركز على شي نضام محدد. كون مسيحي كيتابي، وماشي مسيحي نضامي"⁸ سيمون عندو الحق. ماخصناش كوعاض ومُبشّرِين نتبعو شي نضام إنساني محدد. ولكن واخا هكداك راه كينين ثلاثة ديال الفوائد إلا دخلنا اللاهوت النضامي في عملية التفكير اللاهوتي.

1. كيتبتك في الإيمان
2. كيعاونك باش تربط نصوص أنواع أدبية معينة برسالة الإنجيل.
3. كيعاونك باش تهدر مع الناس اللي ماشي مؤمنين.

1. كيتبتك في الإيمان

من أكبر فوائد التفكير في اللاهوت النضامي ملي تكون كتوجد الوعض ديالك، هو أنه كيخدم بحال فران كيحفصك في العقيدة الكتابية الصحيحة باش ماتخرجش على طريق كلمة الله. ملي تكون كتخدم على التفسير، راه ضروري غادي تواجه آيات صعباب، وغادي يخصك تاخذ قرارات صعباب من جبهة التفسير. وحيث حتى مبشّر مامتالي راه ضروري نديرو أخطاء مرة مرة. ملي تواجه شي صعوبة في التفسير وتبدا تدابز مع شي فكرة صعبةة خارجة من شي فقرة من الكتاب المقدس، راه العقيدة الصحيحة هي اللي غادي تكون بحال البوصلة ديالك باش تلقى الطريق الصحيح.

متلاً التفكير والتفسير السطحي ديال يعقوب 2: 14-26 يقدر يخلينا نفكرو بلي يعقوب ماعطاش قيمة للعقيدة ديال "الخلاص بالإيمان بوحده" اللي هدر عليها الرسول بولس. وإلا خدينا التفكير والتفسير ديالنا ودوزناه في الغريال ديال التفكير اللاهوتي النضامي، فراه غيخصنا نفكرو ونحاولو نفهمو كيفاش كلام الرسول بولس على الخلاص بالإيمان كيتماشيا وكيوافق مع كلام الرسول يعقوب وماشي متضادين. وواخا ماتلقاش حل لكل الأسئلة ديالك، فراه على الأقل راك غادي تدابز مع الكتاب وغادي

⁸ هاد الجوج اقتباسات موخودين من ملاحظات أ. و. براون على الوقت اللي دوزو مع تشارلز سيمون كجزء من "لقاءات الحوار اللي دارهم سيمون مع طلاب جامعة كامبريدج". ابنر ويليام براون، تأملات في لقاءات الحوار ديال الراعي تشارلز سيمون، ماجستير الآداب: زميل كبير في كلية كينغز، الوراغي الدائم لكنيسة التالوت، كامبريدج (لندن: هاملتون، آدمز، والشركاء ديالو، 1863)، 269.

تشوف كيفاش أن الكتاب المقدّس هو قادر يعاونك باش تفسرو، عوض تقبل فصل من الكتاب وترفض فصل آخر، حيث هاكدا تقدر تكون نكرتي الحقيقة ديال أن الكتاب ديال الله هو معصوم من الخطأ.

2. كيعاونك باش تربط نصوص أنواع أدبية معينة برسالة الإنجيل

في الحقيقة مزة مزة الإستعمال ديال اللاهوت الكتابي في التفسير ديال شي أنواع أدبية في الكتاب المقدّس كيكون صعب كتر. الطبيعة ديال اللاهوت الكتابي (القصة الكبيرة والعامة ديال الكتاب المقدّس) مرتابط بالأنواع الأدبية اللي فيها كتكون الرواية أولا القصة هي النص الرئيسي. وفي نفس الوقت، متلا الشعر ديال العهد القديم يقدر مايعطيكش واحد الطريق واضح وساهل باش توصل وتشوف القصة الكبيرة والعامة ديال الكتاب المقدّس. الرسائل ديال العهد الجديد اللي فيها براهين وحجج منطقية، يقدر يكون صعب تربطهم من خلال اللاهوت الكتابي.

ولكن راه الأنواع الأدبية اللي عامرة بالخطاب أولا الشّعْر، يقدر يكون ساهل باش نربطوهم بالإنجيل من خلال اللاهوت النضامي. هاد الأنواع ديال الأدب اللغوي عادة كيهدر على المفاهيم الأساسية بحال الإيمان والنعمة والتبرير والذنوب وغيرها بشكر متكرّر. هادشي علاش ملي المزامير كيهدر على شي فكرة بحال التوبة من الذنوب، أولا ملي بولس كيهدر على الإيمان والأعمال، كيتحل قدامنا طريق مزيان وواضح باش نوصلو للإنجيل اللاهوتي.

3. كيعاونك باش تهدر مع الناس اللي ماشي مؤمنين

كنضن بلي الأغلبية ديال الناس اللي ماشي مؤمنين اللي كيدخلو للكنائس ديالنا هما ماشي بحال الراجل اللي من بلاد الحبشة اللي تلاقا مع الرسول فيلبس، هاد الراجل كان باغي يفهم الكلام ديال النبي إشعيا بزّاف. كنضن بلي الأغلبية ديال الناس اللي ماشي مؤمنين كي طرحو أسئلة على المشكلة ديال الشر، وعلى الله، والذنوب، الفداء وحوايح خرين بحال هاكدا. وراه الأجوبة على هاد الأسئلة كيجيو من المفاهيم والعقائد ديال

اللاهوت النضامي. وهادشي علاش راه أحسن طريقة باش نجدبو الإنتباه ديال الناس اللي ماشي مؤمنين للكلمة ديال الله هي أننا نربطو الفقرة اللي كنبشرو منها باللاهوت النضامي في الوعض ديالنا. متلاً، نفتارضو واحد الشخص ماشي مؤمن كيسمع للوعض ديالك وعندوشي أسئلة على الفكرة ديال "الدنوب" اللي كتهدر عليهم الفقرة الكتابية ديالك. من أحسن الطرق المفيدة باش نعلمو على الدنوب هي نشوفو هاد العقيدة في اللاهوت النضامي باش نفهمو كيفاش أنه كاينين ثلاثة ديال التشبيهاات أساسية كيشيرو للدنوب: الحمل الثقيل، الدين، العيب (أولا الوسخ). وهاكدا واخا داك الشخص اللي ماشي مؤمن يقدر مايكونش فهم الفكرة ديال "الدنوب" كيما هدرات عليهم الفقرة الكتابية، راه نت غتكون قادر تهدر في الوعض ديالك على العقيدة العامة ديال الدنوب باش تعاونو يفهم الصورة الكبيرة.

خطوة خرا

هدرنا على بزاف ديال الحوايج في هاد الفصل، وكنتمى تكون فهمتي علاش ماشي مزيان تقزو من التفسير للتطبيق نيشان، أولا غير نحبسو عند التفسير وصافي. وكنتمى تكون شفتي علاش مهم باش تستتمر وقتك في التأمل ونت كتفكر في كيفاش الفكرة الرئيسية ديال الفقرة اللي غادي توعض منها كتأخذك لعند البشارة ديال الإنجيل. راه الفهم ديال المنهج التاريخي- النقدي وأدوات اللاهوت الكتابي واللاهوت النضامي غيعاونوك بزاف في الوعض ديالك.

ولكن أكيد راه مازال ماساليناش خدمتنا عند هاد الحد، حيث مازال كيتسناونا التحديات ديال اليوم الحاضر والمُتطلّبات ديالو.

اليوم الحاضر


المرحلة الأخيرة في خدمتنا باش نوجّدو الوعض هي مرحلة اليوم الحاضر. خلّينا مورانا الجبال ديال النَّص القديم والخدمة ديال التفسير اللي درنا اللي كلهم كيهدرولو على "الناس ديال داك الوقت في داك الوقت". وخلينا مورانا التفكير اللاهوتي والتركيز ديالو على المسيح يسوع والموت والقيامة ديالو. ودابا وصلنا للوجهة ديالنا: اليوم الحاضر. يعني حنا دابا، يعني الكنيسة، شعب الله، والناس اللي غادي يولييو شعب الله من خلال الوعض من الكلمة ديالو.

حتّى لهاد النقطة فين وصلنا دابا، تجنّبنا ندخلو الثقافة في الخدمة اللي درنا على الفقرة والآيات اللي بغينا نوعضو منهم، درنا هادشي باش الثقافة ديال اليوم ماتسيطرش على خدمتنا وفهمنا لكلمة الله، ونوليو غير غادين بعينينا مغمضين وسط الحق ديال الكتاب المقدّس. ولكن من بعد ماكملنا الخدمة ديال التفسير الكتابي واللاهوت النضامي وشفنا كيفاش الفقرة كتشير للرسالة ديال لإنجيل، راه دابا ولينا واجدين نجيبو ثقافتنا ونحطوها في بلاصتها في الوعض ديالنا والحق اللي غنوعضو متّو. وحتّا كل خدمة كنديروها باش نوجدو الوعض ديالنا خاصها تكون موجهة بالفقرة الكتابية وكلام الله، راه في نفس الوقت خاص هاد الخدمة تراعي وتفكر في الثقافة ديال الناس اللي غيسمعو الوعض. هاد السياق الثقافي هو اللي كيجدّد لنا كيفاش نوعضو بكلمة الله في اليوم الحاضر من خلال ربعة ديال الخطوط الرئيسية:

1. التركيبة ديال الناس اللي غيسمعو الوعض
2. التنضيم ديال الوعض
3. نلقا الحُجّة

4. التطبيق ديال الوعض

غيعاونًا نفكرو في هاد المرحلة الأخيرة على أنها مرحلة الإدماج. كلمة إدماج جاية من كلمة "synthesis" اللي في اللغة اليونانية القديمة كتشير للعملية ملي كندمجو وكنجمعو بين جوج حاجات مختلفين أولا كتر بشكل كيخليهم يؤوليو حاجة وحدة مترابطة وجديدة.



بزّاف ديال الوُعّاض الشباب كتجيهم هاد الخطوة هي أصعب مرحلة. حيث ماكيكونوش متأكدين كيفاش يطبقوها مزيان. اللي كيوقع هو أن بعض الوُعّاض كييشرو بأجزاء الوعض ديالهم على أنها أجزاء متفرقة وماشي متوامة ومجموعة في جزء واحد كامل ومكمول، واخا كيكونو دارو خدمة مزيانة في التفسير والتفكير اللاهوتي. بعض الوُعّاض لخرين كيتركزو على الجانب اللاهوتي ديال الفقرة اللي كيوعضو منها. ولكن إلا سوّلتهم على كيفاش ممكن نجمعو كل الأجزاء ديال الوعض باش يكون عندنا وعض مترابط ومنساجم وكيلمس الثقافة والخلفية ديال الحاضر، ماغاديش يعرفو كيفاش.

وأخًا هكداك، راه ضروري نديرو عملية الإدماج. والمفسرين ديال الكتاب المقدس اللي كيغرفو كيفاش يدمجو كل الأجزاء اللاهوتية والكتابية كيديرو هاد العملية حيت كيبيغو يعطيو الوعض ديالهم بشكل كيلائم السياق ديال الثقافة ديال الناس اللي كيسمعو، وكيبيغو يوعضو بوعض مرتب ومنظم، وكيبيغو يكملو بالتطبيق اللي كيقيس حياة الناس.

1. التركيبة ديال الناس اللي غيسمعو الوعض

بشكل عام، راه في محاولتنا باش نلائمو وندمجو الوعض مع السياق الثقافي ديال المُستمعين، خاصنا نتجنبو نطرحو في واحد الجوج أخطاء. من واحد الناحية، إلا كان الوعض ديالنا كيتعارض مع ثقافة الناس اللي كيسمعوناه، راه الناس غاديين يرفضو الرسالة اللي كنقدموها ليهم حتى قبل مايعطيونا فرصة باش نبشروهم بالمسيح. ومن ناحية خرا، إلا الهدف من رسالتنا ولي هو يتوالم ويتوافق مع الثقافة ديال الناس، راه في هاد الحالة غاديين نخسرو الأساس والفرصة باش الله يستعلمنا. المهمة ديالنا هي نلقاو طريقة باش ناخدو الرسالة ديال الله اللي ماعمرها كتتغير ونوصلوها للناس اللي ماكيغرفوش الكتاب المقدس مزيان، الناس اللي مازال حاييرين على الحق ديال الله، والمعرفة اللاهوتية ديالهم مازال مشوشة.

واخا مزيان ندافعو على العمل ديال التفسير والتفكير اللاهوتي، راه المفسرين المتمرسين ماكينساوش حقيقة أن هاد الفروع والأجزاء ديال المعرفة هما تما غير باش يعاونونا. كنكون حزين ملي كنشوف بعض الوُعاض كيفكرو بلي الجماعة ديال المؤمنين هنا موجودين غير باش يعاونوهم باش يكملو الخدمة ديال الكلمة. خصوصًا الوُعاض الشباب خاصهم يردو البال مع هاد الفكرة اللي تقدر تعويهم ويولي الهدف ديالهم هو خدمة روحية أنانية.

على طول الخمسطاعشر عام اللي دازو، كنيستنا كان عندها الإمتياز والشرف باش تدرّب كتر من سبعين متدرب عيالات ورجال اللي كانوا غاديين يدخلو في الخدمة ديال الرب بشكل كامل. وفي داك الوقت ولّفت مرّة مرّة

نفكرهم بلّي الناس هما الغاية ديالنا. وإلا الخُدّام ديال الرب بالخصوص اللّي بغاو يوعضو بالكلمة ديال الله ماكانتش عندهم محبة للناس كلهم اللّي في العالم، فراه ماخصهمش يوقفو على المنبر ويوعضو للناس.

هادشي علاش إلا وليتي مُفسّر ديال الكتاب المقدّس، راه خاصك تعرف بلّي واحد من الشروح الأساسية ديال الوعض هي أنّا خاصنا نعمّرو الوعض ديالنا بالعاطفة والمحبة النقية للنّاس. خاصك تتعلّم كيفاش تعرف الناس اللّي كيسمعو الوعض ديالك، الناس اللّي الله عطاهم ليك وخاصك تحبّهم. راه هادا هو الدرّس اللّي غرسو المسيح في القلب والفكر ديال بطرس قبل ما صيفطو باش ينشر الإنجيل في العالم. في يوحنا 21، كنشوفو بلّي المسيح جا لعند بطرس والتلامد للمرة الثالثة من بعد ما مات وقام من الموت، والمسيح تمّا في بحال الجليل سوّل بطرس ثلاثة ديال المرّات نفس السؤال وقال: "بطرس، واش كُتّبِعيني كُتْرُ مِنْ هَادُو؟"، وتلاتة ديال المرّات جاوب بطرس وقال: "إِيّه، آ الرَّبُّ، نَت كُتْعَرْفُ بُلّي كُنْتَعِيكَ" ومن بعد قال ليه المسيح: "إِيوَا وَكُلُّ الْخُرْفَانِ دِيَالِي". الفكرة اللّي كان بغا المسيح يعلمها لينا هنا هي واضحة: الناس اللّي كيختارهم الله باش يبشرو بالإنجيل كيبرهنو على المحبّة ديالهم لله من خلال محبّتهم للكنيسة.

هادشي علاش كنعول لكل واحد باغي يوعض بالمسيح: "واش كتحب المسيح؟ واش بالحق كتحبّو؟ إِدْن، برهن على المحبة ديالك ليه من خلال أنّك ترعى الناس اللّي هو مات من أجلهم. خاصك تتعلم كيفاش تحب الناس.

الكنيسة

الجمهور الرئيسي اللّي كيسمع للوعض واللّي كيفسّر كلمة الله هو الكنيسة، يعني شعب الله. والمُفسّرِين الكتابيين والأئمّاء ديما كيكونو واعيين بهاد الحق وكيكونو عارفينو مزيان. هما كيجتاهدو في التفسير ديال كلمة الحق بشكل صحيح ومزيان وجِدّي حيث كيغرفو بلّي الكلمة ديال الله اللّي كيپشرو بيها هي اللّي كتنبّي الكنيسة وكتقوّيها.

الله صيفط كلمتو للشعب ديالو في الجنة ديال عدن، ونزل الكلمة ديالو مزة خرا في جبل سينا، وهاد المرة كتبها على جوج لوحات ديال الحجر باش الشعب ديال الله اللي نجاه يقدر يعرفو من جديد الله الحنين في كل أعمالو. وملي الله صيفط يسوع، اللي هو كلمة الله بنفسها اللي تجسدت، راه هو دار هادشي باش يجمع الشعب ديالو ويجيبهم ليه. وفي يوم الخمسين في أعمال الرسل، الله دار نفس الحاجة. الجماعة اللولى ديال المؤمنين المقدسين اللي كانو كيواضبو على التعليم ديال الرسل، راهم آمنو من خلال التبشير بالكلمة ديال الله.

بكل بساطة، راه كل المفسرين الأمتاء ديال الكتاب المقدس اللي أنا كنعرفهم، هما مقتانعين بشكل كامل بلي الكلمة ديال الله هي اللي كتخلق الشعب ديال الله وكتغديه روحيا وكتقويه، والشعب ديال الله هو الكنيسة.

كيفاش معرفتك بهاد الحقيقة تقدر تأثر على الوعض ديالك اليوم؟ المفسرين بالخصوص خاصهم يعرفو ويفهمو مزيان الإحتياج ديالهم باش يتقابلو مع الله، راه هو بوحدو اللي قادر باش يدير هاد الخدمة الكبيرة اللي تحت مسؤوليتهم. خاصنا نحطو هاد الخدمة ديال التواجد ديال الوعض كلها قدام الله من خلال الصلاة. راه غلط نفكرو بلي كاين شي مبشر أولا واعض قادر يوعض بلا صلاة، بحال هاد الخدمة عزيمة والمجيدة ديال النجاة والتقوية ديال الكنيسة كتعتمد على القوة والحكمة ديال الواعض والمبشر. راه خاصنا ديما نصلبو. هادي إشارة قوية على أننا فهمنا كيفاش تكونات الكنيسة وكيفاش زدهرات في العالم كلو. وحنا المفسرين ديال الكتاب المقدس كيخلينا هادشي نوجدو الوعض وحنا راعين كنصلبو لله. من التجربة والخبرة ديالنا حنا عارفين شنو يعني أننا نحطو جبهتنا على الأرض ونتضرعو لله ونطلبو منو باش هو يدير الخدمة اللي حتى واحد في هاد العالم مايقدر يديرها.

باختصار، حنا محتاجين بزاف للقوة ديال الروح القدس باش تباركنا وتكون في الوعض ديالنا. هادشي علاش كنصلبو. كنصلبو قبل الوعض. كنصلبو وسط الوعض ديالنا. وحتى كنصلبو بعد ما كانساليو الوعض.

المدينة

في هاد السنين الأخيرة تكتبو بزّاف ديال الكتوب على فين كاين الجمهور، يعني فين كاينين الناس اللي كيسمعو كلام الله. وماشي ضروري نزيد نهدر على هادشي. كافي غير نقول بلي العالم غادي كيقرب من واحد النقطة تاريخية فين غادي يكون النص ديال سكان العالم في المدون. وخاص المفسرين ديال الكتاب المقدس ماينساوش هاد الحقيقة، وكتر من هادشي راه خاص الوعض ديالنا يراعي لهاد الحقيقة.

وماخصناش نتبناو واحد الفكرة غلط اللي كتقول أن الله كيحب الناس ديال المدينة كتر من الناس ديال العروبية. راه غير خاصنا نفهمو الصعوبات والفرص اللي كنواجهوهم في الحياة في المدينة، حيث تما الجماعة ديال المؤمنين اللي كنوعضو ليهم كيكونو متنوعين وعندهم خلفيات مختلفين، الناس تما كل واحد كيفكر بشكل مختلف وكيشوف في الحياة بشكل مختلف، وهادشي يقدر يكون سبب في المشاكل والصراعات إلا مارديناش البال مع كلامنا. خاصنا ناخدو في عين الإعتبار أن الجماعة اللي كتسمع الوعض ديالنا هي جماعة مخلطة ومتنوعة، يعني خاصنا نكونو مستعدّين نستغناو على بعض الكلام الشخصي التقافي ديالنا والنكات والأمثال اللي غير حنا والناس اللي قراب لبنا كنفهموهم. متلا ماشي عادي تهدر مع المجلس ديال البلدية ديال المدينة بنفس الطريقة اللي بيها كتهدر مع شي صاحبك قريب ليك وماكاتعاودش ليهم نفس القصص. يعني خاصنا نراجعو كلامنا وتفكيرنا في هاد الحالات. خاصنا نوعضو بحال أننا بغيينا الناس من كل بلاصة في العالم يفهمو الرسالة اللي كنوعضو بيها.

الله مازال كيجمع ناس مختلفين ومن كل خلفية في الكنيسة. ومن خلال تجربتي لقيت بلي كاينين جوج ديال الإستراتيجيات اللي مفيدين بزّاف:

- الإستراتيجية ديال العلاقات مع الناس

- الإستراتيجية ديال التوحيد ديال الناس.

الكلام والوعض ديال الرسول بولس للناس في مدينة أتينا كان مفيد وفعال بهاد الجوج إستراتيجيات: أولًا، من ناحية العلاقات مع الناس، لوقا قال لينا أنّ الرسول بولس تناقش وعطا حجج للناس ديال ديك المدينة في السوق وفي المجمع ديال الصلاة. يعني التبشير والوعض ديالو ماكانش غير كلام من طرف واحد. ماخاصش تكون عندنا هاد الفكرة بأنّ الرسول بولس كان كيوقف مورا شي منبر مرة وحدة في السيمانة باش يعطي شي وعض على شكل مونولوگ (يعني غير شخص واحد كيهدر ولخرين كيستمعو). ولكن راه الرسول ستعمل مجموعة مختلفة ديال الإستراتيجيات اللي كيتمادو على العلاقة مع الناس. في السوق، كان الرسول كيدخل في حوارات مع الناس. حتّى حنا خاصنا نقلبو على طُرُق باش نديرو كيما دار الرسول بولس وتنبعو الإستراتيجية ديالو في الحوار مع الناس في المدون اللي كنعيشو فيهم اليوم.

كايينة حاجة خرا عندها علاقة بالاستراتيجية ديال العلاقات مع الناس: كيبان لينا أن بولس مازربش باش يهضر، ولكن تسنا الفرصة باش يهدر مع الناس اللي عندهم السلطان، على الأقل هادشي اللي كنشوفو في أعمال الرسل 17. لوقا كتب وقال: "وَشَدُوهُ وَدَاوَهُ لِلأَرْيُوبَاگُوسْ وَكَاَلُو لِيَهُ: وَاشْ يُمْكِنْ لِيِنَا نَعْرِفُو هَاذَ التَّعْلِيمِ الْجَدِيدِ الَّذِي كَتَكَلَّمْ بِيَهُ؟" (أعمال الرسل 17: 19). من هاد الكلام كيبان لينا بلّي الرسول بولس ماكانش متكبّر وماكانش باغي يهدر غير مع الناس المهمين. هو مشا لنفس البلايص فين كان كيمشي كل النهار، مشا للسوق وللمجمع ديال ليهود (الأية 17). هو وعض في أريوس باغوس حيت الناس طلبو متو يوعض. وأكد راه خاص تكون عندنا الشجاعة، وفي نفس الوقت راه المدينة كتطلب الإحترام ديالنا.

تانيًا، الأهمية ديال المدون اللي غادة كتزيد كتطلب منا نخدمو بإستراتيجية موحّدة. عكس الإستراتيجية اللي كتهاجم العادات ديال المجتمع والمعتقدات ديالو أولا الإستراتيجيات المقطعين والمجزئين، راه الإستراتيجية الموحّدة كتوحد القيم الثقافية والرسالة المسيحية بطريقة

كتفيد تبشيرنا بالإنجيل. كابين متال على هادشي في الفصل 17 ديال أعمال الرسل، في هاد الفصل لوقا بزاً الرسول بولس من أي إتهام ضدو على أنه متعصب تقافيا أولا دينياً. أه قال لينا لوقا أن بولس ماكانش فرحان يشوف الأصنام اللي كانو الناس كيعدوهم في مدينة أتينا، ولكن ماكانش باغي يعاير الناس أولا يهرس الأصنام في الشارع. في الحقيقة راه لوقا شرح لينا أن بولس دار العكس، هو خدا الأصنام كفرصة باش يدافع على الإيمان ويبشر بالمسيح: "وَوَقَفْتُ بُولُسَ فَوْسَطَ الْأَرْيُونَاكُوسِ وَكَلْتُ: آسْكَانُ أَتِينَا! كُنْشُوفْ بُيُ رَاكُمُ مُنْتَدِيَيْنِ بَرَّافٍ فُكُلِّ حَاجَةٍ. حَيْثُ وَأَنَا كُنْتُسَارَا فُمَدِينَتِكُمْ وَكُنْشُوفِ الْحَوَائِجِ اللَّيْ كُنْعَبْدُوهَا، لَقِيثُ وَاحِدُ الْمَدْبِخِ مَكْتُوبٌ عَلَيْهِ: لَوَاخِذُ الْإِلَهِ مَا مُعْرُوفْش. إِيوَا هَذَا اللَّيْ كُنْعَبْدُوهُ وَمَا كُنْعَرُفُوهُشْ، هُوَ اللَّيْ كُنْحَبْرُكُمُ عَلَيْهِ" (أعمال الرسل 17: 22-23). في البداية ديال الوعظ ديال الرسول هو هدر على الإله ديال أتينا اللي "مَا مُعْرُوفْش"، بولس بغا في اللول يهدر مع الأحاسيس ديال الناس المتقفين اللي كيسمعهو. راه في الحقيقة الأغلبية ديال العلماء هما متافقين على حقيقة أنه مازال بزاف ديال الحوايج في هاد العالم مامعروفاش وهاد الكلمة اللي ستعملها بولس في الفصل 17 الآية 23 هي صيغة ومرادف للفكر اللي كيتسمّا اللاأدرية (Agnosticism). الفيلسوف واللاهوت كرنيليوس فان تيل (Coernelius Van Til) قال: "حتى المتقفين كيعارفو بحقيقة أنه مازال كابين بزاف ديال الأمور في السما وعلى الأرض كتر من يقدرو يتخيلو أولا حتى يحلمو. هادشي علاش كانو مستعدّين يخليو بلاصة وفرصة مفتوحة للمجهول والأمور اللي مازال مامعروفينش".¹ هادشي علاش المدخل اللي ختارو بولس كان دكي وقوي.

واش تقدر تتخيّل كيفاش كانت هاد القصة غتكمّل كون بولس قرّر يستعمل استراتيجية ديال الهجوم على قيم المجتمع والتقافة في أتينا عوض يتبع الإستراتيجية ديال التوحيد؟ كون بولس هز مطيرقة كبيرة وهترس الأصنام ديالهم، أولا كون دار حملة ضد الإحتفالات الدينية ديالهم، أولا كون كتب وعلق شِعارات ولافتات في الدخلة ديال المدينة كيحتج على "العبادة ديال الناس"، كون أكيد الوعظ ديالو كان غيكون باين وواضح

¹ كورنيليوس فان تيل، بول في أتينا (فيليبسبرج، نيوجيرسي: P&R، 1978)، 6.

ولكن هاد الطريقة تقدر تسبب ضرر كبير للرسالة ديال الإنجيل في القلوب ديال الناس اللي كانوا غيسمعو من بعد. الإستراتيجيات القوية ديال الغوات والهجوم يقدر ينجحو يبعدهو بعض الناس من العبادة ديال الأصنام والأديان المزورة، ولكن راه إلا المسيحيين تبعو هاد الإستراتيجيات راهم غادين يفشلو ومايقدروش يربحو القلوب والعقول ديال الناس اللي كيعيشو وسط هاد الأوتان.

الله غادي يعيظ ويختار بزاف ديال المؤمنين باش يعضو في المدون الكبار، وهاد الوعاظ والمبشرين خاصهم يتبناو الإستراتيجيات اللي مؤسسين على العلاقات مع الناس وعلى التوحيد، هادو هما الإستراتيجيات الكتابية اللي نجحو وعطاو نتائج في المدون في الماضي.

الشخص والثقافة ديالو

راه باش نعرفو البلاصة والبيئة اللي الجمهور ديالنا كيعيش فيها هو حاجة، وباش نعرفو شكون هو جمهورنا والقيم والعادات اللي كيميزوه هو حاجة خرا مختلفة كاع. العالم اليوم هو عامر بناس ماكيعرفوش الكتاب المقدس، وديما بغينا نوعو ونشوفو ناس جداد اللي مازال ماعارفينش الحق الكتابي كيسمعو لينا. وخاصنا نتأكدو بلي ديما كاينين ناس ماشي مؤمنين كيسمعو الوعض، ناس ديال العالم، حيث الناس اللي مازال ماشي مؤمنين كيتعتابرو هما جمهور رئيسي لكلمة الله. وإلا بغينا رسالتنا توصل للناس ديال اليوم الحاضر، فراه خاصنا وضروري علينا ناخذو في عين الإعتبار السياق الثقافي ديالهم. غيخصنا نهدرو بلغة مفهومة وكتماشيا مع ثقافتهم. وراه كاينين بزاف ديال الكتوبا والمقالات اللي كيعالجو هاد الإحتياج. ماكايناش شي حاجة جديدة نقدر نزيدها من غير أنني بغيت نعاود نحدّر المفسرين الأمناء ديال الكتاب المقدس بلي خاصهم يعرفو الحدود ديال هاد الخدمة في التواجد ديال الوعض. راه واخا نجحو في الخطوة ديال تواجده ديال وعض كيتماشيا مع السياق الثقافي ديال الناس اللي غيسمعو ماشي ضروري كييعني بلي الناس غيفهمو الوعض ديالنا بسهولة كبيرة، وماكيعيشو أننا غادين نغيرو الثقافة ديال الناس.

بغيت نعاود نكّر هاد الفكرة، راه الكلام ديال الرسول للأتينيّين في أعمال الرسل 17: 16-34 كافي باش نشوفو بلّي هادا هو الواقع. وَاخًا بولس دار كل ما في جهدو باش يلائم بين الوعض ديالو والتقافة ديال الناس اللّي سمعوه (كيما حتى حنا خاصنا نديرو)، راه لوقا كيشوف أن هاد الخدمة الضرورية والمهمة عندنا تأتير محدود. واحد من السكّان ديال أتيننا تجاوب مع الوعض ديال الرسول بالإنجيل وقال: "أشْ بَعَا يُكُولُ هَذَا اللّي فِيهِ غَيْرُ كَثْرَةِ الْهَضْرَةِ" (أعمال الرسل 17: 18). والكلمة الأصليّة في اليونانية لكلمة "فيه كثرة الهدرة" هي كتشير للإنسان أولا الحيوان اللّي كينبش في الزبل، بحال أنّ بولس كان كياخد فكرة من هنا وفكرة من تمّا وفي الأخير النتيجة ماكانتش فكرة متناسقة.

ماتخلّيش كلام لوقا في أعمال الرسل 17 يخلعك. راه بولس اللّي عطانا نموذج ومثال على كيفاش نقدر نوالمو بين الوعض والتقافة ديال الناس اللّي كيسمعونا تعرّض للإنتقاد من بعض الناس حيت عطا وعض بلا مركز واضح كيوحّدها، وهادشي علاش الوعض ماكانش قادر يجذب الرأى ديال الناس لصالحو (قرا أعمال الرسل 17: 32). رد فعل آخر كنشوفو تمّا، بعض الناس قالو: "رَأَهُ كَيْتُكَلِّمُ عَلَيَّ إِلهَاتٍ غَرِيبَةٍ حَيْثُ بُولُسُ كَانَ كَيْخَبْرُ بَيْسُوعُ وَبِالْبَعَثُ مِنْ الْمَوْتِ" (أعمال الرسل 17: 18). الجملة ديال "إلهات غريبة" كتورينا بلّي جزء من المشكل ديال سكان أتيننا هو أنهم مافهموش القصد ديال بولس. في الحقيقة ملّي سكان أتيننا سمعو الإنجيل أول مرّة جاهم غريب وماشي عادي وماشي حاجة طبيعية وماكيتماشاش مع الألهة ديالهم.

السبب علاش هدرت على هاد جوج ردود الفعل للوعض ديال بولس هو باش نقدر نفهمو علاش مهم نجتاهدو باش نفهمو الناس ديال اليوم ونفهمو الثقافة ديالهم، وماخاصناش ديما نتوقعو باش الناس يفهمو المؤمن اللّي كيوعض وماشي ديما غيقتانعو.

في الأخير بغيت مانسأوش الاحتياج ماشي غير باش نصليو وصافي ولكن حتىّ إحتياجنا لقوة الروح القدس اللّي خاص تكون في الوعض ديالنا.

وأكد هادا هو الإحتياج الأساسي والرئيسي، حيث خاص الواعض يعرف المصدر الحقيقي ديال القوة. راه مايمكنش لشي كنيسة تولد بكلمة الله بلا الروح القدس. الحياة الحقيقية والتغيير الحقيقي ديال الناس اللي كيسمعو الوعض ماكيجيوش من القوة والدكاء ديالنا، راه هادشي ممكن غير بالكلمة ديال الروح (يوحنا 6: 63) اللي كيحطها في الفم ديال الواعض اللي كيطلب الله هو اللؤلؤ.

إدًا، حنا اللي كنوعضو بالكلمة ديال الله وكنفسروها خاصنا نرفضو ونبعدو من أي إدعاء أو فكرة أو عادة في الوعض كتقول أن القوة كايئة فينا وماشي في الروح القدس. الوعض كيبغي منّا نتواضعو. خاصنا نبعدو من أي أهتمام ماشي ضروري بالبراعة والدكاء ديال الإنسان. خاصنا نتنازلو على الشهرة، ومايكونش الهدف ديالنا هو الناس بيغيونا ويمجدونا، وخاصنا نهربو من الطمع والخديعة.

"حَيْثُ التَّعْلِيمُ دِيالْتَا مَاشِي غَالِظٌ، وَلَا مُنْجُوسٌ، وَلَا فِيهِ الْخُدَيْعَةُ، وَلَكِنْ اللَّهُ جَرَّبْنَا بَاشْ يَأْمَنَّا عَلَى كَلَامِهِ، وَهَذَا حَنَا كُنْخَبَّرُو، مَاشِي بَاشْ نُرْضِيو النَّاسَ، وَلَكِنْ بَاشْ نُرْضِيو اللَّهَ الَّذِي كَيْمْتَحُنْ قُلُوبْنَا. وَكَيْفْ كُنْعَرْفُو، رَاهْ عَمَرْنَا مَا نَأْفُقْنَاكُمْ وَلَا فَكَّرْنَا نَطْمَعُو فُشِي حَدْ، وَاللَّهُ سَاهَدْ. وَمَا عَمَرْنَا قَلْبْنَا عَلَى الْعَرُّ مِنْ عِنْدَ النَّاسِ، لَا مِنْ عِنْدَكُمْ وَلَا مِنْ عِنْدَ غَيْرِكُمْ، وَأَخَا كَانْ مِنْ حَقْنَا نَلْزَمُو عَلَيْكُمْ رَاسْنَا حَيْثُ حَنَا رُسُلُ دُ الْمَسِيحِ" (تسالونيكى اللؤلؤ 2: 3-7)

2. التنضيم ديال الوعض

الواعض كيواجه واحد التحدي بحال هادا كل سيمانة: "كيفاش ننضم الوعض دياي؟ شمن نوع ديال التنضيم خاصني نتبع؟" هادو جوج أسئلة ميزانين وضروري نجاوبو عليهم.

غير كنفستّر الفقرة الكتابية وكنكّمّل الخطوة ديال التفكير اللاهوتي،
غيكون عندي أفكار مُفيدين باش نقولهم، ومزيان تكافئ وتبارك الناس اللي
كيسمعوك بالمجهود اللي درتي. إداً شنو هو المبدأ اللي خاصنا نتبعو في
الخطوة الجاية اللي هي التنضيم ديال الوعض؟ وشنو هو الدور الإجابي اللي
كتلعبو الملائمة الثقافية في الوعض؟ غيكون مزيان لينا نصابو الوعض
من خلال جوج خطوط متوازيين:

- الأهمية ديال الوُضوح.
- الأهمية ديال إلتزام الوعض بالفقرة الكتابية.

النقطة اللّولى كتعتمد على الملائمة والإنسجام ديال الثقافة
المحلية والوعض، أمّا النقطة الثانية فهي كتعتمد على التمسك
بقوة بالفقرة الكتابية اللي بغينا نعضو منها.

الأهمية ديال الوضوح

هادي عامين گلست مع ديك لوكاس (Dick Lucas) في دارو في لندن.
وبلا مانحسو بدينا كنهذرو على شنو كيدير الله فالكنيسة. وكنا متحمسين
وعندنا بزّاف ديال الرجا في الجيل الجديد اللي طالع ديال الوُعّاض
والمبشّرين. ووسط هاد الحوار المتفائل، قاطعني لوكاس وقال: "أه، ولكن
خاصنا نفكّروهم بلي الوعض ديالنا في نفس الوقت ماخاصوش يكون
بسيط كتر من الحد". لوكاس كان كيوعض كتر من خمسين عام لرجال
الأعمال اللي كيخدمو في القطب المالي في لندن، وتعلّم حاجة مهمة بزّاف:
الناس العُضماء هما اللي كيكونو واضحين كتر، وماخاصش المُبشّرين يبالغو
في البساطة ديال الوعض، حنا محتاجين كتر للوضوح.

حتّى أنا لاحضت نفس الحاجة. وحتّا عندنا جيل كبير ديال المبشّرين
المتحمسين، وراه بداو هاد المبشّرين كييانو بقوة اليوم، راه مازال بزّاف
منهم محتاجين يتعلمو الفن ديال تنضيم الوعض بطريقة واضحة
ومختصرة. وهنا المُوالمة والدمج بين الثقافة والوعض يقدرو يلعبو دور
مزيان بزّاف.

الوَعَاظ والمبشِّرِين كيُعرفو بَلِي الناس الّٰي كيُسمعو ليهم كل أسبوع بشكل عام هما ماشي متحمسين لدوك التفسيّرات الدقيقة والعميقة، ودوك المُعضلات والصّراعات الكِتَابِيَّة الّٰي عادة الواعِض كيحاول يفسّرْها ويحلّها كل أسبوع. واحد الصديق دِيالي هو رجل أعمال مؤمن قال لِيَا نفس الفكرة بهاد الطريقة: "دايفيد، شنو هي الماكلة الروحية الّٰي وِجِدْتِي هاد السيمانة؟ ماتوعضش لِيَا بالزربة وبلا ماتوضّح لِيَا الفكرة دِيالك. بغيتك تعطيني عناوين واضحين ومرتبين وكاملين".

الواعض المتمزّن هو الواعض الّٰي كيُعرف بالبلاصة دِيال الحرب فين المستمعين دِيالو كيُتْحارِبو مع الحياة ومع الخدمة والأُمور دِيال هاد العالم. هو كيُعرف الإحتياجات دِيالهم وكيُعرف كيفاش يهدر بلوغتهم. وكيوعض للمؤمن والّٰي ماشي مؤمن وهو مرتاح، واخا هادشي كيُعني بَلِي خاصو يستمر بزّاف من الوقت دِيالو وهو كيُقرأ بوحدو في المكتب دِيالو.

مَلِي تَبدا الخدمة دِيالك باش توالم بين الثقافة والوعض، هاد العملية الّٰي داخل فيها التنضيم دِيال الوعض دِيالك، جتاهد باش تخَلِي الوعض يكون واضح. ورد البال مع الكلام الّٰي كتستعمل والطريقة الّٰي كتوصل بيها الأفكار. وخاصك تكون فرحان إلا وِصَلْتِي الفكرة دِيال المجد دِيال المسيح بشكل واضح للناس الّٰي جاو باش يسمعو ليك. راه الرسول بولس شجّع المؤمنين في كنيسة كولوسي وقال: "دَاوْمُو عَلَي الصَّلَاة، وَكُونُو دِيمَا مُوجُودِينَ بَاش تُشْكِرُوا اللَّهَ فَضْلًا تَكْم. وَصَلِّيُو مِنْ جِهَتِنَا حَتَّى حَنَا بَاش يُحَلُّ لِينَا اللَّهُ الْبَابَ لِلْكَلامِ دِيَالِه، وَنُخَبِّرُو بِالسَّرِّ دَ الْمَسِيحِ الّٰي عَلَي وَدُه أَنَا مُشْدُودُ فَالْحَبْس، وَهَكَأ غَادِي نُبَيِّنُه كَيْفَ وَاجِبٌ عَلَي نَدِيدِز" (كولوسي 4: 2-4).

كاينين جوج دِيال الخطوات مهمين باش الوعض دِيالنا يكون واضح:

- اعلن نيشان على الموضوع الرئيسي دِيال الفقرة الكتابية.
- وعبر على الهدف دِيال الكاتِب دِيال ديك الفقرة بكل وضوح.

المبشِّرِين والوَعَاظ الّٰي كيُفسرو الكلمة دِيال الله ماخاصهم يطلعو للمنبر ويبدأو يعلّمو الوعض دِيالهم بلا مايكونو قادرين يوضحو ويشرحو

الموضوع الرئيسي ديال الأيات اللي غيوعضو منهم في جملة وحدة مترابطة ومفهومة. راه الموضوع الرئيسي هو الفكرة الكبيرة أولا المشكلة اللي كتعالجها ديك الفقرة الكتابية اللي كتبشّر منها. الموضوع الرئيسي هو الفكرة اللي بغا الكاتب يوصلها. متلاً، مؤخراً بديت واحد الوعض من رسالة يعقوب 4: 1-12 بجملة بسيطة: "القضية اللي يعقوب بغانا نفكرو فيها في هاد التلاتين دقيقة الجايين هي كلامنا، وكيفاش الكلام يقدر يهرّس العلاقات في الكنيسة، وشنو المصدر ديال ديك القدرة، وشنو هو الحل". إلا قدرتي تعبر على الهدف ديال الكاتب والتعليم الأساسي ديالو في الفقرة الكتابية في جملة وحدة بسيطة كيما درت أنا، راه هادشي غادي يعاونك توصل باش تكون بصييط واضح.

الخطوة العملية الثانية اللي الواعض يقدر يستعملها باش يوصل للوضوح هي أنه خاصو يعلن على الهدف ديال الكاتب ديال الفقرة الكتابية في جملة وحدة. "الهدف" هو شنو بغا الكاتب من المستمعين ديالو يديرو أولاً كيفاش بغاهم يفكرو بطريقة مختلفة من خلال الموضوع الرئيسي ديالو في الفقرة الكتابية. وحتى في حالة ما عبرتيش على الهدف في جملة وحدة في الوعض ديالك، راه خاصك تكون عارفو مزيان قبل تبدا توعض. خاصك تكون قادر تجاوب على هاد السؤال: "شنو بغا الكاتب يوصل للناس اللي كقيراو كلامو؟"

راه القدرة ديالك باش تشرح الهدف ديال الكاتب غادي تفيدك في بزّاف ديال الحوايج. راه هادشي غادي يسهّل عليك الخدمة ملي تكون كتوالم الوعض بالسباق الثقافي ديال الناس اللي كيسمعوك. المّبشّر أولاً الواعض ماكيعزلش راسو في المكتب ديالو الوقت كامل وهو كيحاول باش يربط الوعض ديالو بالسباق الثقافي ديال الناس اللي كيسمعوه. ما كيجتاجش يدير هادشي بهاد الطريقة، حيث الكتاب المقدّس عندو صلة بالناس. راه المّبشّر اللي كيوعضو بالكتاب المقدّس كيخرّجوا النتائج والتطبيقات اللي ديجا كايين في الكتاب المقدّس بطريقة كتسهل على الناس في الكنيسة يفهموهم في ثقافتهم المحلية. في هاد الحالة راه الكتاب المقدّس كيعاونا في الربط ديال الوعض بالثقافة، كيكون شريك ديالنا باش نوعضو بالكلمة

ديال الله. وإلا المُبشّر كيدير هادشي راه كيكون أمين وحتىّ الوعض ديالو
كيولّي واضح كتر وساهل على الناس باش يتبعوه بلا مايتلفو.

الفوائد ديال إلترام الوعض بالكتاب المقدّس

خاص هاد العلاقة المهمة بين الفقرة الكتابية الّلي غنوعضو منها وبين
الخدمة ديال الملائمة الثقافية تبان مليّ المبشّر كيخدم على التخطيط
ديال الوعض. وديما الثقافة كتجي من بعد الفقرة الكتابية وماشي العكس،
يعني الفقرة الكتابية هي الأهم والأساس. والتنظيم والتخطيط ديال
الوعض ديالك خاصو يتبنا فوق الأساس ديال كلام الله في الفقرة الّلي
غنوعض منها. المخطّط الّلي غتعتمد عليه في التنظيم ديال الوعض ديالك
خاصو يتبع التنظيم الّلي كيكون باين في الفقرة الكتابية ديالك. المخطّط
ديال الوعض كييجي من الدراسة التفسيرية والتفكير اللاهوتي الكتابي الّلي
كتكون ديجا خدمتي عليه. الربط الثقافي كيكون صورة كتعكس الحقيقة
الّلي كاينة في الفقرة الكتابية.

هاد المبدأ هو النتيجة الطبيعية ديال الوعض التفسيري. حنا
ماكنفروضوش المخطّط ديال الوعض على الفقرة الكتابية، بالعكس، حنا
كنتبناو المخطّط الّلي ديجا دارو الروح القدس في الفقرة الكتابية الّلي
كندرسوها. وأحسن طريقة باش نحققو هادشي هي الطريقة الّلي كتب بيها
الروح القدس الكلمة ديال الله. تشارلز سيمون قال:

"كندير كل جهدي باش نخرّج من الفقرة الكتابية داكشي الّلي
بالحق كاين فيها، ماشي داكشي الّلي غير كنضن كاين فيها. هاد
الهدف هو كلشي بالنسبة ليّا. ماكنزيد وماكانقص من الحق الّلي
أنا كنأمن بليّ الروح القدس قالو في الفقرة الكتابية الّلي بغيت
نشرحها ونفسرها"²

² هاندلي كار جيلين مول، تشارلز سيمون (لندن: مينيون والشركاء ديالو، 1892)، 97.

سبق لي عطيت تعريف للوعض التفسيري الكتابي بصيغته أنه هو
الوعض بالقوة والسلطان الّلي كيخلي الشكل ديال الوعض والتركيز ديالو
يكون خاضع للشكل والتركيز ديال كلام الله في الفقرة الكتابية الّلي كيحي
منها الوعض. وراه مزيان تعرف كل كلمة رئيسية في هاد التعريف. الّلي
كنقصد بهاد الكلام هو أن البنية (الشكل) والتركيز ديال الوعض من الكتاب
المقدس خاصهم يكونو مبنّين على البنية والتركيز الّلي عطاهم الروح
القدس في الفقرة الكتابية ديالنا. والخدمة ديال الواعض أولا المبشر هو يلقا
هاد البنية وهاد التركيز، وأحسن طريقة باش نوصلو لهاد الغاية هي التفسير
المنضابط والتفكير اللاهوتي في الفقرة الكتابية ديالنا. غير كيفهم الواعض
البنية والتركيز ديال الفقرة بشكل واضح، كيكون في ديك اللحضة واجد باش
يبي ويشكل الوعض ديالو.

الحاجة الّلي كتميّز الوعض التفسيري على الأنواع لخرين ديال الوعض
الكتابي هو أن الواعض والمبشر كيخلي الترتيب والتنظيم ديال الوعض
ديالو يكون خاضع للبنية ديال الفقرة الكتابية والتركيز ديالها. راه
ماخاصناش نفرضو أي تخطيط أولا تنظيم على الفقرة أولا الآيات الّلي
بغينا نوعضو منهم. الحل كاين في الخضوع ديالنا للكلمة ديال الله. كحتاجو
لوعاض قادرين يخضعو نفوسهم للتفسير الصحيح ديال الإنجيل.

بّزاف ديال المبشرين ماعندهمش هاد الإنضباط القوي وبّزاف كيبيغيو
يتحرّرو من هاد الحدود المهمة في كلمة الله. المخططات ديال الوعض
ديالنا كيكونو مروّنين. وكنبنبو وعض ماكيكعكسش نفس التركيز ديال الحق
الّلي في الآيات الّلي كنوعضو منهم، الوعض كيكون عندو بنية مختلفة من
البنية الّلي كاينة في الفقرة ديالنا. وهادشي كيشير لأننا ماشي منضابطين في
هاد الجزء من الخدمة ديالنا باش نوجدو الوعض، وماكنحطوش المخطّط
ديال الوعض ديالنا والتركيز ديالو تحت الكتاب المقدّس، كنديرو العكس،
كنخليو الفقرة الكتابية هي الّلي تتوافق مع البنية والغاية الّلي كيعطينا عقلنا
في داك الأسبوع. وهادشي هو الّلي كيخلينا مانوصلوش للشرح التفسيري،
وكنحرمو الكنيسة من الحق ديالهم باش يسمعو صوت الله، وفي بلاصة
صوت الله القوي كنعطيوهم الصوت ديالنا الضعيف. هادشي علاش

كنشجعك باش تجتاهد باش توجّد عضات كتابية ملتازمين بالفقرة والآيات ديال كلمة الله، عضات كيمتلو كلمة الله. راه هادا هو الوعض التفسيري، وهادشي علاش العنوان الصغير الثاني ديال هاد الكتاب هو: كيفاش نهדרو بكلمة الله اليوم.

بعد ماشفنا الدور المهم اللي كتلعبو الملائمة الثقافية في الفهم ديال المستمعين والترتيب ديال الوعض ديالنا، دابا حنا واجدين باش نشوفو كيفاش كتعاونّا الخطوة اللي جاية اللي هي نخدمو على التطبيق ديال الوعض.

3. نلقا الحجة

كل وعض خاصو يكون مبني على حجة. مايمكنش نتلمدو بلا مانينيو حجة كتابية. ماتنساش شنو علمنا المسيح في متى 28: 19-20، المسيح وصّا التلامد ديالو باش يتلمدو ناس خرين ووصّاهم وقال "عَلِّمُوهُمْ بِأَشْ يُدِيرُو بَكَاغْ دَاكَّشِّي اللَّيْ وَصَّيْتَكُمْ بِيَهْ". كان خاص التلامد ديال المسيح يتكلمو بالقوة والإقناع اللي كيشجّع الناس باش يطيعو المسيح. والهدف ديال الواعض ماخصوش يكون غير يشوف تغيير في السلوك ديال الناس، ولكن الهدف ديالو هو يقنع الناس ويربهم للمسيح. الواعض مابغاش غير يهدر وصافي، ولكن خاصو يقنع الناس بالحجة الكتابية. الكتاب المقدس ماكيهدرش غير مع الأحاسيس ديالنا، ولكن راه حتى كيهدر مع العقل ديالنا.

بغيت نهدر باختصار على ثلاثة ديال الأفكار في هاد الموضوع.

أولاً، هاد الفكرة ديال الحجة كئلقاوها في بزاف ديال البلايص في الكتاب المقدس. شوف معايا في أعمال الرسل 17: 2-3، هنا الخدمة ديال الرسول بولس خدات طريق جديد، ولوقا هدر عليها بهاد الطريقة: "وَدَخَلَ بُولُسُ لُدَاازَ الصَّلَاةِ كَيْفَ عَاذْتُهُ، وَبَدَا كَيْتِنْتَاغَشْ مَعَ لِيَهُوْدُ مِنْ كِتَابِ اللَّهِ مُدَّةَ ثَلَاثَةِ ذُ الشُّبُوتِ، كَيْتَشْرَحْ وَكَيْتَبَيِّنْ لِيَهُمْ كَيْفَاشْ كَانْ خَاصُّ الْمَسِيحِ يَنْعَدُّبْ وَيُنْبَغْتْ مِنْ أَلْمُوتِ". وفي الآية 4 كنشوفو بلي بعض الناس قتانعو. الرسول

بولس كان "كيتناقش"، يعني كان كيتحاور. بولس دخل مع النَّاس في نقاش ووعض ليهم بطريقة شخصية وتفاعلية. حط الموضوع قدامهم وبيشّرهم وتحاور معاهم وجاوب على الأسئلة ديالهم وكان كيحاول يقنعهم بالْحُجَّة من الكلمة ديال الله. هاد الجملة في أعمال الرسل عندها معنا آخر في اللغة الأصلية اليونانية، كتعني حط شي حاجة فوق الطابلة قدام النَّاس (عادةً الماكلة). هاد الكلمة تستعملات بشكل مجازي باش تعبر على التواجد ديال الطابلة أولاً للماكلة اللي كتحط فوق الطابلة قدام الناس (لوقا 9: 16، 10: 8، وأيات خرين). بولس ماحطش الماكلة الجسدية قدام الناس في أعمال الرسل، هو حط الحُجَّة وعطاهم ماكلة ديال العقل ديالهم باش يشبعو. والنتيجة هي أنّ بعض الناس قتانعو بكلام الرسول بولس. بصيفتك وإعض ومبشّر بالكلمة ديال الله راه خاصك تركز في الأمور ديال السما. ممكن ماغتعبجناش هاد الفكرة ديال الإقناع حيث نقدرنو نكونو فهمنا غلط الفصل 1 ديال كونتوس اللّولى، وبغينا نرفضو الحكمة ديال العالم. ولكن راه هادشي ماكيينيش بلي ماخاصناش نستعملو الإمكانيات ديالنا باش نقنعو الناس. راه خاصنا نعرفو كيفاش نقنعو الناس وخاصنا نبغيو نقنعو النَّاس. الرسول بولس في أعمال الرسل 26: 26-28 بكل شجاعة علن على أنّه بغا يقنع الملك أغريباس وكل الناس اللّي معاه. بولس مابغاش غير يحاور الناس وصافي، ومابغاش غير يشرح الإيمان المسيحي وصافي، الهدف ديالو كان هو يقنع الإنسان بالمسيح ويقنع كل واحد في العالم بالإنجيل.

تانيًا، التبشير من خلال الحوار عندو بزّاف ديال الفوائد المهمّين. هاد الطريقة كتختلف شوي من الوعض من خلال الحوار. راه الكلمة اللّي ستعملها الكتاب المقدّس باش يشير للوعض كتجي من فكرة البشارة (يعني خبار الخير) اللّي هي نفس الكلمة ديال كلمة إنجيل، وهاد الوعض كيكون عادةً على شكل مونولوج (يعني شخص واحد كيهدر). ولكن كاينة قيمة وفائدة كبيرة في أنّنا نجدبو الناس ونخليوهم يدخلو في حوار ونقاش كيخليهم يتفاعلو مع الحق ديال الكتاب. بولس كان كيشارك في الحوار مع النَّاس، وكان كيوعض بالطريقة ديال المونولوج، حيث كان وعض ليهم واحد الوعض كيشجّع على الأخلاق. هادشي علاش راه خاصنا نستغلّو

الفرص بحال هاكدا، نعطيوا للناس فرص باش يسؤلوا وحنا نجابو، خاصنا نعطيوا بلاصة وفرصة للحوار الحقيقي. الوعض هو الشرح، ولكن كايين فيه حتى الإقناع والتطبيق.

ثالثًا، ركز على أهم موضوع في الحجة ديالك. أعمال الرسل 24: 24-25 كتقول: "وَمَنْ بَعْدُ شَيْءٍ يَأْمَأْتُ، جَا فِيلِكْسُ وَوَمَعَاهُ مَرَأَتُهُ دُرُوسَلَا وَهِيَ يَهُودِيَّةٌ، وَسْتَدَعَى بُولُسَ وَسَمِعَ كَلَامَهُ عَلَى الْإِيمَانِ بِالْمَسِيحِ يَسُوعَ. وَفَلْيَ تَكَلِّمْ بُولُسَ عَلَى التَّقْوَى وَالرِّزَانَةِ وَيَوْمَ الْحِسَابِ، خَافَ فِيلِكْسُ وَكَانَ لِيَهْ: تُقَدَّرُ تَمَثِي دَابَا، وَفَلْيَ نَلْقَا شَيْءَ وَقْتٍ غَنُصِيْفُظْ عَلَيْكَ". فِيلِكْسُ سَمِعَ بُولُسَ كِيَوْعُضَ عَلَى (1) الْإِيمَانِ بِالْمَسِيحِ يَسُوعَ، (2) التَّقْوَى (البر)، (3) الرزانة وضبط النفس، (4) يوم الحساب اللي جاي. خاصنا نجتاهدو باش نقنعوا الناس اللي كيسمعونا بهاد الحُجج بربعة. راه هادو هما الحُجج اللي بغا بولس يقنع بيهم الناس اللي كتب ليهم الرسالة ديال رومية من الفصل 1 للفصل 3.

راه مزيان تستعمل الطريق ديال الحجة في كل وعض ديالك. هادشي ماشي ساهل ولكن راه بسيط.

4. التطبيق ديال الوعض ديالك

ملي كنجيو للتطبيق، أهم حاجة هي أنّ الهدف ديال المبشر هو التغيير ديال قلوب الناس. حنا مابغيناش غير نطبقو الحقائق الإلهية على العقول ديال الناس المستمعين، ماتفهمينش غلط، راه هادا هدف مزيان ومهم حتى هو. الواعض مابغاش غير يحرك الناس باش يديرو أعمال الخير وباش يخدمو الرب، ولكن الغاية الأولى هو القلوب ديال المستمعين. ماخاصناش نقبلو غير بالتطبيقات اللي كتأثر غير على جزء من التفكير أولاً الخدمة ديال الناس اللي كيسمعونا. ولكن كمبشرين بالكلمة ديال الله خاص يكون الهدف ديالنا هو باش الله يعمر كل الإرادة والأحاسيس ديال المؤمنين اللي كيسمعو. راه القلب هو العرش ديال القوة، وهو اللي كيدفع وكيبدأ التغيير.

التطبيق القلبي الكامل كيتشابه مع الخطوة ديال ربط الوعض بالتقافة المحلية في ربعة ديال النقط:

- الهدف ديالو هو التوبة ديال القلب
- الأصل ديالو هو الصلاة بالقلب
- كيخرج من المعرفة بالقلب
- كينبع من قلب الفقرة الكتابية

التوبة ديال القلب

أجيو نرجعو للوعض ديال الرسول بولس في أتينا. كان بولس كيوعض من أجل التوبة ديال القلب. وشجّع الناس ديال المدينة باش "يتوبو" (أعمال الرسل 17: 30). وطلب منهم باش ميقاوش عايشين في الضلام ديال الجهل. الرسول بولس كان بغا من الناس تمّا يغيّرو فكهم وقلبهم وإرادتهم بشكل كامل.

لمّي تكون كتوجد الوعض خاصك تسوّل راسك بعض الأسئلة: "واش أنا كنوعض من أجل تغيير داخلي في القلب؟ واش أنا كنتجّبت مانطلبش من الناس يتوبو؟ واش الهدف ديال الوعض ديالي هو غير نعمر الناس بالمعلومات أولا كايين شي هدف أعمق؟".

ماتنساش بلّي الهدف ديال أنّنا نربطو الوعض بالتقافة المحلية ماشي هو باش تكون الرسالة ديال الإنجيل جدّابة في عينين الناس اللّي كيسمعونا، ولكن من البداية بغينا نربحو القلوب ديال المستمعين باش المسيح ياخذ المجد اللّي كيستاحق. ولكن باش نحققو هاد الهدف المجيد، راه خاص روح الله ياخذ كلمة الله ويطبّقها في شعب الله. شكون اللّي يقدر يغيّر القلوب ديال البشر من غير الله بوحدو؟

الصلاة بالقلب

بما أن الهدف ديال التطبيق ديال الوعض هو باش القلوب تّوب، وبما أنّ الله بوحدو هو اللّي يقدر يحقّق هاد الهدف، راه هاد الخطوة ديال

التطبيق في التواجد ديال الوعض خاصنا نبادوها وحنا ساجدين قدام الله في الصلاة. خاص الصلاة ديال القلب تكون حاجة طبيعية فينا.

لوقا 11: 1-13 كتشجعنا باش نديرو هادشي. التلامد ديال المسيح جاو لعندو وطلبو متو باش يعلمهم كيفاش يصلبو كيما يوحنا المعمدان علم تلامدو. والمسيح قبل الطلب ديالهم وعطاهم متال على كيفاش يصلبو (لوقا 11: 1-4). وعطاهم متال باش يشجعهم على الصلاة من خلال مقارنة بين الله الأب وشي صديق قريب. هاد الصديق كيفيق في نص الليل ولكن كيرفض يعاون صاحبو. أما الله فراه ديما مستعد يعاون في أي وقت. طلبو وغيعطيكم. دقو وغيجل ليكم. وشنو واعد الله بلي غادي يعطينا؟ "إيوا إلا كئثو نئم اللي ما مزيانيش كئعرفو نعطيو لولادكم الحوايج المزيانين، كيفاش الأب اللي فالسما ما غيعطيشن الروح القدس لهاذوك اللي كيطلبوه؟" (لوقا 11: 13). راه التلامد ديال يوحنا المعمدان اللي تعلمو كيفاش يصلبو ماكانوش كيعرفو الروح القدس (أعمال الرسل 19: 1-2). ولكن نشكرو الله حيث حنا كنعرفوه. والله واعدنا بلي غادي يعطيه لينا.

المعرفة بالقلب

كيما خاصنا نرفعو قلوبنا لله على ود النفوس ديال الشعب ديانا، راه حتى خاصنا نرفعو قلوب الشعب ديال الله اللي عطانا. الربط ديال الوعض بالتقافة المحلية كيعاوننا نشوفو شنو اللي مسيطر على القلوب ديال الناس اللي ضايرين بينا. بكل بساطة راه إلا كان التطبيق ديال الوعض ديانا هو اللي كيسمح لله باش يعمر القلوب ديال الناس ديالو، راه هادشي علاش خاصنا نكونو عارفين وواعيين بشنو كاين في القلوب ديال الناس. من خلال المراقبة خاصنا نقدرن نميزو القيم والالتزامات الداخلية ديال الناس، وخصوصا خاصنا نقدرن نشوفو دوك الأمور اللي ماكتخليهمش يعيشو حياة مرتبة ومنظمة في العبادة ديال المسيح والطاعة ديالو.

راه الكتابات ديال أغسطينوس والرسائل ديال الرسول بولس (وزيد عليهم الوعض والتعليم ديالو اللي سجلهم لوقا في أعمال الرسل) كلهم

كيعلّمونا خطوات وأمر مهمّين على الخطة ديال ربط الوعض بالتقافة المحلية، وهادشي مهم يتعلّمو كل مبشّر و واعض بالكلمة ديال الله. في الحقيقة، الكلام ديال هاد جوج رجال كافي باشي يعلّمنا بطريقة مزيانة كيفاش نخدمو على الوعض ديالنا من هاد الناحية. مانقدروش غير نقراو ونستعملو الجرائد أولا الأخبار السطحية ديال هاد العالم حيث هاد الأخبار ماكيوصلوش للعمق ديال المشكل. والسبب الأصلي والجدر ديال المشكل والجواب للسؤال علاش الإنسان كيدير كل الأمور اللي كيدير هما جزء رئيسي في الوعض والتعليم. وهادي مسألة ديال القلب قبل ماتكون مسألة ديال الجغرافيا أولا مسألة ديال الفكر. والرسول بولس وأغسطينوس دارو خدمة مزيانة في هاد الخطوة. هما علمونا كيفاش نستعملو الأخبار باش نفهمو أمور أعمق فالقلب ديال الإنسان. ونشكرو الله حيث مازال عندنا كلامهم ونقدرو نتعلمو منهم. المؤرّخ بيتر براون (Peter Brown) من مدينة برينستون هدر على هاد النوع ديال المعرفة بالقلب في الأبحاث ديالو والقراءات ديالو على روما القديمة. هاد المؤرّخ هدر على واحد الحاجة سميتها *amor civicus*، اللي كتعني المحبة ديال المواطنين ديال روما للمدينة وناسها، قال:

راه الشخص الغيبي اللي كيورّي هاد المحبة كيمدحوه الناس وكيعتابروه شخص وطني كيبيغي بلادو (*amor patriae*). وهاد النوع ديال الحب كانو كيعتابروه أعظم حب يقدر يكون عند واحد الشخص غني. والمحبة ديال *amor civicus* تكتبت في كل الحيوط ديال المعابد، وفي الساحات، والبنيات ديال الدولة، وفي كل صور، وفي كل بلاصة عامّة كيجمعو فيها الناس بحال: المسارح، والملاعب... وغيرها من المآثر اللي حتى لليوم مازال كيفاجئو السّيّاح في أي موقع أترّي روماني في أي منطقة تقريبًا من غرب أوروبا حتى لشمال إفريقيا.³

³ بيتر براون، من خلال عين الإبرة (برينستون، نيوجيرسي: مطبعة جامعة برينستون، 2012)، 64.

بروان وصف الشعب ديال روما وقال بلّي "قلوبهم عندهم شكل ديال الجبال ديال المدينة". كيوصفهم بلّي "كيحبّو وطنهم" وحتىّ كيقول عليهم بلّي هما "النّاس اللّي روما ستعمرات قلوبهم"⁴. كون كان بروان كيوعض للناس ديال روما، كون غيكون ستعمل هاد المعرفة بطريقة مزيانة في التطبيق ديال الوعض ديالو. وبحال روما القديمة، راه المدون ديالنا اليوم هما بلايص فين بزّاف ديال الفلسفات الحياتية والأفكار كيتصاممو وكيبتلاقوا، ولكن واخّا هكداك راه القلوب ديال الرجال والعيالات كيبقاو مكشوفين وباينين. وخاصنا نتعلمو المهارات ديال الإستماع اللّي كيوصّحها بيتر براون مزيان.

راه باش نطبقو كلمة الله اليوم بشكل كيتناسب مع إحتياجاتنا، خاصنا نعرفو مزيان شنو كيبحبّو النّاس اللّي عطانا الله وشنو كيعتزو بيه ولمن كيعطيو قيمة في حياتهم. واش ديجا درتي هاد الخطوة؟ واش عندك معرفة ووعي عميق بالقلب ديال الناس اللّي الله عطاك؟

قلب الفقرة الكتابية

واخّا كيحتاج كل مبشّر يعرف شنو طاري في القلوب ديال الناس اللّي كيسمعوا ليه، راه غلط نفكرو بلّي الغاية ديالنا هي غير نلقاو تطبيق مزيان ومُناسب في الوعض ديالنا. ماتنساش بلّي الخدمة الصحيح ديال الإنجيل ديما خاصها تكون مأسّسة على المعرفة بالتقافة المحلية ديال الناس اللّي كيسمعوا الوعض، ولكن راه الحاجة اللّي كتوجّهها وكتعطي قيمة ليها هي الفقرة الكتابية، يعني كلام الله في الكتاب المقدّس.

بعض المبشّرين كيخلّيو المستمعين هما اللّي يدفعوهم في الوعض وكيكونو هما الأساس، وكيوليّ القلب ديال التركيز هو باش الوعض ديالهم يتناسب مع الثقافة المحلية ديال الناس لدرجة أنه مليّ المبشّر كيبدأ يخدم على التطبيق ديال الوعض، الفقرة الكتابية أولا كلام الله تقريبًا كيغيب من العقل ديال هاد المبشّر. في الحقيقة سبق لي سمعت بعض المبشّرين

⁴ بيتر براون، من خلال عين الإبرة (برينستون، نيوجيرسي: مطبعة جامعة برينستون، 2012)، 96-101.

كيوصفو الخطوة ديال التطبيق بهاد الصورة: في الوقت اللي كيكونو كيخدمو على التطبيق ديال الوعض كيكونو كالسين وعينهم مسدودين، ومرجعين ريوهم لور ومهوزين للسقف.

راه الإستراتيجية ديال ربط الوعض بالثقافة المحلية ديال الناس اللي غيسمعو الوعض عندها أهميتها في الوعض، ولكن ماخاصهاش تكون هي الأولوية ديالنا في الوعض. المبشر اللي كيوعض يقدر يعاون الناس ديالو ويفيدهم بشكل حسن إلا خلا عينيه مركزين على الفقرة في الكلمة ديال الله. المبدأ اللي ماخاصناش ننساوه هو أنّ التطبيق ديال الوعض ديالك هو ديما مرتابط بالحق اللي خاصو يجي من الفقرة الكتابية اللي كتوعض منها. ولكن باش تلقاهاد التطبيق، خاصك تتعلم شنو هما الأسئلة المزيانين اللي خاصك تسؤل، ماشي أسئلة باش تسؤل الناس اللي كيسمعوك، ولكن أسئلة اللي خاصك تطرحهم على الفقرة اللي كتوعض منها.

السؤال اللول اللي ديما كنطرحو على الفقرة ديالي هو: "شنو كان الكاتب باغي يوصل للمستمعين الأصليين ديالو؟"، كنضن هادي أحسن خطوة تقدر تبدا بيهها. هاد الخطوة كتخلي أفكارك تكون كتماشيا مع الغاية ديال الكاتب. إلا قدرنا نشوفو الغاية والهدف ديال الفقرة الكتابية راه غنكونو قربنا بزاف للتطبيق المناسب للناس اللي كيسمعونا. بعض المرّات الغاية والهدف ديال الكاتب كيكونو واضحين وساهلين. وفي هاد الحالة الكاتب كيكون عطانا بوضوح التطبيق اللي خاصنا نقدموه للناس ديالنا. متلاً في القصة ديال داود وجلبات، مكتوب:

"هاد النهار الله غادي يحطك في يدي وغادي نقتلك ونقطّع راسك. وهاد النهار غادي نعطي الجئت ديال جيش الفلسطينيين للطيور ديال السما والحيوانات ديال الأرض. باش تعرف كل الأرض بلي الإله ديال إسرائيل كاين. وباش هاد الجماعة كلها تعرف بلي الرب ماكينجي لا بالسيف ولا النبلة، حيث الحرب هي ديال الرب وهو اللي غيدفعكم ليد ديالنا" (صموئيل 17: 46-47).

هاد الفقرة كتقدّم لنا الهدف ديال القصة: هاد الحرب عندها دور تبشيري (اللي هو باش كل الأرض تعرف الإله ديال بني إسرائيل) وعندها هدف تعليمي، يعني تعلم شعب الله باش يأمنو بالله (الرب ماكينجي لا بالسيف ولا النبله، حيث الحرب هي ديال الرب).

السؤال الثاني اللي خاصنا نطرحوه على الفقرة الكتابية ديالنا هو: "كيفاش تعاملو الشخصيات ديال القصة في هاد الفقرة الكتابية مع الحق الإلهي، أولا مع المسيح (المُختار) ديال الله؟". بعض المرات (وماشي ديما) الشخصيات اللي في القصة كيقدرود يفشلو الناس اللي كيسمعو في الكنيسة. واحد المرّة وعضت من واحد الفقرة في الكتاب المقدس فين كايه مُقارنة بين جوج ديال الملوك: شاول والداود (صموئيل اللؤلؤ 22). هادا واحد الفصل عجيب. في هاد الفقرة كنشوفو جوج ديال الشخصيات ثانوية كيمشيو مع هاد الجوج ملوك المعروفين. الشخصية اللولي هي دُوَاغ الأُدومي، اللي كان كيخدم الملك شاول، والشخصية الثانية هي أبيتار، اللي قرّر يتبع ويخدم داود. دُوَاغ و أبيتار ولّا مهمّين في التطبيق ديال الوعظ. واش غنتبعو "مسيح الله" (مُختار الله) وَاخا كيبان ضعيف وهربان؟ أولا نديرو كيما دار دُوَاغ، نتبعو الملك الأرضي اللي السلطان ديالو غادي يزول وكل حاجة أرضية عندها دابا غادي تحيد من يديه؟

السؤال الثالث اللي خاصنا نسولو هو: واش هاد التطبيق اللي لقيت هو التطبيق الأساسي ديال هاد الفقرة الكتابية أولا غير كنضن وأنا ماشي متأكد متو؟ ماخاصكش تعطي تطبيق ثانوي أولا من الدرجة الثالثة قبل ما تتأكد بلي راك غادي تعطي التطبيق الرئيسي والأساسي ديال الفقرة للناس اللي كيسمعو. خاص الهدف ديالك الأساسي من الفقرة يكون كيتماشيا ومنساجم مع الهدف ديال الروح القدس في نفس الفقرة. فُكّر في هاد السؤال وتخيّل واحد السلوم قدامك وكل ما كان التطبيق ديالك عام وبعيد من الفقرة كلما كانت المسافة بين الدرجة والدرجة في السلوم بعيدة كتر. وكلما كانو الدرجات بعاد كل ماكان صعب ومُستحيل نطلعو في السلوم. هادشي علاش خاصنا ديما نلقاو تطبيق واقعي، وعندو تأثير قوي، واضح، ويكون تطبيق أساسي وماشي تطبيق ثانوي. اللي بغيت نقول هو أنك كلّما

تبعني فكرتك وكنتي غير نظري في التطبيق ديالك، كلما نقص التطبيق ديالك في الأهمية ديالو وحتى في الشرعية ديالو حيث ما يكونش هو التطبيق الأساسي اللي بغا يوصلو الروح القدس من خلال الفقرة اللي كتوعض منها.

ملي كنبي نعتي تطبيق للفقرة الكتابية بطرق مختلفة، ديما كنبدا بالتطبيق الأساسي هو اللؤلؤ. وكلما بعدت من التطبيق الأساسي، كنقول للكنيسة بلي هادشي اللي كنقول غير توسع وتتحليل للتطبيق الأساسي. أجيو نرجعو لكلامنا على الفقرة اللي في صموئيل اللؤلؤ الفصل الثاني اللي هدرنا عليها في أول فصل في هاد الكتاب. كنا لقينا بعض التطبيقات على التربية ديال الدراري الصغار، ولكن ملي درسنا الفقرة، لقينا بلي هاد التطبيق هو ثانوي وماشي هو التطبيق الرئيسي.

سؤال آخر ميزان وكيعاونًا باش ندرسو ميزان التطبيقات ونأكدو بلي هما مبنيين على الفقرة الكتابية اللي كندرسو: "واش هاد التطبيق كيهدم الفقرة الكتابية ديالي؟". واخا نشوف بلي التطبيق عندو معنا وممكن يكون ميزان، ما كيعنيش بلي هو التطبيق اللي فكّر فيه الكاتب الأصلي ديال الفقرة. وسؤال آخر مرتابط بالسؤال اللؤلؤ ديالنا هو: واش التطبيق ديالي للفقرة كيتعارض مع آيات خرين في الكتاب المقدس؟ إلا كان الجواب هو أه، فراه هو تطبيق غلط وما خاصنيش نستعملو كاع. فكّر في داك النهار ملي داود كذب على الكاهن أخيمالك باش ياخذ متو الماكلة والسلاح (صموئيل اللؤلؤ 21). تقدر تستعمل هاد الفقرة كدليل على أنه نقدر نستعلمو "كدبة بيضة" أولا "الكذب المقدسين" باش نخدمو الله والشعب ديالو، ولكن راه في هاد الحالة غنواجهو مشكلة خرا ملي نجيو لعند كولوسي 3:9-10. هاد السؤال الثاني غيحميك باش ماتطيشش في الغلط ديال أنك تدخل في حرب ضد آية أخرى في الكتاب المقدس.

آخر فحص للخطوة ديال التطبيق هو باش نطرح واحد السؤال اللي كيوجّهني للقلب ديال الكتاب المقدس بنفسو. السؤال هو: "واش التطبيق اللي وصلت له هو مرتابط بالإنجيل، أولا أنا كنخاطر وكنحط وصايا ديال

الدين فوق الكتاف ديال شعب الله؟" متلاً ملي توعض من يعقوب 3: 1-12، غيكون ساهل تقول: "طبط اللسان ديالك". ولكن إلا غير وقفنا عند هاد الحد، راه التطبيق غيكون هو نعطي أوامر ومبادئ أخلاقية للناس. راه الفكرة ديال الإصحاح هي أن التحكم في اللسان هو حاجة مستحيلة. حنا محتاجين للنعمة. يعقوب كيزيد يهدر وكيوضّح هاد الفكرة في الآيات اللي جاو من بعد (13-18)، في هاد الآيات يعقوب هدر على الإحتياج ديالنا باش نطلبو الحكمة "من فوق".

كلمة أخير

باش المبشّر أولاً الواعض يكون عندو تأثير اليوم، خاصو يوالم ويربط الوعض بالفقرة الكتابية بالثقافة المحلية ديال الناس اللي غيسمعو الوعض. وماشي غير هادشي، ولكن راه حتى خاصنا نستعملوهم بجوج باش نفهمو الناس اللي كنوعضو ليهم، وباش نرتبو وننضمو الوعض ديالنا، ونلقاو الحُجج اللي غنعطيو للناس، وفي الأخير التطبيق ديال الوعض.

واخاً أحسن المفسرين ديال الكتاب المقدس كيفكرو وكيخمنمو في المسألة ديال "اليوم الحاضر"، راهم كيركزو حتى على الخطوات لخرين والخدمة الكاملة باش يوجدو الوعض ديالهم وعينهم على "داك النهار اللي جاي" (خطوة التفسير، التفكير اللاهوتي، وربط الوعض بالثقافة المحلية)، يعني النهار اللي فيه غادي يرجع سيدنا المسيح، فيه غيبان وغيوضاح كلشي وحتى الدوافع اللي في قلوب المبشرين واللي كيوعضو. كنتمتى الفهم ديالك لداك النهار اللي جاي يعاونك باش ديما تصلي، وتكون أمين، وتخلي الله هو اللي يعطي الغلة والتمر الروحي الكثير.

الخاتمة: العضام اليايسة

تشارلز سيميون عطا أول وعض ديالو من بعد ما ترسم كراعي في يوم عيد التالوت الأقدس (أول نهار الحد من بعد يوم الخمسين)، في بلاصة راعي آخر كان مسافر. سيميون كان في عمره غير 22 عام. ومن بعد سنين وهو كيخدم الرب، فكّر مزيان في الخدمة ديال الوعض اللّي كان كيدير في البدية ديال الخدمة ديالو، وقال هاد الكلام:

"بما أنّني كنت كنعرف السيد أتكينسون مزيان وبشكل شخصي، خديت المسؤولية ديال الكنسية ديالو ملّي كان مسافر لمدة طويلة شوية، ونقدر نقول بلّي الله دار حوايج زوينين في ديك الفترة. في شهر واحد تقريبًا عمرات الكنيسة بزّاف، وفي النهار اللّي كتنا كنعشاركو فيه عشاء الرب، كان تقريبًا العدد ديال الناس اللّي كيحضرو كيضرب في ثلاثة، بان بحال الله نفخ الحياة في العضام اليايسة."¹

كُتبشّر وواعض راه عجبني كلشي في الكلام اللّي قالو سيميون على السنين اللّولين ديال الوعض ديالو، من نهار بدا غير كيغمّر البلاصة ديال راعي آخر وغير ملّي الراعي كيسافر، حتّى لكلامو على كيفاش الله ستعملو في ديك الكنيسة. شحال عجيبه هاد القصة. كنضن بلّي الله باركو في داك الوقت باش يشجعو ويوعاونو في الخدمة ديالو ليه وللشعب ديالو. خصوصًا حيت الله كان عارف الصعوبات والمشاكل اللّي كان سيميون غيواجههم في كلية كامبريدج. وحتّى عجبني بزّاف كيفاش هو شاف التأثير

¹ ويليام كاروس، مذكرات حياة الراعي تشارلز سيميون (لندن: هاتشارد آند صن، 1847)، 24.

ديال كلمة الله اللّٰي كان المبشّر كيوعض منها، قال: "الله نفخ الحياة في العضام اليابسة".

أنا مقتانع بلّٰي هادشي اللّٰي وقع مع سيميون في داك النهار يقدر يوقع عوتاني في أي نهار بالنعمة ديال الله. ويقدر يوقع معاك.

فكّرت بزّاف في هاد المُبشّر الشاب ملّٰي بديت كنكتب هاد الكتاب الصغبر اللّٰي كيهدر على الوعض. يا كنتي في عمرك 22 عام أولا 82 وعام، أولا شحال ماكان في عمرك، راني كنصلّي باش الله يستعمل الخدمة ديالك بطُرُق كتعطينا كلنا "رجا بلّٰي الله غيخدم وغيعطي التّمار".

المُلْحَق: الأسئلة الّتي كيسولوهم المبشّرين

دبا بغينا نهذرو على بعض الأسئلة المهمة الّتي يقدرو يعاونوك مّلي تكون كتصاوب الوعض من البدية حتّى يكون الوعض ديالك واجد.

التفسير الكتابي

واش صلّيتي وطلبتي من الله يعاونك مّلي بديتي التوجاد ديال الوعض ديالك؟

البنية

كيفاش نصّم الكاتب الفقرة ديالو؟ غيعاونك بزّاف إلا تقدر تحدّد البنية والأجزاء الواضحة فالفقرة وتشوف كيفاش فرّق ونصّم الكاتب الفقرة ديالو.

النوع الأدبي العام: واش كاينة شي كلمة أولا شي عبارة أولا شي فكرة كتعاود في الفقرة؟

النوع ديال الرواية (أولا القصة): كيفاش الكاتب قسّم الفقرة على شكل مشاهد مختلفة؟ واش قسّمها على أساس البلايص (تقسيم جغرافي) أولا الشخصيات في القصة (يعني كيدوز من شخصبة لشخصية خرا)؟ كيفاش كتبان القصة وكيفاش كتمشي؟ (واش كاين شي مشكل كتحاول القصة تعالجو؟ أولا شنو الّتي خالق التوتّر والدراما في القصة؟ شنو هي القّمة ديال

الأحداث أولاً النقطة فين بدأت القصة كتبدّل؟ واش المشكل تحل في الأخير؟ إلا تحل المشكل، إدن كيفاش تحل؟).

النوع الأدبي ديال الخطاب: كيفاش القواعد ديال اللغة (يعني قواعد النحو) أولاً المنطق ديال الفقرة الكتابية كيوضحو التسلسل ديال الأفكار؟

النوع الأدبي ديال الشّعْر: كيفاش كتتغيّر النغمة ديال هاد المقطع الشعري أولاً كيفاش كتتغير النغمة ديال الموضوع اللي كتهدر عليه الفقرة؟ وكيفاش التنظيم ديال الفقرة كيورينا المضمون والهدف ديال الكاتب؟

السياق

كيفاش السياق الأدبي المباشر-يعني الفقرات أولاً الفصول اللي يلاه قبل ومن بعد الفقرة اللي بغينا نعضو منها- كيكشف لينا على المعنى ديال الفقرة ديالنا؟ علاش جات هاد الفقرة بالضبط في هاد البلاصة في الكتاب؟

شنو هي الحالة التاريخية أولاً السياق التاريخي اللي كانو كيعيشو فيه دوك الناس اللولين اللي في القصة، أولاً الناس اللي تكتاب ليهم ديك الفقرة؟

كيفاش كترتباط الفقرة ديالنا بالسياق العام ديال الكتاب اللي فيه الفقرة؟

النغمة ديال الكتاب (أولاً السّفْر)

شنو هو الأساس أولاً الجوهر ديال هاد السّفْر؟

كيفاش كتعاونّا الفقرة الكتابية باش نفهمو النغمة أولاً الجوهر ديال الكُتّاب كامل اللي فيه الفقرة؟ وكيفاش هاد النغمة العامة ديال الكتاب كتعاونّي نفهم الفقرة ديالي؟

شنو هي الفكرة الرئيسية ديال الفقرة؟

التفكير في الجانب اللاهوتي للنص الكتابي

كيفاش الفقرة ديالنا مرتابطة بالإنجيل؟

كيفاش كيعاونّا اللاهوت الكتابي باش نشوفو الإنجيل في هاد الفقرة؟
كيفاش الكاتب كيستعمل الإتمام ديال النبوءات، والمسار التاريخي،
والمواضيع الرئيسية أولا التشبيهات والرموز؟

كيفاش كيعاونّا اللاهوت النضامي باش نشوفو الإنجيل في هاد الفقرة؟
واش كيحفضا في الإيمان وكيقوّينا فيه، و واش كيعاونّا باش نربطو الفقرة
ديالنا بالرسالة العامة ديال الإنجيل، أولا كيقوّي المهارات ديالنا في التبشير
والوعظ للناس اللّي ماشي مؤمنين؟

الربط ديال الوعض بالتقافة المحلية وبال حاضر

الناس اللّي غيسمعو الوعض

واش كنعرف مزيان الناس اللّي غيسمعو الوعض ديالي؟ واش تعهدت
قدّام الله باش نبغيهم؟ واش كنت كنصلي من أجلهم ملي كنت كنصاوب
الوعظ؟

الترتيب ديال الوعض

شنو البنية والمضمون، أولا التركيز والجوهر اللّي بغيت نوصلهم من
خلال الوعض ديالي؟ واش هاد البنية أولا المضمون كيعكسو البنية والتركيز
اللّي كاينين في الفقرة الكتابية؟

التطبيق

واش الهدف ديالي من الوعض هو يكون تغيّر في القلب، في حياتي وفي
حياة الناس اللّي كيسمعوني؟ واش أنا كنوعض بطريقة كتعاون الناس اللّي

كيسمعوني يكونو متواضعين، وبطريقة كتمجّد المُخَلّص ديالنا المسيح،
وبطريقة كتقوّي القداسة في الحياة ديالنا كاملين؟

شنو كان باغي الكاتِب الأصلي ديال الفقرة يوصل للناس اللي كتب
ليهم؟

القصة: كيفاش الشخصيات اللي في الفقرة ديالي كيتجاوبو وكيتعاملو
مع الحق ديال الله أولا مع الشخص اللي ختارو الله؟

الخطاب والشُّعر: كيفاش الكاتِب الأصلي بعا الناس اللي كتب ليهم
يتجاوبو ويتعاملو مع الحق ديال الله؟

واش التطبيق ديالي نابع من القصد ديال الكاتِب الأصلي؟

واش التطبيق ديالي هو التطبيق الرئيسي والأساسي ديال الفقرة
الكتابية، أولاً أنا مشي متأكد متو؟

واش التطبيق ديالي كيضعّف الفقرة؟ أولاً واش كيتعارض مع شي آيات
خرين في الكتاب المقدّس؟

واش التطبيق اللي أنا غنعطيه هو مأسّس ومبني على الإنجيل، أولاً أنا
كنخاطر بأنني كنحط أوامر و وصايا دينية فوق الكتاف ديال الشعب ديال
الله؟

واش أنا كنعتمد على كلام الله في الفقرة الكتابية باش نقول شنو بغيت
نقول؟ أولاً غير كنقول شنو ديجا كاين في الفقرة الكتابية؟

شكر خاص

جوج ديال الرّعاة كانوا متال ليّا في الوعض التفسيرى: كنت هيووز وديك لوكاس. هاد الجوج رجال ماشي غير خططو الأسبوع ديالهم على أساس شرح كلمة الله، ولكن حتّى لقاو وقت باش يعلموني. وهادشي علاش أن كنشرهم بزّاف. هم كيبقاو أعزّ أصدقاء ليّا، وأنا متأكد بليّ هاد الكتاب هو مزيان بالفضل ديالهم.

فوق هادشيّ، بغيت نعبر على تقديري للرّعاة بجوج اللّي كنخدم معاهم بشكل قريب، جون دينيس وآرتر جاكسون. سنين ديال الخدمة ديالكم الأمانة ديالكم هي تشجيع كبير ليّا. أن شامر لكنيسة التالوت المقدس، في مدينة هايد بارك، شيكاغو. لمدة خمسطاش عام دابا، بكل فرحة قبلتو كلمة الله مّي. وكتر من هادشيّ، أسبوع بعد أسبوع، التزمنا بقلوبنا لبعضياتنا من خلال كلمة المسيح. أنا شاكر على هادشيّ بزّاف، وشاكر على الفرحة اللّي عطاها ليّنا الله تحت الحُكم ديال المسيح.

وأنا شاكر على الصداقة ديال مارك ديفر وجوناتان ليمان. أنا خصّصت وقت باش نكتب هاد الكتاب غير من خلال دعوتهم والتأكيد ديالهم المستمر على تجميع هاد الأفكار باش يتكتبو. بغيت نقول ليك بجوجك أخوتي لعزاز، شكرا على الفرصة اللّي عطيتوني باش نوقف حداكم في هاد العمل. وفوق هادشي، العمل التحريري لتارا ديفيس في كروسواي خلا هاد الكتاب يكون أقوى. شكرا ليك.

وأنا شاكر بزاف لله على روبرت كيني، صديقي في مأمورية المسيح. كيما ديما، شكرا على تحسين الكتابة، وكتر من هادشي، شكرا على مشاركة مسؤوليات قيادة صندوق تشارلز سيميون معايا.

في الأخير، شكرا لىك مراتى لىزا، على روابط المحبة دىال طول العمر،
اللى محفوظىن لىّا بوحدى لمدة ثلاثىن عام دابا. أنا كنىحب بزّاف البلاصة
الكبرى اللى دىما كتحفضىها فى قلبك لكلمة الله.

تقديم للسلسلة

واش كتعتقد بلي مسؤوليتك هي تعاون فبناء كنيسة صحيحة؟ إلا كنتي مسيحي، كنعناقدو بلي هادشي صحيح.

المسيح كيأمرك باش تصنع تلاميذ (متى 28: 18-20). يهوذا كيقول بنيو روحكم فالإيمان (يهوذا 20-21). بطرس كيدعيك باش تستخدم المواهب ديالك لخدمة الآخرين (1 بطرس 4: 10). بولس كيقول ليك قول الحق فالمحبة باش الكنيسة ديالك توصل للنضج (أفسس 4: 13، 15). واش كتشوف منين جينا هادشي؟

سواء كنتي عضو ولا قائد فالكنيسة، سلسلة كتب "بناء كنائس سليمة" كتهدف لمساعدتك باش تنفذ هاد الأوامر الكتابية وتلعب الدور ديالك فبناء كنيسة صحيحة. طريقة أخرى نقولو بيها، كتنماو هاد الكتب تساعدك باش تنمي المحبة ديالك للكنيسة ديالك كيفما المسيح كيحب الكنيسة ديالك.

9Marks كتخطط لإنتاج كتاب قصير وسهل القراءة عن كل ما أسماه مارك العلامات التسع للكنيسة الصحية، بالإضافة إلى واحد آخر عن العقيدة السليمة. ترقبوا كتبًا عن الوعظ التفسيري، واللاهوت الكتابي، والإنجيل، والتحول، والتبشير، وعضوية الكنيسة، وتأديب الكنيسة، والتلمذة والنمو، وقيادة الكنيسة.

الكنائس المحلية موجودة لإظهار مجد الله للأمم. نفعل ذلك بتثبيت أنظارنا على إنجيل يسوع المسيح، والثقة به للخلاص، ومن ثم محبة بعضنا البعض بقداسة الله ووحدته ومحبته. نصلي أن يساعدكم الكتاب الذي بين أيديكم.

بكل رجاء،

مارك ديفر وجوناتان ليمان

المحررين ديال السلسلة

IX 9Marks

واش كنيستك صحية؟

خدمة "تسعود ديال العلامات" (9Marks) موجودة باش تجهز القادة ديال الكنايس برؤية كتابية وموارد عمليية باش يضره مجد الله للأمم من خلال كنائس سليمة وصحيّة.

على هاد الغرض، بغينا نعاونو الكنائس يكبرو فتسعود ديال العلامات ديال الصّحة اللي غالباً ما كنتجاهلوهم:

1. الوعض التفسيري.
2. عقيدة الإنجيل.
3. فهم كتابي للإيمان والتبشير.
4. العضوية الكتابية في الكنيسة.
5. التأديب الكتابي في الكنيسة.
6. اهتمام كتابي بالتلمذة والنمو.
7. قيادة كتابية في الكنيسة.
8. فهم كتابي لممارسة الصلاة.
9. فهم وممارسة كتابية للإرساليات.

فخدمة "تسعود ديال العلامات" كنكتبو مقالات وكتوب ومراجعات ديال الكتوب وفي مجلة على الأنترنت. كنضمنو مؤتمرات وكنسجلو مقابلات وكنتنجو موارد خرين كيعاونو في تجهيز الكنايس باش مجد الله يبان.

زور موقعنا على الأنترنت وغلتي المحتوى بكثر من 40 لغة وتسجل باش توصلك مجلتنا على الأنترنت فابور. غادي تلقا القائمة الكاملة ديال مواقعنا لخرين باللغات

الأجنبية هنا: <https://www.9marks.org/international>

9Marks.org

شنو كيخلي الوعظ يكون ميزان؟

في هاد الكتاب اللي الفهم ديالو ساهل واللي مكتوب للوعاظ والناس اللي كيتعلمو الوعظ، الراعي دافيد هيلم كيحدد الأفكار الرئيسية على شنو خاصك تعرف وشنو خاصك تدير باش تولى مُفسّر أمين لكلمة الله.

بالإضافة لتقديم إرشادات عملية خطوة بخطوة للوعاظ، هاد الكتاب الصغير غادي يجّهزنا كلنا باش نعرفو الوعظ الميزان ملي نسمعو شي عظة.

"ديفيد هيلم كتب أكبر كتاب مفيد بزّاف ومُختصر ونافع على الوعظ التفسيري".
- مات تشاندلر، الراعي الرئيسي، كنيسة دي فيلاج، دالاس، تكساس

"إلاكنت كنعلم شي قسم على الوعظ وخاصني نعطي للطلبة ديالي غير كتاب واحد، غادي نختار هاد الكتاب. هادا اكتشاف نادر كيقدّم الموضوع للمبتدئين وكيعلم حتى الناس اللي عندهم تجربة كبيرة".

- مارك ديفر، الراعي اللؤلؤ، كنيسة كابيتول هيل المعمدانية، واشنطن العاصمة

"قدم لنا هيلم تعليم مختصر وميزان ومقنع على شنو خاصنا نفهموه وشنو خاصنا نديرو باش نوعضو بكلمة الله بأمانة. هادا كتاب مهم بزّاف".

- ر. كينت هيوز، الراعي اللؤلؤ الفخري، كنيسة كوليج، ويتون، إلينوي

ديفيد هيلم: (عند إجازة في الدراسات اللاهوتية، معهد غوردون-كونويل اللاهوتي) هو الراعي الرئيسي في كنيسة التالوت المقدس في شيكاغو. وهو رئيس مؤسسة تشارلز سيميون، اللي كتركّز على التعليم العملي في الوعظ. هيلم ساهم في كتاب "وعظ بالكلمة: مقالات في الوعظ التفسيري"، وهو مؤلف كتاب "الكتاب المقدس بالصورة الكبيرة" وحتى كتب تعليقات تفسيرية على رسالة بطرس الأولى، بطرس الثانية، ورسالة يهودا في سلسلة تعليقات "الوعظ بالكلمة" ديال خدمة كروسواي.

* هاد الكتاب هو جزء من سلسلة "9 ديال العلامات: بناء كنائس سليمة".